

脾胃部

醫學綱目

自廿一  
至廿二

十二

內傷飲食

胎前傷食

百病皆生於痰

大法

**四**飲食傷論

陰陽應象論云水穀之寒熱感則害人六

腑痺論云陰氣者靜則神藏躁則消亡飲食自倍腸胃  
傷此乃混言之也分之為二飲也食也飲者水也無形之  
氣也因而大飲則氣逆形寒飲冷則傷肺肺病則為喘咳  
為腫為水瀉輕則當發汗利小便使上下分消其濕解醒  
湯五苓散生薑半夏枳實白朮之類是也如重而畜積為  
滿者芫花大戟甘遂牽牛之屬利下之此其治法也食者  
物也有形之血也如生氣通天論云因而飽食筋脈橫解  
腸澼為痔又云食傷太陰厥陰寸口大於人迎兩倍三倍  
者或嘔吐或痞滿或下痢腸澼當分寒熱輕重治之輕則  
內消重則除下如傷寒物者半夏神麩乾薑三稜廣茂巴

芎之類主之如傷熱物者枳實白朮青皮陳皮麥蘗黃連  
大黃之類主之亦有宜吐者陰陽應象論云在上者因而  
越之瓜蒂散之屬主之然而不可過劑過則反傷腸胃蓋  
先因飲食自傷又加以藥過故腸胃復傷而氣不能化  
食愈難消矣漸至羸困故五常正大論云大毒治病十去  
其六小毒治病十去其七常毒治病十去其八無毒治病  
十去其九不可過之此聖人之深戒也

輕者內消

川芎蒼朮

傷飲

五苓散治煩渴飲水過多或水入即吐心中淡淡停濕  
在內小便不利

肉桂兩一 猪苓 茯苓 白朮各一兩五錢  
澤瀉二兩五錢

右為細末每服二錢熱湯調下不拘時候服訖多飲熱  
湯取汗出愈治傷冷飲者煎五苓散送半夏枳朮丸  
治傷飲不惡寒胸中微覺忤悶身重飲食不化者或小  
便不利者五苓散去桂依前斟酌服之 如痧熱在裏  
身發黃疸食前濃煎茵陳湯調愈

除濕散治傷馬牛乳酪及冰水一切冷物

半夏湯泡一錢 車前子炒五錢 甘草炙二錢 紅花二錢  
茯苓七錢 乾薑三錢 澤瀉兩半

右為細末每服三錢食前白湯調下

丹導飲丸治水飲  
吳茱萸錢三 白茯苓兩一 黃連錢五 蒼朮兩一  
獨活錢七

右為細末神麴糊丸服

傷酒

**卅** 茱萸丸治飲用六一散一料加吳茱萸一兩水丸服

**酒** 酒者大熱有毒氣味俱陽乃無形之物也若傷之止當

發散汗出則愈矣其次莫如利小便乃上下分消其濕今

之病酒者往往服酒癥丸大熱之藥下之又有用牽牛大

黃下之者是無形元氣受病反下有形陰血乖誤甚矣酒

性大熱已傷元氣而復重瀉之亦損腎水真陰及有形血

氣俱為不足如此則陰血愈虛真水愈弱陽毒之熱大旺

反增其陰火是以元氣消燦折人長命不然則虛損之病

成矣酒疸下之久則為黑疸慎不可犯宜以葛花解醒湯

主之

**酒** 治酒病宜發汗若利小便炎酸不肯下行故曰火鬱則

發之以辛溫散之是從其體性也是知利小便則濕去熱

不去若動大便尤為踈陋蓋大便者有形質之物酒者無

形之水從汗而發之是為近理濕熱俱去故治以苦溫發其火也佐以苦寒除其濕也

**酒** 葛花解醒湯治飲酒太過嘔吐痰逆心神煩亂胸膈痞

塞手足戰搖飲食減少小便不利

青皮三分

木香五分

橘紅五分

人參

猪苓

白茯苓各一錢

神麴炒

澤瀉

乾薑

白朮各二錢

白苳菴

葛花

砂仁各五錢

右為細末每服三錢白湯調下但得微汗則酒病去矣

此蓋不得已而用之豈可恃此酌飲成病自損元氣惟

病酒者宜之

**聖** 治酒醉不醒用菘菜子二合研細井水調服

**烏** 梅丸治酒毒化痰消食

烏梅斤一

半夏

白礬各八兩

生薑二兩

右搗為細末以新瓦兩片夾定火焙三晝夜為度次入神麴麥芽陳皮青皮蓬朮枳殼丁皮大腹子各四兩糊丸每服四五十九薑湯下

**世**烏梅丸治酒積神效方見積塊門

**醫**百杯丸治酒停胸中膈氣痞滿面色黃黑將成癖疾飲食不進日漸羸瘦如欲飲者先服不醉

生薑一斤去皮切片以鹽二兩淹一宿焙乾

橘紅三兩

廣茂炮三錢

乾薑三兩

益智仁粒二十

丁香五十枚

甘草灸二錢

砂仁粒三十

三稜炮二錢

木香

茴香炮各一錢

白荳蔻粒三十

右為末煉蜜丸每一兩作五九硃砂為衣生薑湯下細嚼無時服

傷食

**丹**解酒毒併熱毒栢若本草名枳栢北人名曰爛瓜杭州

貨賣名蜜屈立春生秋熟冬間經霜後取食

**垣**枳朮丸治痞積消食強胃海藏云本仲景枳朮湯也今易老改為丸治老幼虛弱飲食不化或臍臑軟弱者

枳實去穰炒一兩 白朮二兩

右為末荷葉裹燒飯為丸如桐子大每服五十九白朮湯下服白朮者本意不取其食速化但久服令人胃氣強實不復傷也

麴蘖枳朮丸治為人強食所致心胸滿悶不快

神麴炒

麥蘖炒

枳實炒各一兩

白朮二兩

右為末荷葉燒飯為丸每服五十九木香枳朮丸破滯氣消飲食開胃進食

木香

枳實各一兩

白朮二兩

照前法為丸服

又方開胃進食

木香錢三

人參

乾薑各一錢半

枳實兩一

白朮兩二

照前荷葉燒飯為丸食前白湯服三五十九忌飽食

檳榔丸消食破滯氣

檳榔錢三

木香錢一

陳皮錢五

甘草錢一

人參錢二

右為末蒸餅丸每服二三十九食前白湯下

**羅**木香檳榔丸踈三焦寬胸膈破痰飲快氣潤腸

神麩

皂角去皮酥炙

郁李仁去皮各一兩

杏仁去皮尖炒

木香

檳榔

青皮白去

枳殼麩炒各兩一

右為末再用皂角四兩水一碗浸一日揉膏入熟蜜少

許為丸桐子大每服五十九淡薑湯下

**保和丸**治食積酒積

山查肉兩一

半夏薑製

蘿蔔子炒各五錢

神麩錢三

麥芽炒三錢

黃連炒半兩

陳皮兩半

右為末酒糊丸服或用神麩糊為丸尤妙

大安丸脾經消導之劑虛者宜斟酌用之

山查兩二

神麩炒

半夏製

茯苓各一兩

陳皮錢五

白朮兩二

連翹錢五

蘿蔔子炒半兩

右為末神麩糊丸服一方無白朮

三黃枳木丸治傷肉食濕麩辛辣厚味之物填塞悶亂胸

膈不快

黃芩兩二

黃連炒酒

大黃煨

神麩炒

白朮

陳皮各一兩

右為末湯浸蒸餅為丸如菘菹大每服五十九白湯下

垣除濕益氣丸治傷濕麩心腹滿悶肢體沉重

枳實炒

白朮

黃芩生

神麩炒各一兩

紅花三分

蘿蔔子炒熟半兩

右為末荷葉飯丸每服五十九白湯下

上二黃丸治傷熱食痞悶兀兀欲吐煩亂不安

黃芩二兩

黃連酒洗一兩

升麻

柴胡各三錢

甘草二錢

枳實炒半兩

右為末湯浸蒸餅丸每服六七十丸白湯下

枳朮導滯丸治傷濕熱之物不得旋化而作痞滿悶亂不安

安

黃芩

茯苓

白朮

黃連各三錢

澤瀉二錢

枳實炒

神麩炒各五錢

大黃細切二兩

右為末湯浸蒸餅為丸白湯下五七十九

白朮丸治傷豈粉濕麩油膩之物

白朮一兩

半夏製一兩

橘紅七錢

神麩炒

枳實炒各一兩

黃芩半兩

枯白礬三分

右為末湯浸蒸餅為丸量所傷多少加減服之如素食

多用乾薑故以黃芩瀉之

食狗肉不消心下堅或腹脹口乾發熱妄語者薑瀉根汁

飲之

食魚膾及生肉在胸膈不化必成癥瘕搗馬鞭草汁飲

之飲生薑水亦易消

道半夏枳朮丸治因冷食內傷一方有澤瀉一兩有小便

淋故也

半夏薑製 枳實炒 白朮一兩

右為末荷葉飯為丸如傷食寒熱不調每服加上二黃九十九丸白湯下

木香乾薑枳木丸破滯氣消寒飲食

木香錢 乾薑炮五錢 枳實炒一兩 白朮一兩

右為末荷葉飯為丸食前白湯服四五十丸

丁香爛飯丸治食傷太陰又治卒心胃痛

丁香錢一 丁皮錢三 甘草炙一錢 甘松淨

砂仁錢 益智仁各三錢 三稜炮一錢 廣茂炮一錢

香附錢五 木香錢一

右為末湯浸蒸餅為末白湯服或細嚼亦可

小胃丹

芫花好醋拌勻過一宿於瓦器內 甘遂濕麵裹

日洗曬乾一云水浸冬七日春秋五日或用水煮亦可 大戟水煮一時洗晒

黃栢炒三兩 大黃濕紙裹煨勿焦切焙乾再

右為末以白朮膏丸如蘿蔔子大臨臥津液吞下或白湯送下取其隔上濕痰熱積以意消息之欲利空心服

一方加木香檳榔各半兩蒸餅丸每服七八十九

治中酒不醒及傷食

巴菝去油三粒 烏梅二枚 丁香三粒 胡椒五粒

右為末入飯同杵二千下為丸如桐子大細嚼丁香湯下五七丸小兒一九

備急丸治尺寸俱盛填塞悶亂方見卒中門

蠲飲枳實丸逐飲消痰導氣清膈

枳實炒 半夏製 橘紅各二兩 黑丑取頭末三兩

傷食

傷熱食

右為末水煮麪糊為丸每服五十九食後生薑湯下如所傷飲食在胸膈間兀兀欲吐反覆悶亂以物探吐之甚者用瓜蒂散

**証** 人病有宿食何以別之曰脈浮而大按之反濇尺中亦微而濇故知有宿食用大承氣湯下之傷寒方見脈數而滑者實也此有宿食下之愈宜大承氣湯下之傷寒方見下痢不飲食者宿食也亦宜大承氣湯下之脈緊如轉索無常者有宿食也脈經云寸口脈緊胸中有宿食不化

**藏** 金露丸治內傷心痞氣不升降水穀不消

大黃兩 枳實炒五錢 桔梗兩 牽牛二錢五分  
右為末荷葉飯為丸白湯下三五十九食後常服減半

傷冷食

**垣** 木香見睨丸治傷生冷硬物心腹滿悶疼痛

巴荳霜五分 京三稜煨 神麪炒 石三稜去皮

草薺煨熟取心五錢 柴胡三錢 木香二錢 香附兩 升麻三錢

右為末湯浸炒餅為丸如葉荳大每服一二十九白湯送下

三稜消積丸治傷生冷硬物不能消化心腹滿悶

京三稜炮七錢 廣茂炮七錢 青皮 陳皮各五錢  
丁皮 益智各三錢 神麪炒七錢 茴香炒半兩

右為末醋麪糊為丸如桐子大每服十九至二十九溫薑湯下食前服量虛實加減得更衣止後服

感應丸治中虛積冷氣弱有傷停積胃脘不能傳化或因氣傷冷或因飢飽傷食飲酒過多心下堅滿兩脇脹痛心

腹大痛霍亂吐瀉大便頻數後重遲澀久痢赤白膿血相雜米穀不化愈而復發又治中酒嘔吐痰逆惡心喜睡頭旋胸膈痞滿四肢倦怠不思飲食不拘新舊冷積並皆治之

木香 肉荳蔻 丁香 各一兩半 乾薑 炮一兩

巴荳 七十箇去皮膜研出油 杏仁 一百四十粒湯泡去皮尖研

百草霜 兩

右前四味為末外入百草霜研與巴荳杏仁七味同和勻用好蠟六兩溶化成汁以重絹濾去渣更以好酒一升於銀石器內煮蠟數沸傾出候酒冷其蠟自浮於上取蠟秤用丸春夏修合用清油一兩銚內熬令香熟次下酒煮蠟同化成汁就銚內乘熱拌和前項藥末秋冬修合用清油一兩半同煎煮熟成汁和匱藥末成劑分

作小錠子油紙裹放旋丸服之每三十九丸空心薑湯下神應丸治一切冷物冷水及乳酪傷小腹痛腸鳴米穀不化

巴荳 杏仁 乾薑 百草霜 各半兩

丁香 木香 各二錢 黃蠟 兩

右先將黃蠟用好醋煮去渣穢將巴荳杏仁同炒黑烟盡研如泥春夏入香油半兩秋冬入錢溶開下杏仁已荳攪勻次下木香丁香等末研勻搓作錠子油紙裹旋丸桐子大每米飲下三五丸食前日三服大有效雄黃聖餅子

巴荳 一百枚 雄黃 兩半 白麪 十兩炒又羅過

右三味內除白麪餘同為細末共麪和勻用新水攪和做餅如手大以水再煮浮於湯上看硬軟捏作餅子每

氣口脈  
緊盛宜  
下

服五七餅加至十餅十五餅嚼食一餅利一行二餅利  
二行食前茶酒任下

人之生也由五穀之精化五味之備故能生形經曰味  
歸形若傷於味亦能損形今飲食過節以致腸胃不能勝  
氣不及化故傷焉經云壯火食氣氣食少火壯火散氣少  
火生氣又云飲食自倍腸胃乃傷以失四時之調節故能  
成病脈在氣口經曰氣口脈盛傷於食心胃滿而口無味  
口與氣口同口曰坤者口乃脾之候故胃傷而氣口緊盛  
夫傷有多少有輕重如氣口一盛得脈六至則傷於厥陰  
乃傷之輕也枳朮丸之類主之氣口二盛脈得七至則傷  
於少陰乃傷之重也雄黃聖餅子木香檳榔丸枳殼丸之  
類主之氣口三盛脈得八至九至則傷太陰填塞悶亂則  
心胃大痛備急丸神保丸消積丸之類主之元元欲吐不

已俗呼食迷風是也經曰上部有脈下部無脈其人當吐  
不吐者死瓜蒂散主之如不能吐是無治也經曰其高者  
因而越之此之謂也備急下之亦可  
檳榔丸治飲食過多心腹脹悶

檳榔二錢 陳皮 牽牛各一 木香二錢  
枳實兩 兩 兩 兩

右為末醋糊丸生薑湯下三四十九  
煮黃丸治飲食過多心腹脹滿脇肋走氣痞癖刺痛如神

雄黃兩 巴菴五錢  
研一 心研如泥

右入白麴二兩同研勻滴水丸如桐子大滾漿水煮十  
二丸濾入冷漿水內令沉冷每用時用浸藥冷漿下一  
丸一日十二時盡十二丸以微利為度不必盡劑  
仲宿食在上腕當吐之宜瓜蒂散又云凡血虛者不可吐

尺脈絕者當吐

**瓜蒂散**治大滿大實氣上衝逆上部有脈下部無脈填塞悶亂者用之如尺寸俱盛者宜用備急丸

瓜蒂炒

赤小豆

者等分

右為細末每服二錢溫漿水調下取吐為度仲景以香豉七合煮取汁和散一七服之若不至兩尺脈絕者不宜便服此藥恐損元氣令人胃氣不復若止胃中窒塞悶亂不通以物探之得吐則已如探不去方以此劑吐之或曰盛食填塞胸中痞亂兩寸脈當用事今反兩尺脈不見其理安在曰胃中有食是木鬱宜達故探吐之食者物也物者坤土也是足太陰之號也胃中者肺也為物所塞肺者手太陰金也金主殺伐與坤土俱在手而上而旺於天金能克木故肝木發生之氣伏於地下非木鬱而何吐去上焦陰土之物不得舒暢則鬱結去矣

食塞於上脈絕於下若不明天地之道無由達此至理水火者陰陽之徵兆天地之別名也故獨陽不生獨陰不長天之用在於地下則萬物生長地之用在於天上則萬物收藏此乃天地交而萬物通也此天地相根之道也故陽火之根本於地下陰水之源本於天上故曰水出高原故人五臟主有形之物物者陰也陰者水也右三部脈主之偏見於寸口食塞於上是絕五臟之源源絕則水不下流兩尺脈之絕此其理也何疑之有然必視所傷之物冷熱隨症加減如傷冷物一分熱物二分則用寒藥二停熱藥一停隨時消息經云必先歲氣無伐天和此之謂也

陰症脈鼓擊者宜溫

**秦生好服**三生茶及冷物成積而痼寒脈非浮非沉上下內外按舉極有力堅而不柔觸皆突出膚表往來不可

以至數名縱橫不可以巨細狀此陰症鼓擊脈也一身流  
行之火萃於胸中寒氣逼之故搏大有力與真武四逆理  
中等湯丸佐以芍藥茴香使不僭上每日服百丸夜八粒  
至夜出汗而愈

**既**有三陰可下之法亦必有三陰可補之法予故云內  
傷三陰可用溫劑若飲冷內傷雖云損胃未知色脈各在  
何經若面色青黑脈浮沉不一弦而弱者傷在厥陰若面  
色紅赤脈浮沉不一細而微者傷在少陰若面色黃潔脈  
浮沉不一緩而遲者傷在太陰也如傷在厥陰肝之經  
當歸四逆湯加吳茱萸生薑湯之類主之傷在少  
陰腎之經宜服通脈四逆湯傷在太陰脾之經理  
中丸湯主之大便軟者宜湯結者宜丸  
**唐**臣嗜冷食遂成陰症脈遲七八至一止後僅三至予

亟與溫劑數服四五日不解遂續進三服一日脈生大汗  
而解

禁忌

**陰**氣者靜則神藏躁則消亡飲食自倍腸胃乃傷謂食  
物無貪於多貴在有節所以保冲和而遂頤養也若貪多  
務飽飫塞難消徒積暗傷以召疾患蓋食物飽甚耗氣非  
一或食不下而上湧嘔吐以洩真元或飲不消而作痰咯  
唾以耗神水大便頻數而洩耗穀氣之化生溲便滑利而  
濁耗源泉之浸潤至於精清冷而下漏汗淋漓而外洩莫  
不由食物過傷滋味太厚如能節滿意之食省爽口之味  
當不至於飽甚即頓頓必無傷物物皆為益津液內畜精  
華和凝邪毒不能犯疾疹無由作矣

胎前傷食

**本**治婦人有孕傷食宜服木香丸

傷食

木香錢二

三稜

白茯苓

人參各三錢

右為末麩糊丸每服三十九丸熟湯下

治妊娠氣不和調飲食少味宜服白朮散

白朮

紫蘇各一兩

白芷

人參

訶子皮

川芎

青皮各半兩

甘草錢一

右為末每服二錢水一盞薑三片煎至七分不拘時溫

服 妊娠傷食又當於前條傷飲食之輕劑參酌用之

經云飲食自倍腸胃乃傷又云陰之所生本在五味陰之

五宮傷在五味若妊婦飲食不節生冷毒物恣意食啖致

脾胃之疾故妊娠傷食難得藥效惟此二方穩便

百病皆生於痰

傷飲

有痰飲有懸飲有溢飲有支飲 其人素盛今瘦水走腸間漚漚有聲謂之痰飲病痰飲者當以溫藥和之又云心下

有痰飲者苓桂甘朮湯主之

飲後水流在脇下咳唾引痛謂之懸飲

病懸飲者十棗湯主之方見傷寒

留飲者脇下痛引缺盆咳

嗽則轉甚 胸中有留飲其人短氣而渴四肢歷節疼脈

沉者有留飲 飲水流行歸於四肢當汗出而不汗出身

體疼重謂之溢飲病溢飲者當發其汗大青龍湯小青龍

湯主之二方並見傷寒 咳逆倚息短氣不得臥其形如腫謂之

支飲 人咳數年其脈弱者可治實大數者死其脈數者

亦喘而不能臥加短氣其脈平也 水在心心下堅築短

氣惡水不欲飲 水在肺吐涎沫欲飲水 水在脾少氣

身重 水在肝脇下支滿嘔而痛 水在腎心下悸

嘔吐是水飲在心脇仲景云嘔吐心下痞者胸中有水宜

半夏茯苓湯主之又云嘔家本渴今反不渴心下有支飲

故也小半夏湯主之又云先渴却嘔者水停心下小半夏  
 加茯苓湯主之羅謙甫云痰飲為患或嘔吐惡心或頭眩  
 心悸或半身不快或為寒熱並二陳湯主之方見丹溪痰門眩  
 悸是飲仲景云卒嘔吐心下痞眩悸者膈間有水半夏加  
 茯苓湯主之方見嘔吐又云瘦人臍下有悸吐涎沫而癩眩  
 者此水也五苓散主之方見嘔吐又云胸滿目眩者苓桂甘  
 朮湯主之方見短氣又云心下有支飲其人苦冒眩澤瀉湯  
 主之方見眩門

**肺**膈上病痰滿喘咳吐發則寒熱背痛腰疼目泣自出其  
 人振振身瞤劇必有伏飲治見脈大心下有留飲其人  
 背寒冷病人臂不時疼痛其脈沉細非風也必有飲在  
 上焦其脈虛者為微勞營衛氣不和故也久久自瘥脈虛  
九不虛胸滿是飲仲景云支飲胸滿者厚朴大黃湯主

之方見又云心下有痰飲胸脇支滿目眩苓桂朮甘湯  
 主之方見短氣

渴燥是水飲在腸胃所生仲景云渴而小便不利宜五苓  
 散主之又云先渴却嘔者為水停心下小半夏加茯苓  
 湯主之又云腹滿口舌乾燥此腸間有水氣防椒蘆黃  
 丸主之但因水所在之處不同而所兼之症不一也

自利有飲故丹溪治久痢皆吐之去膠痰自愈又仲景云  
 病者脈伏其人欲自利反快雖利心下續堅滿此為留  
 飲欲去故也甘遂半夏湯主之方見又云小便不利四  
 肢沉重疼痛自利者此為水氣宜用真武湯去芍藥加乾  
 薑主之久病傷寒表不解嘔欬自利者此為水氣宜服小  
 青龍湯去麻黃加芫花主之尺膚蒼如枯魚之鱗者水  
 飲候也全文色鮮明者有留飲

素肝脈奕而散色澤者當病溢飲溢飲者暴渴多飲而溢入肌皮腸胃之外也脈要精微論肝脈濇甚為溢飲全文見法

仲脈雙弦者飲也皆大下後善虛脈偏弦者飲也肺飲不弦但苦喘短氣脈弦數有寒飲冬夏難治脈沉而弦者懸飲內痛脈浮而細滑者傷飲

痰症

絲帛鋪劉負外患傷寒六七日晝夜不得眠方眠即起方起即倒未嘗少息看待厭倦召孫孫曰若言是氣必喘作今無此症非氣也時復身上冷汗出尺寸脈皆沉關中亦沉重診之鼓擊於指下此痰積寒聚於胸中也遂用陳皮半夏乾薑三物各一兩為飲薑半兩搗碎以水兩碗煎七分去渣分二服服藥經時遂睡經一晝夜不甦既覺下痰一塊如鷄子大其疾遂愈凡痰症皆有冷汗其症明矣

丹風痰多見奇症凡風痰病必用風痰藥白附子天麻

雄黃牛黃僵蚕皂角之類濕痰多見倦怠軟弱濕痰宜用蒼白二木又用油炒半夏

痰清者屬寒用二陳湯之類

半夏 陳皮 茯苓 甘草

每服四錢加生薑七片烏梅一箇煎不拘熱服嘔吐甚者加丁香

導痰湯

半夏兩四 南星 橘紅 枳殼

赤茯苓各半兩 甘草 薑水煎服

燥濕痰方

南星製 半夏製各兩 蛤粉二兩 青黛為衣

熱痰多按風外症為多用青黛黃連天花粉大快膈上熱

痰症治法

痰 痰因火盛逆上者治火為先白朮黃芩石膏之類中  
氣不足加參朮黃芩假之以降其熱也 食積痰神麩麥  
蘗山查 欲吐食積痰用蘿蔔子油炒為末漿水調下探  
而吐之 食積痰必用攻若氣虛者用補氣藥送 老痰  
海石半夏瓜蒌香附五倍子佐他藥大治頑痰 鬱痰僵  
蚕杏仁瓜蒌訶子貝母五倍子 痰而脾虛者清中氣二  
陳湯加白朮之類兼用升提藥 內傷挾痰必用參朮芪  
之類多用薑汁傳送或加半夏之類虛甚加竹瀝 眩運  
嘈雜乃火動其痰用二陳湯加梔子芩連之類 噫氣吞  
酸此係食鬱有熱火氣上動以黃芩為君南星半夏橘紅  
為臣熱多加青黛 喉中如有物咯不出咽不下此老痰  
也重者吐之用瓜蒂散氣實用荆瀝仲景用半朴茯苓 痰  
結核在咽喉中燥不能出入化痰藥內加鹹藥軟堅之味

瓜蒌仁杏仁海石桔梗連翹少佐以朴硝薑蜜丸噙化  
凡人身上中下有塊是痰問其平日好食何物吐下後方  
用藥 痰之為物隨氣升降無處不到 痰在腸胃間可  
下而愈 痰在經絡中非吐不可出吐中就有發散意  
痰在膈上必用吐之瀉亦不出 痰膠固者及脈浮者俱  
用吐法吐法見治法 痰在脇下非白芥子不能達 痰  
在皮裏膜外以薑汁竹瀝導之 痰在四肢非竹瀝不能  
開 二陳湯善治人一身有痰如在下加下引藥在上加  
上引藥 潤下丸降痰最妙 青礬石丸重在風化硝  
小胃丹能損胃食積痰用之然不宜多服 蒼朮治痰飲  
成窠囊者極效 海粉能治熱痰降濕痰軟結痰消頑痰  
最效可入丸子不可入煎藥 枳實瀉痰能衝墻壁 竹  
瀝能治膈間有痰或癩狂或健忘或風痰最效又能養血

荆瀝治痰稍重用此二味效速且穩當二瀝治痰結在皮裏膜外及經絡者必佐以薑汁 薑汁治血滯不行中焦有飲取自然汁冷飲三四盞必覺胸中煩躁不寧後自愈氣實熱痰吐難得出或成塊或吐咯不出及兼氣鬱者難治 中焦有痰胃氣亦賴所養卒不便虛若攻之盡則虛矣 凡治痰用利藥過多致脾氣下虛則痰反易生而多矣

痰之為病方論少有細述之者近惟三因畧言亦無加減法夫痰之源不一有因痰而生熱者有因熱而生痰者有因氣而生者有因風而生者有因驚而生者有積飲而生者有多食而成者有因暑而生者有傷冷物而成者有脾虛而成者有飲酒而成者其為病也驚痰則成心包痛顛疾熱痰則成煩燥頭暈眼燥結怔忡懊懷驚眩風痰

成癱瘓大風眩暈暗風悶亂飲痰成脇痛四肢不舉每日嘔吐食痰成瘡疔口出臭氣暑痰中暈眩冒黃疸頭疼冷痰骨痺四肢不舉氣刺痛酒痰飲酒不消但得酒次日又吐脾虛生痰食不美反胃嘔吐氣痰攻注走刺不定婦人於驚痰最多蓋因產內交接月事方行其驚因虛而入結成塊者為驚痰必有一塊在腹發則如身孕轉動跳躍痛不可忍 凡人手臂或動不得或骨節遍身痛坐臥不寧此痰入骨也 有人脚氣久不治骨節痛與脚氣藥不效此痰病也 凡傷寒病後嘔吐藥不得入亦因初病膈中有涎痰也或因下之太早而遂議其非痰未為確論 傷寒發黃亦是痰病蓋因熱搏而成凡大便秘者亦是痰結 右前件諸症變生不一甚不易辨指下難求得此妙訣 慎勿輕傳

妙應丸  
加減法

凡有痰者眼皮及眼下必有烟灰黑色舉目便知不待切脈 眼黑而頰赤者熱痰也面大黃色亦熱痰也外症必煩滿膈熱口乾思冷大便秘結小便赤熱久必生風或眩暈耳鳴眼花多虛症治之而用熱藥服久必脈大實發大熱而中風可急下之 眼黑而行步呻吟舉動艱難者入骨痰也其症遍體骨節疼痛 眼黑而面帶土色四肢痿痺屈伸不便者風濕痰也 眼黑而氣短促者驚風痰也 左右關脈大者膈中有痰也可吐之怕吐者消息下之 凡人每日背上一條如線而寒起者宜吐下之 凡病百藥不效其關上脈伏而大者痰也用妙應丸加減法方見走注痰痛即控延丹 腳氣加明磁脂一錢檳榔木瓜各一兩卷栢半兩先以鹽水煎半日次日白水煮半日同煎藥為丸每服二十九加至四十九再服下惡物立效 驚痰

痰丸  
右症

加硃砂二錢又加全蝎每用八九丸常與之三至五服去盡酒痰加雄黃全蝎各二錢每服十丸 走注腰痛加核桃三箇燒灰每服三十九加至五十九溫酒下 腳氣走注於前方內加吳茱萸 驚氣成塊者加川山甲炒鱉甲燒各三錢玄胡索蓬朮各四錢每服五十九加至七十九以利為度 腎痺痛加木鱉子去殼研一兩桂半兩 熱痰加盆硝等分每服三兩丸 寒痰加胡椒丁香蝎桂各等分每服二十五丸 洞窟痰之為病成偏頭風成雷頭風成太陽頭痛眩運如坐舟車精神恍惚或口眼攣動或眉稜耳輪俱痒或頰腮四肢遊風腫硬似疹非疹或渾身燥痒搔之則隱疹隨生皮毛烘熱色如錦斑或齒頰似痒似痛而疼無定所滿口牙浮痛痒不一或噁氣吞酸鼻聞焦臭喉間荳腥氣心煩

鼻塞咽隘不利咯之不出咽之不下或因噴嚏而出或因  
舉動而唾其痰如墨又如破絮或如桃膠或如蜆肉或心  
下如停冰鐵閉滯妨悶噁連聲狀如膈氣或寢夢刑戮  
刀兵劍戟或夢入人家四壁圍遠暫得一竇百計得出則  
不知何所或夢在燒人地上四面烟火枯骨焦氣撲鼻無  
路可出或不因觸發忿怒悲啼雨淚而寤或時郊行忽見  
天邊兩月交輝或見金光數道回頭無有或足膝酸軟或  
骨節腰腎疼痛呼吸難任或四肢肌骨間痛如擊戳乍起  
乍止並無常所或不時手臂麻痺狀如風濕或臥如芒刺  
不安或如毛虫所螫或四肢不舉或手足重滯或眼如薑  
蜃膠粘痒溢開闔甚難或陰晴交變之時胸痞氣結閉而  
不發則齒痒咽痛口糜舌爛及其奮然而發則噴嚏連聲  
初則涕唾稠粘次則清水如注或眼前黑暗腦後風聲耳

內蟬鳴眼睨肉惕治之者或曰腠理不密風府受邪或曰  
上盛下虛或曰虛或曰寒或曰發邪惟洞虛子備此疾苦  
乃能治療病勢之來則胸腹間如有二氣交紐噎塞煩鬱  
有如火火上衝頭面烘熱眼花耳鳴痰涎涕淚並從肺胃  
間湧起凜然毛豎噴嚏千百然後遍身煩燥則去衣凍體  
稍止片時或春秋乍涼之時多加衣衾亦得暫緩或頓飲  
冰水而定或痛飲一醉而寧終不能逐去病根乃得神秘  
沉香丸方屢獲大效愈人數萬但不欲輕傳匪人故以隱  
語括之詩曰甌裏翻身甲帶金於今頭戴草堂深相逢二  
八水斤正硝煨青礞倍若沉十七兩中沉半兩水丸梧子  
意須斟除驅怪病安心志水瀉雙身却不任

大黃蒸八兩

黃芩八兩

青礞石一兩硝煨如金色

沉香兩半

右為末水丸如梧子大白湯食後空心服 一切新舊  
失心喪志或癲或狂等症每服一百丸氣盛能食狂甚  
者加二十九臨時加減消息之 一切中風癱瘓痰涎  
壅塞大便或通或結者每服八九十九或加至百丸永  
無秘結之患 一切陽症風毒脚氣遍身遊走疼痛每  
服八九十九未效加至百丸 一切無病之人遍身筋  
骨疼痛不能名者或頭疼牙痛或搖或痒風蛀等症風  
寒鼻塞身體或疼或不疼非傷寒症者服八九十九痰  
盛氣實者加之 一切吞酸噎逆膈氣及胸中疼悶腹  
中氣塊衝上嘔沫吐涎狀如翻胃心下恍惚如畏人捕  
怵惕不安陰陽關格變生疰症食飢傷飽憂思過慮心  
下嘈雜或痛或噦或晝夜虛飽或飢不喜食急慢喉閉  
赤眼每用加減服 一切新舊痰氣喘嗽或嘔吐頭暈

目眩加減服之 一切頭領腫硬若癭癰者及口糜舌  
爛咽喉生瘡者每服六七十丸加蜜少許一處嚼碎噙  
化睡時徐徐嚥之曾有口瘡者服二三十丸依前法噙  
之二三夜瘡 一切男婦大小虛實心疼連腹身體羸  
瘦發時必嘔綠水黑汁冷涎乃至氣絕心下溫暖者量  
虛實加減服之若事屬不虞之際至於百丸即便回生  
未至顛危者虛弱疑似之間只服三十九或五十九立  
見生意然後續續進之以瘥為度兼服生津化痰溫中  
理氣之藥 一切荏苒疾病凡男婦患非傷寒內外等  
症或酒色過度或吐血或月事愆期心煩志亂或腹脹  
脇痛勞倦痰眩或暴行日中因暑伏痰口眼喎邪目痛  
耳憤鼻塞骨節酸疼乾嘔惡心諸般內外疼痛百藥無  
效眾醫不識者依前法加減服之效大抵服藥須臨臥

在床用熱水一口許燕下便臥令藥在喉膈間徐徐而下如日間病出不測疼痛不可忍必欲急除者須是一依前臥法服大半日不可食湯水及不可起身行坐言語直候藥丸除遂上焦痰滯惡物過膈入腹然後動作方能中病每夜須連進二次次日痰物既下三五次者仍服前數下五七次或只下二三次而病勢頓已者次夜減二十九頭夜所服並不下惡物者次夜加十九人壯病實者多加至百丸惟候虛實消息之或服過仰臥咽喉稠粘壅塞不利者痰氣泛上乃藥病相攻之故也少頃藥力既勝自然寧帖往往病久結實於肺胃之間或只暴病全無泛濫者服藥下咽即仰臥頓然百骸安靜五臟清寧次早先去大便一次其餘遍數皆是痰涕惡物看甚麼糞用水攪之盡係痰片粘涎或稍消

腰腎拘急者蓋有一種頑痰惡物閉氣滑腸裏急後重者狀如痢疾片餉即已若有痰涎易下者快利不可勝言頓然滿口生津百骸爽快間有片時倦怠者蓋因連日病苦不安一時為藥力所勝氣體暫和如醉得醒如俗方出如睡方起此藥並不洞泄刮腸大瀉但取痰積惡物自腸胃次第而下腹中糟粕並不相傷其推下腸腹之糞則藥力所到之處是故先去其糞其餘詳悉不能備述服者當自知之

黃連導痰湯二陳湯加黃連枳實是也  
黃芩利膈丸利胸中熱治膈上痰

- |    |       |    |    |    |    |    |    |
|----|-------|----|----|----|----|----|----|
| 黃芩 | 生炒各一兩 | 南星 | 三錢 | 半夏 | 五錢 | 黃連 | 三錢 |
| 枳殼 | 三錢    | 白朮 | 五錢 | 陳皮 | 三錢 | 澤瀉 | 五錢 |
| 白礬 | 五分    |    |    |    |    |    |    |

熱痰雜方

**中和丸** 右為末水浸蒸餅丸每服三四十九白湯下食遠服

蒼朮 黃芩 半夏 香附

各等分為末蒸餅糊丸

**垣** 小黃丸化痰止涎除濕和胃氣治胸膈不利

黃芩 乾薑 白朮 半夏

澤瀉 黃芪

右為末蒸餅糊丸白湯下

風痰雜方

**羅** 祛風丸有人喜食酸醎酒色過節滲注成痰飲聚於胸膈滿則嘔逆惡心涎流一臂麻木升則頭目昏眩降則腰脚疼痛深則左癱右瘓淺則厥然倒地此藥寬中祛痰搜風理氣和血駐顏延年益壽

半夏 荆芥 槐角子 白礬

橘紅 硃砂

右為末薑汁糊丸每服五六十九生薑皂角子仁湯送下日三服

**玄** 導痰丸

半夏 六兩分作三處一分礬水浸一分肥皂

右餘藥在下半夏在上浸至十日半月時時動水令二

藥相透次相合一處揀去巴菝皂角慢火煮乾取半夏

切碎晒乾入

甘遂 百藥煎 僵蚕 全蝎

右為末同前半夏末一處合和用揀出皂角鍊膏為丸

如硬再入糊令得所每服十五丸實者二十五丸

**本** 膈上有痰川芎丸

川芎 川大黃

慢火熬熟

令乾

右件焙乾為末用不蛀皂角五七挺溫水揉汁絹濾出  
查瓦罐中熬成膏和前二味為丸如桐子大每服十五  
丸小兒三九生薑湯下

**經**治風痰用鬱金一分藜蘆十分各為末和勻每服一字  
用溫漿水調下以餘漿水嗽口仰服以食壓之

寒痰雜方

**海**五飲湯治五飲最效

旋覆花 人參 陳皮 枳實

白木 茯苓 厚朴 半夏

澤瀉 猪苓 前胡 桂心

白芍 甘草

右等分每兩分四服薑十片水二盞煎去查溫服無時  
忌肉食生冷等物因酒成飲加葛根葛花砂仁  
**局**倍末丸治五飲一曰留飲停水在心下二曰癖飲水在

兩脇三曰痰飲水在胃中四曰溢飲水溢在膈五曰流飲  
水在脇間瀝瀝有聲皆由飲水過多或飲冷酒所致

白木 桂心 乾薑

右為末蜜丸每服二十九溫米飲下加至三十九食前

**本**治心腹中脘痰水冷氣心下汪洋嘈雜腸鳴多唾口中  
清水自出脇肋急脹痛不欲食此胃氣虛冷所致其脈沉  
弦細遲旋覆花湯

細辛 陳皮 桂心 人參

甘草 桔梗 芍藥 半夏

旋覆花 赤茯苓

右為末每服四錢薑七片煎去查溫服  
**羅**木香半夏丸治痰涎上壅心胸不利常服消痰寬膈  
木香 錢七 半夏 陳皮 茯苓

薑屑

人參

草薺

白附子各五錢

右為末麩糊丸食後生薑湯下三五十九

氣痰雜方

降痰丸治三焦氣滯下痰飲消食利膈痞滿咳唾稠粘面熱目赤肢體倦怠不思飲食常服升降滯氣消化痰涎

木香

檳榔

青皮

陳皮

京三稜

枳殼炒

半夏湯洗

大黃

黑牽牛各一兩

右為末麩糊丸食後薑湯下

運氣

運氣痰飲皆屬濕土經云太陰在泉濕淫所勝民病飲積又云歲土大過雨濕流行甚則飲發中滿又云土鬱之發飲發中滿又云太陰之勝腹背病滿飲發於中治以諸熱劑是也

針灸

撮諸痰為病頭風喘嗽一切痰飲 豐隆 中脘

婦人年高風痰作楚脈沉實滑數痰在下則無力在中

則胸膈閉悶在上則頭風喘嗽昏運發則抽牽手足皆動

風門沿皮二寸

巨闕三寸

豐隆二寸

肩井五分

甲溢飲脇下堅痛中脘主之

痞

不能食

飢不能食

惡食

姓

身惡食

痞者心下痞滿而不能食是也仲景云滿而不痛為痞滿而痛為結

濕主痞 傷寒下

夫痞者心下滿而不痛是也太陰者濕也主壅塞乃土來心下為痞滿也傷寒下太早亦為痞乃因寒傷其榮榮者血也心主血邪入於本故為心下痞悶仲景立瀉心湯數方皆用黃連以瀉心下之土邪其效如響應梓故活人書云審知是痞先用桔梗枳殼湯非以此專治痞也蓋因

雜病下  
之太過

先錯下必成痞症是邪氣將陷而欲過胸中故先用截散其邪氣使不致於痞先之一字早用之義也若已成痞而用之則失之晚矣不惟不能消痞而反損胸中之正氣則當以仲景痞藥治之經云察其邪氣所在而調治之正謂此也非止傷寒如此至於酒積雜病下之太過亦作痞傷蓋下多亡陰亡陰者謂脾胃水穀之陰亡也故胸中之氣因虛下陷於心之分野故致心下痞宜升胃氣以血藥兼之若全用氣藥導之則其痞益甚其而復下之氣愈下降必變為中滿膨脹皆非其治也又有虛實之殊如實痞大便閉者厚朴枳實湯主之虛痞大便利者白芍陳皮湯主之如飲食所傷痞悶者當消導之去其胸中窒塞上逆兀兀欲吐者則吐之所謂在上者因而越之是也

虛實

攻補兼  
施

寒痞者從血中來雜病痞者亦從血中來雖俱為血症大抵傷寒之症從外至內從有形至無形故無形氣症以苦泄之有形血症以辛甘散之中滿者勿食甘不滿者復當食也中滿者腹脹也如自覺滿而外無腹脹之形即非中滿乃不滿也不滿者病也當以甘治之可也無形氣症以苦泄之者枳實黃連之類是也有形血症以辛甘散之者仲景人參湯是也

垣黃芪補中湯

黃芪分五

人參分八

甘草

白朮

蒼朮分五

陳皮分五

澤瀉

猪苓

茯苓分三

用水煎至七分溫服送下大消痞丸

治一婦人因有大不如意事遂致膈滿不食因循累月積成癥痞不能起坐至午巳間必發熱面赤酉戌後熱退

面赤亦退至夜小便雖數每出數滴而已六脈沉澁而短  
 小左右一般重取皆有經水雖按月亦數滴而已予曰此  
 志不遂而氣鬱胃有瘀血而血亦虛鬱氣成痰在中官却  
 不食兼用補瀉之治法以白朮二錢人參茯苓各一錢紅  
 花一荳大陳皮一錢煎取濃湯一呷食前熱服之少頃藥  
 行後與半匙稀粥又少頃用減輕粉牽牛三花丸如芝蔴  
 大以津唾下十五丸一日一夜煎藥丸藥各服四遍至次  
 日方食知味又次日食稍進第三日則熱退面亦不赤如  
 此七日飲食起坐平復如初  
 三齋口渴食少氣痞脈弦

白朮 青皮 半夏 乾葛  
 木通 甘草 半夏 乾葛  
 分二貼薑二片煎下與點九三十九保和九二十九

葶藶丸治心下痞胸中不利

苦苧蔴酒浸 人參各三錢 甘草根炙 羌活  
 柴胡 獨活各二錢 黃芩二錢 浸一半炒  
 砂仁 茵陳酒炒各一錢 白芷一錢 青皮  
 厚朴 半夏各五分 當歸身七錢  
 右為末蒸餅丸篩內水發如米大臨臥白湯服一錢  
 木香消痞湯治因憂氣鬱結中脘腹皮急微痛心下痞滿  
 不思飲食食亦不散常覺痞悶  
 柴胡七分 陳皮八分 甘草炙五分 半夏一錢  
 生薑一錢 婦稍二錢 紅花許少 枳實一錢  
 木香七分 草薺一錢  
 作一服水煎去渣食前熱服忌酒麪等物  
 大消痞丸治一切心下痞滿及積年久不愈者

無形氣  
 症以苦

黃芩

黃連炒各六錢

薑黃

白朮各錢

人參錢二

甘草炙

砂仁各一錢

枳實炒五錢

半夏製四錢

乾薑一錢

陳皮二錢

神麩炒一錢

澤瀉三錢

厚朴二錢

猪苓一錢半

右為末水浸蒸餅為丸每服六七十丸至百丸食遠白

湯下

黃連消痞丸治心下痞滿壅塞不散煩熱喘促不寧

黃連一兩

枳實炒七錢

乾薑二錢

半夏七錢

黃芩一兩

茯苓

白朮

甘草炙各三錢

薑黃一錢

澤瀉一兩

猪苓

右為末湯浸蒸餅為丸每服五七十九白湯食前下  
失笑丸治右關脈浮弦心下濕痞惡食懶倦開胃進食

枳實

黃連各五錢

乾薑二錢

半夏麩三錢

厚朴炙四錢

人參五錢

甘草炙二錢

白朮三錢

麥蘖二錢

右為末水浸蒸餅為丸每服三十九白湯送下不拘時  
量虛實加減服

丹小娘心頭痞悶口乾面微黃脈洪

黃連

半夏

白朮

青皮

木通各三錢

分三貼薑煎去渣熱服下保和丸十五丸

回金丸瀉肝火行濕與熱能開痞結治肝邪補脾土

黃連六兩

吳茱萸一兩

右為末水浸蒸餅為丸一方用黃連六兩吳茱萸半兩

一名佐金丸

海少陰面赤下痢心下痞瀉心湯加減例易老單用黃連

瀉心湯用錢氏法後隨症加減 煩者加山梔 燥加香  
鼓 嘔加半夏 滿加枳實厚朴 腹痛加芍藥 脈遲  
加附子 下焦寒加乾薑 大便硬加大黃 如用薑附  
先煎令熟使熱不僭後加黃連同用

有形血  
症辛甘  
攻之

羅枳實理中丸治中脘痞滿滯氣不消積寒停冷飲食不

化方見  
傷寒

人參湯治胸痺心痞方見 半夏瀉心湯治痞滿關脈

沉方見  
傷寒

一女子在家因事不如意鬱結在脾半年不食每日食  
棗數枚適喜饅頭亦能少食惟深惡粥飯予診其脾氣非  
枳實不能散遂以溫膽湯去竹茹與服經三月服二百貼  
而愈 又一女子二十餘許婚後夫遠出二年不歸女子  
病重不食困臥如痴他無所苦諸醫不效予往治之見女

脾氣鬱  
結

向裏床而睡形體羸瘦予思之此氣結病也藥不能治得  
怒可解予往激其怒掌其面三日責以不得有外思女果  
大怒而哭待其哭一二時許令其父母解之進藥二貼即  
欲食矣予謂其父母曰雖愈必得喜方可解若再思則結  
氣必復至矣其父因為作其夫有書回約日成婚一月餘  
其夫果歸病得全愈

飲食傷  
脾

飲食傷脾痞悶輕者大消痞丸枳朮丸回金丸之類甚者  
微下之吐之下之者檳榔丸煮黃丸吐之者二陳湯及瓜  
蒂散探吐之是也

經治膈下冷氣及酒食飽滿常服用青皮四兩分作四分  
一分用湯浸一宿去穢餘三分用鹽二兩拌勻良久銚內  
微炒焦為末每服一錢半茶末五分水一盞煎七分放溫  
常服用沸湯點服尤妙

寒熱

寒痞辛甘散之枳實理中丸之類是也熱痞苦寒泄之大消痞丸之類是也

**四**治痞軟石膏研末醋糊丸服能瀉胃火食積痰火

運氣

運氣痞有三

一曰濕痞經云土平氣曰備化備化之紀其病痞又云太陰所至為畜滿為積飲痞膈又云太陰司天之政民病寒濕痞逆又云土鬱之發痞堅腹滿又云土不及曰卑監卑監之紀其病留滿痞塞是也

二曰寒痞經云水鬱之發民病痞堅腹滿又云太陽之復心痛痞滿是也

三曰燥痞經云陽明之復甚則痞滿是也

針灸

**經**問井主心下滿十二經皆有井當治何井 假令善潔面青善怒是少陽經受病當治金井及陰是也 假令

閉淋洩便難轉筋足厥陰肝經受病當治木井大敦是也

假令頭項痛腰脊強發熱惡寒足太陽膀胱受病當治陽井至陰是也 假令手足自溫自利不渴足太陰脾受病當治陰井隱白是也

禁忌

**藥**戒○客有病痞者積於其中伏而不得下自外至者捍而不得納從醫而問之曰非下之不可歸而飲其藥既飲而暴下不終日而向之伏者散而無餘向之捍者柔而不支焦膈通達呼吸開利快然若未始有疾者不數日痞復作投以故藥其快然也亦如初自是不踰月而痞五作五下每下輒愈然客之氣一語而三引體不勞而汗股不步而慄肌革無所耗於前而其中藹然莫知其所來嗟夫心痞非下不可已予從而下之術未爽也藹然獨何如聞楚之南有良醫焉往而問之醫笑曰子無怪是藹然者也

凡子之來固爲是爾然也坐吾語汝天下之理有甚快於吾心者其末也必有傷求無傷於其中則無望快於吾心夫陰伏而陽蓄氣與血不運而爲瘡橫乎子之胸者其累大矣擊而去之不須臾而除甚大之累和平之物不能爲也必將搏擊震撓而後可夫人之和氣冲然而其微泊乎其易危擊搏震撓之功成而子之和亦已病矣由是觀之則子之瘡凡一快者則子之和亦一傷矣不踰月而快者五子之和平之氣不旣索乎故爾然如不終日也且將去子之瘡而無害於和也子婦燕居三月而後與之藥可爲也客婦三月齋戒而復請之醫曰子之氣少復矣取藥而授之曰服之三月而疾少平又三月而少康終年而可復常且飲藥不得亟違客婦而行其說然其初使人憊然而遲之蓋三投藥而三反之也然日不見其所攻之效久較

則月異而時不同終歲而疾平矣客謁醫再拜而謝之坐而問其故醫曰此醫國之說豈特施之於病哉子獨不見秦之治民乎捍而不聽令墮而不勤事放而不畏法令之不聽治之不變則秦之民常瘡矣商君見其瘡也厲以刑法威以斬伐悍厲猛鷙不毫髮少貸痛剗而力鉏之於是乎秦之政如建瓴流通四達無敢或拒而秦之瘡常一快矣自孝公以至二世凡幾瘡而幾快矣頑者已圯強者已柔而秦之民無懽心矣故猛政一快者歡心一止積快而不已而秦之四肢愕然徒具其物而已民心日離而君孤立於上故匹夫大呼不終日而百姓皆起秦欲運其手足肩胛而漠然不我應故秦之亡也是好爲快者之過也昔者先王之民其初亦嘗瘡矣先王豈不知善然擊去之以爲速也惟懼其有傷於中也故不敢求快於吾心優柔而

撫育之教以仁義道以禮樂陰解其亂而除去其痞旁視而憊然有之矣然月計之歲察之前歲之俗非今歲之俗也不擊不搏無所忤逆是以日去其戾氣而不嬰其歡心於是政成教達安樂久而後患除矣是故三代之治皆更數聖人歷數百年而後俗成則予之藥終年而疾愈蓋無足怪也故曰天下之理有甚快於吾心者其末也必有傷求無傷於其終則無望快於予心雖然豈特治天下為然哉客再拜而紀其說

不能食

心下不痞滿自不能食也

**經**治大人小兒不進乳食和氣去痰用人參四兩半夏一

兩薑汁浸一宿曝乾為末麪糊丸食後生薑湯下

**和**和中丸開胃進食

虛實  
脾虛難  
任飯食

乾薑

錢一

木瓜

枚一

甘草

錢三

陳皮

錢

人參

錢一

白朮

錢三

右為末蒸餅糊丸食前白湯下三五十九

**本**七珍散開胃進食補脾養氣

人參

白朮

黃芪

蜜炙

山藥

白茯苓

粟米

微炒

甘草

等分

右為末每服二錢薑棗煎服如故不思飲食加匾荳一

兩名八珍散此方溫平不熱常服飲食自倍

**海**六神湯治傷寒虛羸不思飲食

人參

白朮

黃芪

各一兩

枳殼

一方用枳實炒

白茯苓

各半兩

甘草

二錢

右為末每服五錢薑棗同粳米合許煎食前服

**羅**錢氏異功散治脾胃虛弱難任飲食

異功散用人參白茯苓白朮甘草屬

紅木香各等分薑棗煎服

羅謙甫云脾胃弱而飲食難任者不可一槩用克伐之劑宜錢氏異功散補之自然能食設或嗜食太過傷脾而痞滿嘔逆權用枳實丸一服慎勿多服予嘗治翁氏久瘧食少汗多先用補劑加黃連枳實月餘食反不進汗亦不止因悟謙甫此言遂減去枳連純用補劑又令粥多於藥而食進又於原方內加附子三分半一服而愈

**恒**寬中進食丸滋形氣喜飲食

草薢仁五錢

砂仁五分

半夏七錢

麥芽炒一兩

枳實炒四錢

神麴炒半兩

甘草炙一錢半

乾薑一錢

陳皮三錢

木香五分

白朮

白茯苓各二錢

豬苓

澤瀉

人參

青皮各一錢

右為末湯浸蒸餅為丸每服三五十九白湯下

脾胃積不進食

和中丸治病久虛弱厭厭不能食而臟腑或秘或溇常服和中理氣消痰進食去濕厚腸胃

厚朴薑製一兩

白朮半兩

半夏製一兩

橘紅八錢

檳榔四錢

枳實炒三錢

木香二錢

甘草炙三錢

右為末生薑汁浸蒸餅丸每服五六十九食遠白湯下

木香枳朮丸

木香乾薑枳朮丸能開胃進食二方並見內傷

飲食門

交泰丸升陽氣瀉陰火調榮氣進飲食助精神寬腹脹除

怠惰嗜臥四肢不收沉困懶倦

知母四錢

柴胡一錢

厚朴去皮炒三錢

各加七錢

人參一錢

黃連六錢

厚朴去皮炒三錢

苦練酒煮三錢

肉桂去皮一錢

白茯苓三錢

皂角去皮弦煨六錢

紫苑去苗六錢

小椒炒去汗無閉目者一錢半

白朮二錢

醫學綱目卷三

川烏頭四錢 乾薑炮三錢 巴苳霜兩半 吳茱萸湯洗半兩

右除巴苳霜另研入餘俱為細末蜜丸每服三四十九  
溫水下量虛實加減

寒熱 虛熱

河人參半夏丸下痰進食方見咳  
丹治一男子因服熱藥多又性急形瘦多倦食少此時四

月後與此方分作十四貼食後煎熱下大補九十五粒  
白朮一兩 炒麩一兩 陳皮七錢 黃芩六錢

又治勞苦不思飲食  
生甘草 炙甘草各二錢 麥門冬 木通各半兩

水煎服下保和丸三十九  
白朮三錢 滑石 白茯苓各一錢

濕熱 滯

治脚氣瘦倦不思飲食

白朮二兩 蒼朮 陳皮 黃連  
黃栢各半兩 匾栢七錢 香附一兩

右為末薑汁糊丸  
白芍藥兩 香附一兩

憂抑傷脾不思飲食  
黃連炒 芍藥酒炒 香附 青六散末方

右薑汁浸炊餅為丸  
滯下即六一散 加紅曲二兩

濕痰氣滯不思穀食三補丸加蒼朮倍香附  
本治脾氣久虛不進飲食停飲脇痛麩朮丸

神麩炒十兩 白朮五兩 乾薑 官桂各二兩  
吳茱萸 川椒各三兩

醫學綱目卷三

脾腎虛寒

右為末薄糊丸每服三五丸食前薑湯下有飲加白

朮二兩此方自試有效

神丸治脾腎虛弱全不進食

破故紙炒兩 肉苳蔻生二兩

右為末用肥棗四十九箇生薑四兩切片同煮棗爛去

薑取棗剝去皮核用肉研為膏入藥末和杵丸如桐子

大每服三四十九丸薑湯下有人全不進食服補脾藥皆

不效予授此方服之頓能進食此病不可全作脾氣治

蓋腎氣怯弱真元衰削是以不能消化飲食譬之鼎釜

之中置諸米穀下無火力終日米不熟其何能化黃魯

直嘗記服兔絲子淘淨酒浸曝乾日挑數匙以酒下之

十日外飲噉如湯沃雪亦知此理也 三里 三陰交

針灸

東三焦停水氣攻不食身黃微熱胃中有寒故也 維道

中封 胃俞 腎俞

撮三焦邪熱不嗜飲食 關元一分沿皮向後三分灸

東全不思食 然谷出血立飢

脈浮滑而疾者食不消脾不磨 陽脈滑而緊滑則胃氣

實緊則脾氣傷得食不消者此脾不和也 類治之

仲寸口脈微而濇微者衛氣不行濇者榮氣不達榮衛不

能相將三焦無所仰身體痺不仁榮氣不足則頭疼口難

言衛氣虛則惡寒數欠三焦不歸其部上焦不歸者噫而

吞酸中焦不歸者不能消穀引食下焦不歸者則為遺洩

異功散之類治之

飢不能食

靈黃帝曰人之善飢而不嗜食者何氣使然岐伯曰精氣

診

飢不能食

運氣

針灸

并於脾熱氣留於胃胃熱則消穀穀消故善飢胃氣逆上則胃脘寒故不嗜食也大惑論  
運氣飢不欲食皆屬濕邪傷腎經云太陰司天濕淫所勝民病心如懸飢不欲食治以苦熱是也  
鍼灸飢不欲食有二法

其一清胃經云胃者水穀之海其膈上在氣衝下至三里水穀之海不足則飢不受穀審守其膈調其虛實是也  
其二取腎經云腎足少陰之脈是動則病飢不欲食心如懸苦飢狀視盛虛熱寒陷下取之也

飢不能食飲食不下嘔而雷鳴 大迎 中極 食竇

又法 期門 章門

診

冬脈不及為病在中令人心懸如飢全文見治虛實法

仲寸口脈弱遲弱者胃氣微遲者榮中寒榮為血血虛則

發熱胃為氣氣虛則發厥

惡食

屬胃

素太陰所謂惡聞食臭者胃無氣故惡食臭也

丹惡食者胸中有物導痰補脾二陳加白茯苓芍湯

白朮

山查

川芎

蒼朮

半夏

陳皮

茯苓

甘草

垣失笑丸治虛痞惡食方見

妊娠惡食

大治妊娠惡食

人參四兩

厚朴

生薑

枳殼

甘草各兩

水煎服

凡妊娠惡食者以所思食任意食之必愈

消瘴門

胎前產後渴

口燥咽乾

渴而多飲為上消 消穀善飢為中消 渴而便數有膏為下消

**上消者**舌上赤裂大渴引飲逆調論云心移熱於肺傳為膈消是也。以白虎加人參湯主之。潔古曰上消者上焦受病又謂之膈消多飲水而少食大便如常小便清利知其燥在上焦治宜流濕以潤其燥

**中消者**善食而瘦自汗大便硬小便頻數叔和云口乾飲水多食亦飢虛癯成為消中者是也。以調胃承氣湯及三黃丸主之。潔古云中消者胃也渴而飲食多小便赤黃熱能消穀知其熱在中焦也宜下之

**下消者**煩燥引飲耳輪焦乾小便如膏叔和云焦煩水易虧此腎消也。以六味地黃丸主之。潔古云腎消者病在下焦初發為膏淋謂淋下如膏油之狀至病成面色黧黑形瘦而耳焦小便濁而有脂液治宜養血以分其清濁而自愈矣

**右**上消者經謂之膈消。膈消者渴而多飲是也。中消者經謂之消中。消中者渴而飲食俱多或不渴而獨飲是也。下消者經謂之腎消。腎消者飲一溲二其溲如膏油即膈消消中之傳變。王註謂肺臟消燥氣無所持是也。蓋肺藏氣肺無病則氣能管攝津液而津液之精微者收養筋骨血脈餘者為溲。肺病則津液無氣管攝而精微者亦隨溲下。故飲一溲二而溲如膏油也。筋骨血脈無津液以養之故其病成漸形瘦焦乾也。然肺病本於腎虛腎虛則心寡於畏妄行凌肺而移寒與之。然後肺病消故仲景治渴而小便反多用腎氣丸補腎救肺後人因名之腎消及下消也。或曰經既云肺消死不治仲景復用腎氣丸治之何也。曰飲一溲二者死不治若飲未至溲二者病尚淺猶或可治。故仲景腎氣丸治飲水一斗小便亦一斗之症若小便過於所飲者亦無及矣。

也下消者經謂之腎消。腎消者飲一溲二其溲如膏油即膈消消中之傳變。王註謂肺臟消燥氣無所持是也。蓋肺藏氣肺無病則氣能管攝津液而津液之精微者收養筋骨血脈餘者為溲。肺病則津液無氣管攝而精微者亦隨溲下。故飲一溲二而溲如膏油也。筋骨血脈無津液以養之故其病成漸形瘦焦乾也。然肺病本於腎虛腎虛則心寡於畏妄行凌肺而移寒與之。然後肺病消故仲景治渴而小便反多用腎氣丸補腎救肺後人因名之腎消及下消也。或曰經既云肺消死不治仲景復用腎氣丸治之何也。曰飲一溲二者死不治若飲未至溲二者病尚淺猶或可治。故仲景腎氣丸治飲水一斗小便亦一斗之症若小便過於所飲者亦無及矣。

病式服藥

熬豬肚湯

羊肉冬瓜湯

小承氣湯

參瀉湯

腎氣丸

三消分  
水火圖

消渴手太陰

大渴不止

消中足陽明

腹脹而數便

腎消足少陰

膏痺飲少漉多

麥冬飲子

內花丸

化水丹

易老順氣散

裝毒製陽

消渴末  
傳應症  
中滿不  
治

論消渴末傳能食者必發腦疽背瘡不能食者必傳中  
滿鼓脹聖濟總錄皆為必死不治之症潔古分而治之能  
食而渴者白虎加人參湯主之不能食而渴者錢氏白朮  
散倍加葛根主之上中既平不復傳下消矣前人用藥厥  
有旨哉或曰末傳瘡疽者何也此火邪勝也其瘡痛甚而  
不潰或赤水者是也經曰有形而不痛者陽之類也急攻  
其陽無攻其陰治在下焦元氣得强者生失强者死末傳

禁忌

中滿者何也以寒治熱雖方士不能廢繩墨而更其道也  
然臟腑有遠近心肺位近宜制小其服腎肝位遠宜制大  
其服皆適其所至所為故知過與不及皆誅罰無過之地  
也如膈消中消制之太急速過病所久而成中滿之疾正  
謂上熱未除中寒復生者非藥之罪失其緩急之宜也處  
方之際宜加審焉

本總錄論消渴有三種一者渴而飲水多小便數有脂似  
麩片而甜者消渴病也二者吃食多不甚渴小便少有似  
油而數者消中病也三者雖渴飲水不能多腿脚瘦小痿  
弱小便數此腎消病也特忌房勞千金云消渴病宜慎者  
有三一飲酒二房勞三醜食及麪能慎此三者雖不服藥  
亦自可愈消渴之人愈與未愈嘗須慮患大癰必於骨節  
間忽發癰疽而卒

診

帝曰夫子數言熱中消中不可服膏粱芳草石藥石藥發瘖芳草發狂夫熱中消中皆富貴人也今禁膏粱是不合其心禁芳草石藥是病不愈願聞其詳岐伯曰芳草之氣美石藥之氣悍二者其氣急疾堅勁故非緩心和人不可以服此二者帝曰不可以服此二者何以然岐伯曰熱氣慄悍藥氣亦然二者相遇恐內傷脾胃者土也而惡木服此藥者至甲乙日更論腹中論王註云多飲數澀謂之即白芷石藥即鍾乳之類

滑石治渴本為竅不利而用之以燥能亡津液也天令濕氣太過者當用之若無濕用之是犯禁也

靈黃帝曰人之善病消瘵者何以候之少俞答曰五臟皆柔弱者善病消瘵黃帝曰何以知五臟之柔弱也少俞曰夫柔弱者必有剛強剛強多怒柔者易傷也黃帝曰何以

候柔弱之與剛強曰此人薄皮膚而目堅固以深者長種直揚其心剛剛則多怒怒則氣上逆胸中蓄積氣血逆留臆皮充肌血脈不行轉而為熱熱則消肌膚故為消瘵此言其人暴剛而肌肉弱者也五變篇髑髏弱小以薄者心脆心脆則善病消瘵熱中肩背薄者肺脆肺脆則善病消瘵易傷脇骨弱者肝脆肝脆則善病消瘵易傷唇大而不可堅者脈脆脈脆則善病消瘵易傷耳薄不堅者腎脆腎脆則善病消瘵易傷全文見診法心脈微小為消瘵滑甚為善渴肺脈微小為消瘵肝脈微小為消瘵小甚為多飲脾脈微小為消瘵腎脈微小為消瘵諸脈小者陰陽俱不足也勿取以針而調以甘藥全文見治虛實法凡治消瘵肥貴人則膏粱之疾

素心脈更而散者當消渴自已脈要精微帝曰消瘵何如

岐伯曰脈實大病久可治脈懸小堅病久不可治虛實論  
難病若開目而渴心下牢者脈當得緊實而數反得沉濇  
而微者死也十七難

脈消渴脈數大者生細小浮短者死

渴而多飲為上消

丹治消渴養氣 降火 生血為主 苳蓼根治消渴之

神藥

心移熱於肺傳為膈消全文見於病傳變王註云心膈兩

橫膈膜故心熱入肺久傳化內為膈熱消渴而多飲也

能食為實熱

垣潔古云能食而渴者白虎倍加人參湯主之不能食而

渴者錢氏白朮散加葛根大作湯劑瀆服之

保人參白朮湯治膈消上焦煩渴不欲多食

人參錢五

石膏兩一

知母錢七

甘草錢四

大法

每服五錢水煎食後溫服

錢加減地骨皮散治上消

知母

柴胡

甘草錢

半夏

地骨皮

赤茯苓

白芍藥

黃芪

石膏

黃芩

桔梗

右為細末每服三錢薑五片水煎食遠溫服

垣白朮散治虛熱而渴

人參

白朮

白茯苓

甘草各一兩

乾葛兩二

藿香兩一

木香兩一

右為末每服三錢煎溫服如飲水多多與服之海藏云

加減法治濕勝氣脫泄利大渴

海治脾胃虛弱大渴不止而食少小便不利大便不調精

神短少腹窄狹如繩束之

不能食為虛熱

白茯苓

去皮

橘紅

各一兩

生薑

半兩

右為末煉蜜丸如彈子大每服二丸白湯化空心服忌生冷硬物怒發思慮過度如脈弦或腹中急甚者加甘草三錢

易老門冬飲子治老弱虛人大渴

人參

枸杞子

白茯苓

甘草

五味子

麥門冬

去心

薑水煎服

羅門冬飲子治膈消胸滿心煩精神短少多為消病

知母

甘草

瓜蒌仁

五味子

人參

葛根

茯神

生地

麥門冬

各一兩

右為末每服五錢加竹葉十四片同煎

渴分燥 渴分濕 小便不利而渴知內有濕也小便自利而渴知內有燥

也濕宜泄之燥宜潤之

仲脈浮小便不利微熱消渴者宜利小便發汗五苓散主

之方見傷寒脈浮發熱渴欲飲水小便不利者猪苓湯主之

不食者三月心中煩悶時已十月予謂心中伏熱與此

藥數服每服五十九溫水下越二日來謝云當日三服渴

止又次日三服飲食如故此方本治淋用以治渴效信乎

藥要變通用之

藏器石燕主消渴同水牛鼻和煮飲之

渴而小便自利諸方並見下消燥熱條

神效生津甘露飲子方見下消燥熱條

消渴泄瀉先用白芍白朮各炒為末調服後隨症用藥

渴分濕 渴分燥

結

止渴潤燥湯治消渴大便乾燥喜溫飲陰頭短縮舌上白燥唇裂口乾眼難開及於黑處如見浮雲

升麻一錢 柴胡七 甘草稍分 杏仁六

桃仁研 麻仁研 歸身一錢 紅花少

防風根一錢 荆芥穗一錢 熟地二錢 小椒分

細辛一分 黃柏一錢 知母 石膏各一

水煎去查食後熱服

渴分有汗無汗

雜症有汗而渴者以辛潤之無汗而渴者以苦堅之 太陽無汗而渴不宜服白虎湯若得汗後脈洪大而渴者宜服之 陽明汗多而渴不宜服五苓散若小便不利汗少脈浮而渴者宜服之

病後餘熱燥渴

消渴病退後而燥渴不解此有餘熱在肺經可用參苓甘草少許生薑汁冷服 虛者可用人參湯

化水丹治手足少陰渴飲不止或心痛者本專治飲冷水多

川烏廣六者四 甘草炙一兩 牡蠣生三兩

蛤粉用厚名

右為細末醋浸蒸餅為丸每服十五丸新水下心痛者

醋湯下立愈飲水一石者一服愈海藏云此藥能化停

水

六經渴

太陽經渴其脈浮無汗者五苓散滑石之類主之 陽

明經渴其脈長有汗者白虎湯涼膈散之類主之 少陽

經渴其脈弦而嘔者小柴胡湯加瓜蒌之類主之 太陰

經渴其脈細不欲飲縱飲思湯不思水者四君子理中湯

之類主之 少陰經渴其脈沉細自利者猪苓湯三黃丸

之類主之 厥陰經渴其脈微引飲者宜少少與之

聖治時氣煩渴用生藕汁一盞入生蜜一合令勻分為三

其緩 服 蜜酒方 好蜜三 水碗一 細麴升一

好乾酵二兩

右先熬蜜水去沫冷下麴酵每日攪三次熱服

仲渴欲飲水不止者文蛤散主之

文蛤五兩按本草云文蛤味鹹寒治消渴陳無擇以文蛤為五味子

右一件捍為散以沸湯和服方寸匕

經治一切渴用大牡礪不拘多少於臘月或端午日黃泥

裹煨通赤放冷取出為末用鯽魚煎湯下一錢七小兒五

分只兩服瘥

本治渴疾飲水不止神效散

白浮石 蛤粉 蟬殼等

右為末用鯽魚膽七箇調三錢不拘時服

又消渴方

白浮石 舶上青苔等麝香少

右為末每服一錢溫湯下

黃連丸即瓜蒌根丸是也

傷上焦燥而渴蜜煎生薑湯用大器傾注時時呷之法曰

心肺之病莫厭煩而少飲內經曰補上治上宜以緩又曰

辛以潤之開腠理致津液通則肺氣下流故火氣降而燥

衰矣其渴即止 有人消渴引飲無度或令食韭苗日用

三五兩不得入鹽但吃得十斤即效

海千里漿一名水葫蘆

木瓜 紫蘇葉 桂各一 烏梅肉兩

赤茯苓兩 一方有神麴荳粉

右為末煉蜜丸如彈子大噙化一丸嚥下齒屬腎水故也

酸收

苦堅 辛潤

又方 百藥煎 烏梅肉 紫蘇葉

人參 甘草 麥門冬

右等分爲細末煉蜜丸如彈子大噉化

芷梅湯 烏梅肉 甘草各三 百藥煎一

白芷兩 白檀錢 右爲細末湯點服

運氣渴有二

一曰熱助心盛而渴經云少陽司天之政三之氣炎暑至民病渴又云少陰之復渴而欲飲又云少陽之復噎絡焦槁渴引水漿治以諸寒劑是也

二曰寒攻心虛而渴經云太陽司天寒氣下臨心火上從噎乾善渴又云太陽司天寒淫所勝民病噎乾渴而欲飲又云寒水太過上臨太陽民病渴而妄冒治以諸熱是也

雜考

運氣

治消渴用燥絲湯飲之能引腎氣上行朝於口

吐酸欲得水而貪飲者文蛤飲主之兼治微風脈緊頭痛

文蛤兩 麻黃 甘草 生薑各三

石膏兩 杏仁五十 大棗十二

右咬咀以水七升煮取二升溫服一升汗愈

甘草石膏湯治渴病全愈再劇舌白滑微腫咽喉噎唾覺痛噎腫時渴飲冷白沫如膠飲冷乃止

升麻一錢 柴胡七 甘草根五 黃栢一

石膏六 杏仁六 桃仁 防風根

荆芥穗 生地各一 熟地三 黃連三

知母一錢 細辛一分 紅花少許 小椒三

歸身一錢

右水煎去查食後熱服

針灸

針灸口渴咽乾有四法

其一取心經云心手少陰之脈是動則病噎乾心痛渴而欲飲隨盛虛寒熱陷下取之也

其二取肺大腸經云大腸手陽明之脈所生病者目黃口乾隨盛虛寒熱陷下以施補瀉疾留之法也又云肺虛則少氣耳聾噎乾取其經太陰太陽之外厥陰內血者是也

其三取腎經云腎足少陰之脈所生病者口熱舌乾咽腫噎乾隨盛虛寒熱陷下取之又云噎乾口中熱如膠取足少陰是也

其四取肝經云肝足厥陰之脈是動病甚則噎乾面塵脫色隨盛虛寒熱陷下取之

**密** 消渴經百口已上者不可刺  
灸刺灸則瘡口病水不止

玉液 瀉取下六  
三厘 瀉如前補玉液  
關元

瀉取泉  
又法 金津 玉液 承漿 海泉 人中 廉

泉 腎俞 氣海  
小腸俞 陽池 各灸  
廉泉 出惡血  
又法 胃脘

心脘 臆中 各灸  
又法 承漿 然谷 勞宮 曲

地 意舍 關元 各灸  
世口熱咽乾唾如粘膠口苦噎中 介介然 太溪 絪 陽

陵泉 二寸  
渴飲身體燥多噎隱白主之 消渴嗜飲承漿主之

消渴腕骨主之 噎乾腹痠痛坐臥目慌慌善怒多言伏

溜主之  
消穀善飢為中消  
瘰成為中消 全文見形經云五臟皆柔弱而脆 已食而

虛熱 瘰成為中消 者為消瘰王註云瘰為消熱病也

飢者胃疽平人氣象論云穀入多而氣少得之有所

脫血濕居下也全文見

胃熱則消穀

胃中熱則消穀令人心懸善飢眇已上皮膚熱師傳篇胃

中熱腸中寒則疾飢小腹痛脹 中熱則胃中消穀五隆津液

陰陽別論王註云胃及大腸

三陽結謂之消俱熱結也熱則善消水穀

大陽熱則消水

消渴中消自古只治燥止渴誤矣殊不知三陽結謂之

消三陽者陽明也手陽明大腸主津液所生病熱則目黃

口乾是津液不足也足陽明主血所生病熱則消穀善飢

血中伏火是血不足也結者津液不足結而不潤皆燥熱

為病也此因數食甘美而多肥故其氣上溢轉為消渴治

之以蘭除陳氣也不可服膏梁芳草石藥其氣悍烈能助

熱燥也越人云邪在六腑則陽脈不和陽脈不和則氣留

之氣留之則陽脈盛矣陽脈太盛則陰氣不得榮也故所

肉皮膚消削是也

食甘美所致

帝曰有病口甘者病名為何何以得之岐伯曰此五氣

之溢也名曰脾瘴夫五味入口藏於脾胃為之行其精氣

津液在脾故令人口甘也此肥美之所發也此人必數食

甘美而多肥也肥者令人多熱甘者令人中滿故其氣上

溢轉為消渴治之以蘭除陳氣也奇病論

虛者潤之

胃熱則善消水穀可飲甘辛降火之劑用黃連末生地

白藕各自然汁牛乳各一升熬成膏和黃連末一斤九如

桐子大每服三五十九少啣白湯下日進十服

河猪肚丸治消渴

猪肚一兩

黃連一兩

瓜蒌根四兩

麥門冬去心四兩

知母一兩

實者下

為細末納猪肚中線縫置甌中蒸極爛棄熱於石臼中杵可丸為度如硬加少蜜為丸每服三十九漸加至四

黃丸方見治發熱條

五十九丸渴則服之三因方多梁米杜仲本草云猪肚能補中益氣止渴

調胃承氣湯治消中渴而飲食多方見傷寒此初起時宜服之

厚朴 枳實各一 大黃煨四兩

每服五錢水煎食遠服

食併即消中

大腸移熱於胃善食而瘦又謂之食併全文見診病傳變而過不生肌膚亦易飢也東垣云善食而瘦者謂食移易胃伏火邪於氣分則能食脾胃虛則肌肉削也

於膽亦曰食併同上 參蒲丸治食併胃中結熱消穀善食不生肌肉

人參 赤茯苓 葛蒲 遠志

地骨皮 牛膝酒浸各一兩

右為末煉蜜丸每服二十九米飲下

運氣

運氣消中皆屬熱經云少陰之勝心下熱善飢又云少陽之勝熱客于胃善飢治以寒劑是也

針灸

針灸消中皆取於胃經云邪在脾胃陽氣有餘陰氣不足則熱中善飢取三里灸之又云胃足陽明之脈氣盛則身已前皆熱於胃則消穀善飢熱則清之盛則瀉之

陰氣不足熱中消穀善飢腹熱身煩在言三里主之

腹中氣脹引脊痛飲食多而身羸瘦名曰食併每作先取脾俞後取季脇

渴而便數有膏為下消

張安撫芸夫年四十五歲病消渴舌上赤裂飲水無度

燥熱

小便數多先師以此藥治之良愈消渴多傳瘡瘍為不救之疾既效亦不成瘡瘍享年七十五而終名之曰生津甘露飲子治消渴上下齒麻舌硬赤爛腫痛食不下腹時脹滿疼痛渾身色黃目白睛黃其則四肢萎弱無力面塵脫色脇下急痛善嚏善怒健忘傷肉腰背疼寒兩丸冷甚一方石膏用一兩二錢

石膏	一分	人參	甘草	生	山梔
白苳蔻	白芷	連翹	甘草	炙	
萹澄茄	黃連	薑黃	藿香	各一錢	
白葵	麥門冬	杏仁	歸身		
蘭香	各五分	黃柏	酒炒	一	升麻
桔梗	三錢	柴胡	根	五分	知母
			酒	二錢	全蝎
			去毒		

右為末湯浸蒸餅和勻成劑捏作餅子晒乾杵碎如黃

米大每服二錢挑於掌內以舌舐之津液送下或白湯食後服之神效凡消渴為病燥熱之氣勝也內經云熱淫所勝佐以甘苦以甘瀉之熱則傷氣氣傷則無潤折熱補氣非甘寒之劑不能故以石膏之甘寒為君啓玄子曰滋水之源以鎮陽光故以栢連梔子知母之苦寒瀉熱補水為臣以當歸杏仁麥門冬全蝎連翹白葵蘭香甘草甘寒和血潤燥為佐升麻柴胡苦平行陽明少陽二經萹澄茄白苳蔻木香藿香反佐以取之又用桔梗為舟楫使浮而不下也

和血養氣湯治口渴舌乾小便數舌上赤裂此藥生津除燥生肌肉一名地黃飲子

黃連	酒	七	桃仁	酒	六	生地	酒	七	紅花	少
黃栢	酒	一	當歸	酒	四	甘草	酒	三	升麻	錢

知母酒五分 防已酒三分 羌活五分 麻黃根三分  
 口乾舌渴加杏仁六分 甘草生三分 小便數加石  
 膏六分

右吹咀作一服水煎去查稍熱服忌酒麪房事

清涼飲子治消中能食而瘦口舌乾自汗大便結小便數

羌活稍一分 柴胡稍一分 升麻稍四分 防風稍五分

當歸六分 甘草稍一分 石膏半錢 知母酒製一分

紅花許少 防已五分 龍膽草半錢 黃柏半錢

杏仁五筒 生地酒五分 黃芪根一分

黃芩酒一分 甘草炙一分

右水二盞酒一小盞煎服

甘露膏治消渴飲水極多善食而瘦自汗大便結燥小便頻數又名蘭香飲子

石膏二錢 知母半錢 甘草生一分錢 炙五分 人參五分

防風根一分 半夏製五分 蘭香五分 白苳蔻

連翹 桔梗 升麻各五分

右為末水浸蒸餅丸或捏劑作薄餅子晒乾碎如米大每用淡薑湯下二錢

徐兄年四十歲口乾小便數春未得之夏來求治脰其兩手左瀋右畧數而不弦重取似大而稍有力左稍沉畧弱而不弦然瀋却多於右喜兩尺皆不甚起此曰飲食味厚生熱謂之痰熱禁其厚味宜降火以清金抑肝以補脾用三消丸十粒左金阿魏丸各五粒以薑湯吞下一日六次又以四物湯加參朮陳皮生甘草五味子麥門冬煎服一日三次與丸藥間服一二日自覺清快小便減三之二口亦不乾止渴未除頭暈眼花久坐則腰疼遂以摩腰膏

治腰疼仍以四物湯用參芪減川芎加牛膝五味子炒栢  
麥門冬煎飲調六一散服及覺便多遂去六一散仍服丸  
藥而安 黃連末治消渴要藥加天花粉末人乳生地黄  
汁生藕汁二物為膏入山藥末搜和以薑汁和煉蜜為膏  
徐徐挑於舌上以白湯少許送下亦得能食加軟石膏  
治消渴以天花粉為末用人乳汁生薑汁煎膏丸如菖  
大每服百丸食後服

**附** 治消渴小便多者煮瓜蒌根汁飲之良

**世** 治消渴無方可治者用天花粉大烏頭炒等分為細末  
蒸餅丸每服百丸黑豈湯下

已上四方瓜蒌根為君本草云瓜蒌根主消渴止小便  
通月水乳汁去既能止小便又能通月水知其流濕潤  
燥治消渴之要藥也

**千金地黃丸治腎漏**

黃連四兩 生地半斤 研取汁連查拌

右再為細末煉蜜為丸食後麥門冬湯下五六十丸

**黃連丸治消渴飲水無度小便頻數**

黃連淨半斤用無灰好酒浸一宿

右為細末滴水丸白湯下五七十丸

又方治卒消渴小便多搗黃連細末蜜丸服三四十九

麥門冬湯治消渴日夜飲水無度飲下即溲

麥門冬心法 黃連 冬瓜各二兩

右為籠末每服五錢水煎八分去查溫服若冬瓜無乾  
者用新冬瓜肉三斤去穰分作十二片為十二服每服  
用瓜一片劈破水煎日三服

冬瓜飲子治消渴能食而飲水多小便如脂麩片日夜無

度

冬瓜一枚

黃連細末兩為

右先以冬瓜破開去穰摻黃連末在內却用頂蓋定於熱灰中煨熟去皮切細爛研絞汁每服一盞至二盞日三夜一服

**本**三消丸用好黃連治淨為細末不拘多少切冬瓜肉研取自然汁和成餅陰乾再為細末用汁浸和加至七次即用冬瓜末為丸每服三四十九以冬瓜汁煎大麥仁湯送下尋常渴止一服效

已上五方黃連冬瓜為君丹溪云冬瓜性走而急久病與陰虛者忌之又有黃連為佐用者審之

**食**治消渴飲水不止小便數用田螺五升水一斗浸一宿渴即飲之每日一度易水換螺為妙又方以水煮取汁飲

之螺亦任吃

重劑

**于和**治飲水百杯尚猶未足小便如砂或如杏色服此方三五日小便大出毒注下十日除限此方子和自云此重劑試有驗

水銀四錢

錫二錢同水銀炒成砂子

牡礪

密陀僧

知母

紫苑

苦參

貝母各一兩

黃丹兩半

菘萋根斤半

右為細末男子用不生兒猪肚婦人用獾猪肚一箇納藥於內以麻線縫之用新瓦二片繩繫一二遭別用米一升菘萋根末半升於新水內煮熟取出放冷不用米及菘萋只研猪肚併肚中藥末爛和為丸如硬加蜜食前米湯下三四十九三因方無貝母

**河**胡粉散治大渴百方不痊者亦治腎消

黃丹 各半 胡粉 各半 苧蔘根 二兩 甘草 一兩

澤瀉 石膏 赤石脂 白石脂 各半

右咬咀水煎服日二服如腹痛減之為丸服尤妙每服十九多則腹痛

葛根丸治消渴消腎日飲碩水者

葛根 三兩 瓜蔘根 二兩 黃丹 二兩 附子 炮去皮

右為末煉蜜丸每服十九日進三服春夏去附子

垣六味地黃丸治腎消效 方見治虛實法

經治消渴不止下元虛者用牛膝五兩細判為末生地黃

汁五升晝曝夜浸以汁盡為度蜜丸空心温酒下三十九

久服壯筋骨駐顏色黑鬚髮生津液

仲治男子消渴小便反多如飲水一斗小便亦一斗腎氣

丸主之 方見治虛實法

子和治腎消以腎氣丸本方內加山藥一味外桂附從四時加減冬一兩春秋三錢夏一錢 又法腎氣丸去附子加五味子一兩半

本唐祠部李郎中治消渴者腎虛所致每發則小便甜醫者多不知其故亦缺而不言洪範曰稼穡作甘以物理推之淋餽醋酒作脯法須臾即甜足明人之食後滋味皆甜流在膀胱若腰腎氣盛則上蒸炎氣化成精氣下入骨髓其次為脂膏又其次為血肉其餘則為小便故小便色黃血之餘氣也五臟之氣鹹潤者則下味也若腰腎既虛冷則不能蒸化穀氣盡下為小便故味甘不變其色清冷則肌膚枯槁也猶如乳母穀氣上洩皆為乳汁消渴病者下泄為小便皆精氣不實於內則小便數澀溺也又肺為五臟華蓋若下有暖氣蒸則肺潤若下冷極則陽不能升故

肺乾而渴易於否卦言之矣乾上坤下陽無陰不降陰無陽不升上下不交故成否也譬如釜中有水以火煖之又以板覆之則煖氣上騰故板能潤若無火力則水氣不能上升此板終不得潤火力者腰腎強盛也常須煖補腎氣飲食得火力則潤上而易消亦免乾渴之患故仲景云宜服腎氣八味丸此疾與脚氣雖同皆為腎虛所致其脚氣始發於二三月盛於五六月衰於七八月凡消渴始發於七八月盛於十一二月衰於二三月其故何也夫脚氣壅疾也消渴宣疾也春夏陽氣上故壅疾發則宣疾愈秋冬陽氣下故宣疾發則壅疾愈審此二者疾可理也猶如善為政者寬以濟猛猛以濟寬隨時變通耳

**和**治諸虛不足胸中煩悸時常消渴唇口乾燥或先渴而欲發瘡或病瘡疽而後渴者宜用黃芪湯多服之方見瘡疽門凡

消渴而小便反多有脂者皆腎氣不音攝津液也宜多服黃芪黃芪乃補氣之要藥

**保行氣丸治消渴**

五靈脂衍義云五靈脂入肝最遠能行經血不能生血

烏頭去皮

右等分為末每服三錢冬瓜湯下無瓜時苗葉亦可日三服渴止勿服再服八味丸去附子加五味子

**保**治消腎小便數鹿角一具炙焦搗篩為末酒服方寸匕漸漸加之

**保**茴香散治消病下焦渴症小便如膏

茴香炒 苦棟炒

各等分炒為末食後酒調

下一錢

**食**治消渴舌焦口乾小便數野雉一隻以五味煮令極熟去肉取汁渴飲之肉亦可食

肝癰者夜臥則驚多飲小便數全文見瘡

雜方 臍臍

診

虛熱

心移寒于肺消者飲一洩二不治全文見胎病傳變王注云腎臟消榮氣無所

故飲一洩二也

寸口脈浮而遲浮即為虛遲即為勞虛則衛氣不足勞則榮氣竭跌陽脈浮而數浮則為寒數則消穀而大堅氣盛則洩數洩數則堅堅數相搏即為消渴 跌陽脈數胃中有熱即消殺引飲大便必堅小便即數

胎前渴

葛根散治婦人妊娠胃膈煩燥唇口乾裂四肢壯熱食少

葛根

黃芩

人參

麩仁

黃芪

甘草

麥門冬

右各等分每服四錢加竹茹彈子大水煎服

人參黃連散治妊娠身熱煩燥口乾少食四肢壯熱

人參

黃芪

葛根

秦艽

麥門冬

知母

甘草

赤茯苓

右咬咀每服四錢薑三片淡竹葉十四片同水煎

治妊娠壅熱心神煩燥口乾渴逆

升麻

黃芩

人參

麥門冬

山梔

柴胡

茯苓

瓜蒌根

犀角

知母

甘草

青蘘

右咬咀每服一錢水煎服

知母散治妊娠煩悶口乾胞胎臟熱

知母

麥門冬

甘草

黃芪

黃芩

赤茯苓

麥門冬

黃芪

右咬咀加竹茹同煎

產後渴

世醫心法卷之三

五

虛熱

**雲**竹葉湯治產後虛弱口渴

竹葉升三

甘草

人參

茯苓各一兩

生薑

半夏各三兩

麥門冬兩五

大棗十五箇

右咬咀以水九升先用生薑竹葉大棗煎取七升去渣入藥煎取二升每服五合日三夜一

玄胡索散治產後失血渴不止

鬱金

乾葛

桂心

青皮

枳殼

玄胡索

右等分以好醋浸一宿焙乾為末每服二錢陳皮湯調下日三夜一

**本**治產後出血太多虛煩發渴用真正蒲黃末二錢白湯調下如渴燥甚并花水下

**大**治產後中風煩渴用紅花子五合微炒研碎以水煎濃

徐徐呷之

**陳**士良療血渴及產後渴疾用蓮子心生取為細末米飲

調下二錢效

**保**桃花散治產後不煩而渴

新石灰一兩

黃丹錢五

右為細末渴時用井水調下一錢

口燥咽乾

**垣**飲食不節勞倦所傷以致脾胃虛弱乃血所生病主口中津液不行故口乾咽乾病人自以為渴醫以五苓散治之反加渴燥乃重竭津液以致危亡經云虛則補其母當於心與小腸中補之乃脾胃之根蒂也以甘溫之藥為之主以苦寒為之使以酸為之臣佐以辛心苦緩急食酸以收之心火旺則肺金受邪金虛則以酸補之次以甘溫及

甘寒之劑於脾胃中瀉心火之亢盛是治其本也

**本**黃芪湯治心中煩燥不生津液不思飲食

黃芪 熟地 白芍藥 五味子

麥門冬 各三兩 甘草 人參 天門冬 各五錢

白茯苓 兩一

右咬咀每服三錢薑棗烏梅同煎去渣食後服

五味子湯桑枝煎治口乾方見燥熱咽乾忌南星半

夏

運氣

運氣口燥舌乾皆為熱燥二氣然分言之有四

一曰熱經云火太過民病噎燥又云少陰司天熱淫所

勝病胸中煩熱噎乾治以寒劑是也

二曰燥經云金鬱之發噎乾面塵又云陽明在泉燥淫所

勝甚則噎乾面塵治以溫劑是也

三曰上熱下燥經云少陰司天之政水火寒熱之氣持於

氣交民病噎乾四之氣民病寒熱噎乾是也

四曰上燥下熱經曰陽明司天之政四之氣民病噎乾引

飲皆治以寒溫多少其制是也

**素**督脉王病噎乾骨空論

水如黃疸 產後黃 食勞疳黃 黃汗

白自黃 黑疸

**丹**五疸不要分同是濕熱如蠶麩相似 輕者小溫中丸

重者大溫中丸 熱多者加苓連 濕多者茵陳五苓

散加食積藥 濕熱因倒胃氣服下藥大便下利者參芪

加茵陳山梔甘草

**仲**諸病黃家但利其小便假令脈浮當以汗解之宜桂枝

加黃芪湯 穀疸之為病寒熱不食食即頭眩心胸不安

忌

大法

久久發黃為穀疸茵陳蒿湯主之 黃疸病茵陳五苓散

主之二方並見傷寒 羅茯苓除濕湯治黃疸氣熱嘔吐而渴欲飲冷身體面目俱黃小便不利不得安臥亦不思食

白茯苓五分 澤瀉三分 茵陳蒿六分 猪苓三分

黃芩生 黃連 山梔 防已

白朮 蒼朮 陳皮 青皮各二分

右咬咀水煎空心服

完顏正卿因官事勞役飲食不節心火乘脾脾氣虛弱更以恚怒氣逆傷肝心下痞滿四肢困倦身體麻木次傳身日俱黃微見青色顏黑心神煩亂怔忡不安兀兀欲吐口生惡沫飲食不化時下完穀小便癢閉而赤黑辰巳之間發熱日暮則止至四月尤其予診其脈浮而緩金匱云寸

口脈浮為風緩為痺痺非中風四肢苦煩脾色必黃瘰熱已行跌陽脈緊食穀即眩為傷脾風寒相搏穀氣不消胃中苦濁濁氣不流小便不通陰被其寒熱流膀胱身體盡黃名曰穀疸宜服茵陳梔子湯

茵陳錢一 茯苓五分 山梔仁 蒼朮炒

白朮各三分 黃芩生六分 黃連 枳實炒

猪苓去皮 澤瀉 陳皮 防已各二分

青皮一分

右咬咀作一服長流水煎食前溫服二服可愈山梔茵陳能瀉濕熱而退黃故以為君枳實苦寒泄心下痞滿肺主氣今熱傷其氣故身體麻木以黃芩苦寒瀉火補氣為臣二朮苦甘溫青皮苦辛溫能除胃中濕熱洩其壅滯養其正氣防已苦寒能去十二經滯濕澤瀉鹹平

虛

茯苓猪苓甘平導膀胱中濕熱利小便而去瘰閉

治疸脈虛便赤此後五方主之治虛者驗

白朮

人參

猪苓

茵陳

澤瀉

山梔

木通

桂枝

婦人年二十八歲發黃脈澁經水自來不行身體倦怠

未曾生子

陳皮

白朮

木通

黃芩

歸頭

丹皮

甘草

分作十二貼水煎食前熱服

治疸取小麥泔汁絞飲六七合晝夜飲三四次愈

仲諸疸用猪膏半斤亂髮如鷄子大三枚以髮入膏中煎

至髮盡分再服病自從小便中出

腎疸湯治腎疸目黃渾身金色小便赤澁

升麻根

羌活根

防風根

獨活根

白朮

柴胡根

蒼朮

猪苓

澤瀉

白茯苓

葛根

甘草根

黃栢

人參

神麴

分作二貼水煎食前稍熱服

桂枝加黃芪湯治黃疸脈浮而腹中和者宜汗之若腹

滿欲嘔吐懊懣而不和者宜吐之不宜汗

桂枝

白芍藥

甘草

生薑

大棗

黃芪

白水煎熱服須臾飲熱粥以助藥力取微汗為度未汗

更服

治一人年二十歲因勞又冒雨得疸脚痠心悸口苦力

弱尿黃脈浮而數病在表宜解外

汗法

黃芪錢三 白朮 蒼朮各一錢 陳皮

蘇葉 木通五分 山梔炒二錢 甘草稍些

白水煎服下保和十五丸與點抑青各十九丸温中二十丸

吐法

**仲麻黃醇酒湯**治黃疸用麻黃三兩以好清酒五升煮取二升五合頓服盡冬月用酒煮春月用水煮 酒疸或無熱清言了了腹滿欲吐鼻燥其脈浮者先吐之沉弦者先下之 酒疸心中熱欲嘔者吐之愈如陰症欲吐者韓氏用東皮湯理中湯類 瓜蒂湯治諸黃用瓜蒂二七枚以水一升煮取五合去查頓服

**百一治疸**取藜蘆置灰內炮之少變色搗為末水服半錢七小便不利數服

**子和蔡氏**一女病黃遍身浮腫面目如金色困乏無力不

下法

思飲食惟喜食生物交裁之屬先以苦劑蒸餅為丸日服一碗又以舟車丸通經散下五七行如墨汁更以導飲丸磨食散氣不數日安好如初 李七老病涌水症面黃而喘二足皆腫按之陷而復起行則濯濯有聲常欲飲水不能睡臥戴人令上涌去痰而汗之次以舟車丸瀆川散下以益腎散復下之又以分陰陽利水道之劑復下之所苦皆瘥

右脈浮而腹不和者吐之

**仲治酒疸**心中懷懊或熱痛梔子大黃湯主之

山梔十四枚 大黃兩 枳實五枚 豆豉升

右四味以水三升煎取二升温作三服 黃疸腹滿小便不利而赤自汗出此為表和裏實當下之宜大黃硝石湯主之

大黃

黃栢

硝石各四兩

梔子十五枚

水煎將熟納硝石頓服

師曰病黃疸發熱煩喘胸滿口燥者以病發時以火劫其汗兩熱所得然黃皆從濕得之一身盡發熱面黃肚熱熱在裏當下之

羅黃連散治黃疸大小便秘澀壅熱累效

黃連二兩

大黃醋拌炒黃芩

甘草炙各一兩

右為極細末食後溫水調下二錢日三服先用苳蒂散

搐鼻取下黃水却服此藥苳蒂散見後辨方條

治黃疸皮黃眼睛赤金色小便赤取秦芫五兩牛乳三

升煮取一升去查入芒硝一兩服之蒲栢云秦芫治酒疸

予聞安喜趙君玉病疸遍身發黃往問醫眾醫皆云乃陽

明症公等與麻知幾皆受訓於張戴人是商議吃大黃者

難與論病君玉不悅歸自揣無別病乃取三花神佑丸八

十粒服之不動君玉乃自悟曰予之濕熱甚矣此藥尚不

動以舟車丸瀉川散服之大下結糞一斗一夕而黃退君

玉因此益信戴人之技

右脈沉而腹不和者下之

仲諸黃腹痛而嘔者宜小柴胡湯方見傷寒

孫治黃疸用柴胡一兩去苗甘草一分細剉作一劑以水

一碗白茅根一握同煎至七分去查不拘服

諸疸小便不利為裏實宜利小便或下之無汗為表實宜

發汗或吐之治法並見表裏疸條男子黃大便利當與虛勞小

建中湯方見傷寒

內感傷寒勞役形體飲食失節中州變寒病生黃非外

感而得只用建中理中大建中足矣不必用茵陳

和法

虛實

寒熱

神治一婦人年六十歲病振寒轉慄足太陽寒水也呵欠噴嚏足少陽膽也口中津液足陽明不足也心下急痛而疸手少陰受寒足少陰血滯也身熱又欲近火熱在皮膚寒在骨髓也臍下惡寒丹田有寒渾身黃及睛黃皆寒濕也餘症驗之知其為寒溺黃赤而黑又頻數者寒濕勝也病來身重如山便着床枕者陰濕盛也其脈右手關尺命門弦細按之洪而弦急為寒加之細者北方寒水雜以緩甚者濕盛出黃色脈洪大者心火受制也左手又按之至骨舉手來實者壬癸腎旺也六脈按之俱空虛者下焦無陽也用藥法先宜以輕劑去其寒濕兼退其洪大之脈以理中加茯苓湯投之

按此症雖小便黃赤亦作寒治者蓋以餘症及脈別之也

人參

白朮

甘草

乾薑

茯苓

水煎熟以冰冷與之此熱因寒用以假寒對足太陽之假熱以乾薑辛熱瀉膀胱之真氣故曰真對真假對假若不愈當以朮附湯與之

虛寒

羅陰黃治驗至元丙寅六月時雨霖霪人多病濕疫真定韓君祥因勞役過度渴飲涼茶又食冷物遂病頭痛肢節亦疼身體沉重胸滿不食自以為外感用通聖散二服後添身體困甚方命醫治之醫以百解散發其汗越四日以小柴胡湯二服後加煩燥又六日以三乙承氣湯下之燥渴尤甚又投白虎加入人參湯柴胡飲之類病愈增又易醫用黃連解毒湯硃砂膏至寶丹十七日後病勢轉增傳變身目俱黃肢體沉重背惡寒皮膚冷心下痞硬按之則痛眼澁不欲開目睛不了了懶言語自汗小便利大便秘了而不了命予治之診其脈緊細按之虛空兩寸脈短不及本

位此症得之因時熱而多飲冷加以寒涼藥過度助水乘  
心反來侮土先因其母後薄其子經云薄所不勝乘所勝  
也時值霖雨乃寒濕相合此謂陰症發黃予以茵陳附子  
乾薑湯主之經云寒淫於內治以甘熱佐以苦辛濕淫所  
勝平以苦熱以淡滲之以苦燥之附子乾薑辛甘大熱散  
其中寒故以為君半夏草薤辛熱白朮陳皮苦甘溫健脾  
燥濕故以為臣生薑辛溫以散之澤瀉甘平以滲之枳實  
苦微寒瀉其痞滿茵陳微苦寒其氣輕浮佐以薑附能去  
膚腠間寒濕而退其黃故為佐使也煎服一劑前症減半  
兩服悉去又服理中湯數服氣得平復或難曰發黃皆以  
為熱今暑熱隆盛又以熱藥治之何也予曰理當然也成  
無已云陰症有二一者始外傷寒邪陰經受之或因食冷  
物傷太陰經也二者始得陽症以寒治之寒涼過度變陽

為陰也今君祥因天令暑熱冷物傷脾過服寒涼陰氣大  
勝陽氣欲絕加以陰雨寒濕相合發而為黃也仲景所謂  
當於寒濕中求之李思順云解之而寒涼過劑瀉之而逐  
寇傷君正謂此也聖賢之制豈敢越哉

附子

炮去皮  
三錢

乾薑

炮二錢

茵陳

一錢二分

白朮

四分

草薤

煨一錢

白茯苓

三分

枳實

炒

半夏

製

澤瀉

各半錢

橘紅

三分

右生薑五片水煎去渣涼服

無養榮湯治五疸脚弱心忪口淡耳響微寒發熱氣急小便  
便白濁當作虛勞治之

黃芪

當歸

桂心

甘草

陳皮

白朮

人參

白芍

熟地

五味子

茯苓

遠志

各一兩

各三錢

去心半兩

虛熱

右每服四錢薑棗煎空心服

右法治虛寒黃疸

治婦人久勞苦得面黃心悸口苦小便不黃自利食少  
右脈大於左此虛中受濕也

白朮

芍藥

當歸各五錢

黃芪

黃芩

茯苓

人參各三錢

陳皮半錢

黃連一錢

甘草五分

分六貼下保和溫中各二十九

補中湯治面黃多汗目皆赤四肢沉重減食腹中時痛  
咳嗽兩手左脈短右脈弦細兼澁右手關脈虛

升麻

柴胡各二錢

歸身二分

蒼朮五分

澤瀉四分

甘草八分

五味子一分

黃芪二錢半

神麩三分

紅花少許

大麥麩五分

濕熱

右作二服水煎食前  
右二方治虛熱黃疸

黃疸小便色不變欲自利腹滿而喘不可除熱除必  
噦小半夏湯主之方見嘔吐○小便色不變不可除熱者  
蓋中無熱故清白而不黃自無熱可除也  
諸疸小便色白不可除熱者無熱也若有虛寒症者  
當作虛勞治之 諸疸小便黃赤色者為濕熱治法並見  
表裏虛疸

嚴穀疸丸專治穀疸

苦參三兩

龍膽草兩

牛膽筋

右為末入牛膽汁加少蜜為丸空心薑湯或甘草湯下

葛根湯治酒疸

葛根兩

枳實炒

山梔

豆豉各一兩

甘草兩

醫學綱目卷五

白水煎不拘時溫服

**外**治黃疸以柳枝入水濃煎汁服之

**經**患五色急黃以水調山豆根末二錢空心服之

運氣

運氣黃疸皆屬濕熱經云少陰司天之政四之氣溽暑至

民病黃疸又云厥陰司天之政四之氣溽暑濕熱相薄民

雜方

病黃疸而為臍腫是也

**羅**啗鼻瓜蒂散治黃疸渾身如金色累效

瓜蒂二錢 母丁香一錢 黍米四十九粒 赤小豆五分

右為細末每夜臨臥時先含水一口却於兩鼻孔啗上

半字便睡至明日取下黃水便服黃連散病輕者五日

效重者半月效黃連散方見前大小開條

**聖**治遍身如金色用瓜蒂四十九箇須是六月六日收者

丁香四十九粒入其鍋內燒烟盡為度研細小兒用半字

吹鼻及搯牙大人用一字吹鼻內立瘥

**類**要治黃疸用苦葫蘆瓢如大棗許四枚以童便浸三兩

食頃取兩棗許分納兩鼻中黃水自出效令病人吸之

又方治黃疸身眼皆如金色修合不可令婦人雞犬見之

取東引桃枝一握細切用水二鍾煎至半空心服服後三

五日其黃離離如薄雲漸散唯眼最後瘥百日方平復身

黃漸散後可時飲清酒一盞使眼中黃易散忌食熱麪猪

魚等物

針灸黃疸有二法

其一取脾經云脾足太陰之脈所生病者黃疸視盛虛熱

寒取之

其二取腎經云腎足少陰之脈所生病者黃疸視盛虛熱

寒取之

針灸

**五黃疽** 腕骨三分灸 中腕補

**集黃疽** 發虛傷寒飲食過多

腕骨一分 湧泉三分 百勞 三里 中腕 膏肓

**甲黃癰** 善欠脇下滿欲吐脾俞主之千金云身重不可動 消渴身

熱面赤黃意舍主之 消渴黃癰足一寒一熱舌縱煩滿

然谷主之 消癰善喘氣走咽喉不能言手足清溺黃大

便難噎中腫痛唾血口中熱唾如膠太谿主之 黃疽熱

中善渴太衝主之 身黃時有微熱不嗜食膝內內踝前

痛少氣身重中封主之 黃癰身黃勞宮主之 嗜臥四

肢不欲動搖身黃灸手五里左取右右取左 黃癰刺脊

診

**索** 目黃者曰癰 溺黃赤安臥者亦名黃疽 論疾疹尺篇

**仲** 脈沉渴欲飲水小便不利者皆發黃 腹脹滿面痿黃

躁不得睡屬黃家 跌陽脈緊而數數則為熱熱則消穀

緊則為寒食即為滿尺脈浮為傷腎 跌陽脈緊為傷脾

寒熱相搏食穀即眩穀氣不消胃中苦濁濁氣下流小便

不通陰被其寒熱流膀胱身體俱黃名曰穀疸 陽明病

脈遲者食難用飽飽則發煩頭眩小便又難此欲作穀疸

雖下之腹滿如故所以然者脈遲故也 心中懊懣而熱

不能食時欲吐名曰酒疸 病酒黃疸必小便不利其候

心中熱足下熱是其症也

**脈** 酒疸黃色心下結熱而煩

**仲** 額上黑微汗出手足中熱薄暮則發膀胱急小便自利

名曰女勞疸腹如水狀不治治見 黃疸之病當以十八

日為期治之十日已上宜瘥反劇為難治 疸而渴者難

治疸而不渴者可治發於陰部其人必嘔發於陽部其人振寒而發熱

脈凡黃家候其寸口脈近掌無脈口鼻冷並不可治

血虛

產後發黃 治一婦人四月內產發黃四肢倦怠食少經事不來時發熱脈弦

白朮兩 人參 秦艽 丹皮

生地 木通 柴胡 芍藥各半

川芎 黃芩 乾葛各一 甘草

分十二貼水煎食前熱服

食勞瘵黃

一名黃胖夫黃疸者暴病也故仲景以十八日為期食勞黃者宿病也至有久不愈者故宜另立篇門

瀉肝補脾

大溫中丸治黃胖外先生晚年定者

香附一斤童便浸春夏宿秋冬三宿 甘草二兩 針砂炒紅醋

芍藥五兩 陳皮三兩 山查五兩 厚朴薑製炒

白朮 茯苓各三兩 青皮六兩 蒼朮五兩

俱為細末醋糊丸如桐子面黑筋骨露氣實者米飲下

五六十九面肥白與氣虛羸弱者白朮湯下三四十九

忌一切生冷油膩鷄鵝羊鴨生硬併糍粽難化之物服

過七日後便覺手掌心涼口唇內有紅暈起調理半月愈

丈夫黃胖胃有宿積口淡脚瘦氣急 針砂淘炒淨醋煨 蒼朮 香附 三稜各一兩 陳皮 黃連 茱萸

人參各半兩 茯苓七錢  
右為末神麴醋糊丸每服五十九若飽入保和十九白湯下

又小温中丸治黃胖宜草野貧賤人服蓋其飲食無積但補陰燥濕而已

針砂一斤以醋炒為末入糯米炒極黃為末亦用一斤醋糊丸如桐子大每米飲下四五十九忌口同上輕者服五兩重者不過七兩愈

六十嫂面黃口苦而渴此食積生濕熱

白木一錢半 連翹一錢 羌活 通草

煎熟吞下穀疸丸保和丸各四十粒阿魏丸五粒

煖中丸治黃胖殺肝邪舒脾氣虛者不宜用

陳皮 蒼朮 厚朴製 三稜

白朮 青皮各五錢 香附一斤 甘草二兩

針砂十兩醋炒紅

右為末醋糊丸空心薑湯下五十九晚食前酒下亦可忌狗肉

右五方附朴苞青稜蓬以磨積針砂酸醋以瀉肝白朮蒼朮以補脾重可去怯之劑唯温中丸無補性虛者勿用

**世**治黃胖綠癩六兩用米醋於鐵鍋內煮七次以乾為度置地上出火氣為末南星末一兩炒麴一兩大皂角二斤水煮熟揉出膿膠去皮查濾過再熬入棗子六兩蒸熟去皮核煎成濃膏搗勻和前藥末為丸如桐子大每服五丸早晚用薑湯各一服忌油膩煎煨如身上發紅斑時急煎棗湯服之斑自愈

**本**治男婦患食勞氣勞遍身黃腫欲變成水及久患疰癧

小腸膀胱面目忽黃宜服紫金丹

膽礬錢三

黃蠟兩二

大棗五十枚

右以砂鍋或銀石器內用好醋三升先下礬棗慢火熬半日取出棗去皮核次下蠟再慢火熬一二時如膏好入蠟茶二兩同和丸如桐子大每服二三十九茶酒任下如久患腸風痔漏陳米飲下日三服一日見效宗室趙彥材下血面如蠟不進食蓋酒病也授此方服之終劑血止面鮮潤食亦倍常新安一士人亦如是與三百粒作一服立愈

羅棗礬丸治食勞黃目黃身黃

皂礬不拘多少置砂鍋內燒通赤用米醋點之燒用木炭

右為末棗肉丸每服二三十九食後薑湯下一方用白礬不用皂

世棗礬丸治黃胖

皂礬五兩

棗肉兩二

蒸粉兩二

右為末生薑汁丸每服二三十九一日二次米飲下食前

右三方礬醋之酸以瀉肝棗肉之甘以補脾若虛黃於

前疸閉小便自利自汗虛勞疸條下諸方選用之

虛實

婦人年三十面黃脚瘦弱口苦喜茶月經不勻且多倦

怠 黃芪三分 白朮一分 炒栢二分 秦艽二分

甘草三分 木通五分 陳皮五分 芍藥

人參各一錢 當歸一錢

一婦年六十面黃倦甚足痠口苦脈散而大此濕傷氣也

白朮兩半 陳皮錢四 蒼朮 木通

黃芩各二錢 砂仁 人參 川芎各二錢

黃栢炒一錢 甘草炙五分

分六貼水煎食前服

王官人痞後面黃脚瘦弱倦怠食飽氣急頭旋

黃芪二分 蒼木一錢 白木半錢 木通二分

甘草炙二分 黃栢炒三分 厚朴錢一 陳皮錢一

水煎服

成康五官面黃脚瘦無力食不化脈虛而少弦口苦肚脹宜補之

蒼木半錢 木通三分 白木半錢 當歸五分

芍藥 陳皮各五分 甘草炙二分 川芎五分

人參三分 水煎下保和丸四十九

經治食氣遍身黃胖氣喘食不進心胸渴悶用不蛀皂角去皮及子塗好醋炙令焦為末一錢巴荳七粒去油膜二

件以淡醋研好墨為丸如麻子大每服三九食後陳皮湯下日三服隔一日增一九以利為度常服消酒食

子和一男子作贅偶病疽善食而瘦四肢不舉面黃無力其婦翁欲棄之其女不肯婦翁乃農夫招婿意欲作勞見

其病甚每日詬辱之人教之餌蠟礬丸三稜丸俱不效戴人見之不脛而療使服涌劑去積痰宿水一斗又以泄水

丸通經散下四五十行不止戴人命飲冰水一盞立止次服平胃散間服檳榔丸五十粒七日黃退力生蓋黃疸之

症濕熱與宿穀故也俗謂之食勞黃世喜喫乾茶

石膏 白芍藥 黃芩

水煎服更於積塊門茶癭條相參用之

山酒麪黃用絲瓜連皮子燒灰因麪得病麪湯調下因酒

得病酒調下

黃汗

黃汗汗出染衣黃如栢汁是也

仲問曰黃汗之為病身體腫發熱汗出而渴狀如風水汗  
沾衣色正黃如栢汁脈沉何從得之師曰以汗出時入水  
中浴水從汗孔入得之宜芪桂酒湯主之

黃芪

白芍藥各五兩 桂枝三兩

右三味以苦酒一升水七升相和煮取三升溫服一升  
初發當心煩服至六七日乃解若心煩不止者以苦酒

阻故也

一方用苦酒代苦酒

黃汗之病兩脛自冷假令發熱此屬歷節食已汗出又身  
常暮盜汗出者此勞氣也若汗出已反熱者久久其身必  
甲錯若發熱不止者必生惡瘡若身重汗出已輒輕者久

診

久身必潤又胸前痛腰上有汗腰下無汗腰臃弛痛如有  
物在皮中狀劇者不能食身疼重煩躁小便不利者此為  
黃汗桂枝加黃芪湯主之 方見本門表疽下  
脈浮而洪浮則為風洪則為氣風氣相搏風強則為隱疹  
身體為痒痒為泄風久為痲癩氣強則為水難以俛仰風  
氣相擊身體洪腫汗出乃愈惡風則虛此為風水不惡風  
者小便通利上焦有寒其口多涎此為黃汗

目黃

經云目黃者曰黃疸然亦有目黃而身不黃者故宜另立  
篇門

風

風氣自陽明入胃循脈而上至目皆其人肥風氣不得外  
洩則為熱中而目黃 全文見諸風條

青龍散治風氣傳化腹內疼結而目黃風氣不得泄為

熱中煩渴引飲

地黃

威靈仙

防風

荊芥穗

何首烏

去黑皮米泔浸一宿竹刀切各一兩

右為末每日三服食後沸湯調下一錢

**類**治黃疸目黃不除用瓜丁為細末如荳大納鼻中令病人深吸取鼻中黃水出愈

針灸

針灸目黃有五法

其一取心經云心少陰之脈所生病者目黃脇痛云

其二取心主經云心主手厥陰之脈是動則病面赤目黃

其三取小腸經云小腸手太陽之脈所生病者耳聾面黃

其四取大腸經云大腸手陽明之脈所生病者目黃口乾

其五取膀胱經云膀胱足太陽之脈所生病者目黃淚出

云 已上五法並視盛虛寒熱陷下取之

黑疸

黃疸久久變為黑疸身黃額黑或身面俱黃是也若身不

黃口面黑於章門主之針灸經云神門亦治疸

酒疸

**神**酒疸下之久久變為黑疸目青面黑心中如噉蒜齏狀

大便正黑皮膚爪之不仁其脈微弱雖黑微黃故知之

女黃疸

黃家曰晡時發熱而反惡寒此為女勞得之膀胱急少腹滿一身盡黃額上黑足下熱因作黑疸其腹脹如水狀大便黑或時溇此女勞之病非水也腹滿者難治硝石散主

之

硝石

礬石燒各等分

診

右為細末勻和以大麥麩粥調服方寸七日三服病隨  
大小便下小便去黃大便去黑是其候也

治黑疸多死宜急治用土瓜根一斤搗碎絞汁六合頓  
服當有黃水隨小便出更服之

面瘧然浮腫脊痛不能正立其色焔黑多汗惡風者屬風  
治見諸  
風門

醫學綱目卷之二十一

醫學綱目卷之二十一

腹痛 胎前腹痛 產後腹痛 腸鳴

丹腹痛 有寒 積熱 死血 食積 濕痰

垣夫心胃痛及腹中諸痛皆因勞力過甚飲食失節中氣  
不足寒邪乘虛而入客之故卒然而作大痛經言得炁則  
止炁者熱也以熱治寒治之正也然腹痛有分臟腑有  
高下治之者亦宜分之如厥心痛者乃寒邪客於心胞絡  
也前人以良薑菖蒲大辛熱之味末之酒調服其痛立止  
此直折之耳真心痛者寒邪傷其君也手足青至節甚則  
旦發夕死夕發旦死中脘痛者太陰也理中建中草荳蔻  
丸之類主之臍腹痛者少陰也四逆薑附禦寒湯之類主  
之少腹痛者厥陰也正陽散回陽丹當歸四逆湯之類主  
之雜症而痛者苦練湯酒煮當歸丸丁香練實丸之類主

大法

醫學綱目卷之二十一

寒

之是隨高下治之也更循各臟部分穴俞而灸刺之如厥心痛者痛如針刺其心甚者脾之痛也取之然谷太溪餘臟皆然如腹中不和而痛者以甘草芍藥湯主之如傷寒候下傳太陰腹滿而痛者桂枝加芍藥湯主之痛甚者桂枝加大黃湯主之夏月肌熱惡熱脉洪疾而痛者黃芩芍藥湯主之又有諸虫痛者如心腹懊懣作痛聚往來上下行痛有休止腹熱善渴涎出面色乍青乍白乍赤嘔吐水者就咬也以手緊按而堅持之無令得脫以鍼刺之久持之虫不動乃出鍼也或局方化虫丸及諸虫之藥量虛實用之不可一例治也

海秋腹痛肌寒惡寒脉沉微足太陰足少陰主之桂枝芍藥湯 中脘痛太陰也理中建中黃芪湯之類 臍腹痛少陰也四逆真武附子湯之類 小腹痛厥陰也重則正陽散回陽丹之類輕則當歸四逆湯之類太陰傳少陰

中脘痛  
屬太陰

甚者當變下利而止  
仲虛勞裏急腹中痛小建中湯主之 方見傷寒

羅肝勝乘脾○真定路總管劉仲美年踰六旬有脾胃虛熱之証至元辛巳閏八月初天氣陰寒因官事勞役渴而飲冷夜半自利兩行平旦予診視其脉弦細而微四肢冷手心寒唇舌皆青褐色腹中微痛氣短而不思飲食予思內經云色青者肝也肝屬木唇者脾也脾屬土木剋土故色見於唇難經亦云見肝之病則知肝當傳之於脾故先實其脾氣今脾不受肝之邪也潔古先師云假令五臟各行已勝侮所不勝當重實不勝微瀉其勝以黃芪建中加芍藥附子湯主之且芍藥味酸瀉其肝木微瀉其勝黃芪甘草甘溫補實脾土皆重實其勝桂附辛熱治其寒水又

助陽退陰飴糖甘溫補脾之不足肝苦急急食甘以緩之  
生姜大棗辛甘大溫生發脾胃升騰其氣行其榮衛能緩  
其急每服一兩依法煎服再服而愈黃芪建中湯倍芍藥  
量虛實加附子本方見治  
虛實法  
仲理中湯方見傷寒  
少陰病  
垣草荳蔻丸治脾胃虛而心火乘之不能滋榮上焦元氣  
遇冬腎與膀胱之寒水旺時子能令母實致肺金大腸相  
輔而來尅心乘脾胃此大復其讐也經曰大勝必大復故  
皮毛血脉分肉之間元氣已絕於外又大寒大燥二氣併  
乘之則苦惡風寒耳鳴及腰背相引胃中而痛鼻息不通  
不聞香臭額寒腦痛目時眩目不欲開腹中為寒水反乘  
痰唾涎沫食入反出腹中常痛及心胃痛脇下急縮有時  
而痛腹不能努大便多瀉而少秘下氣不絕或腸鳴此脾

胃虛之極也胃中氣亂心煩不安而為霍亂之漸膈咽不  
通噎塞極則有聲喘喝閉塞或日陽中或煖房內稍緩口  
吸風寒則復作四肢厥冷身體沉重不能轉側不可回顧  
小便溲而時燥此藥主秋冬寒涼大復氣之藥也

草荳蔻仁 <small>一錢四分 裏煨去皮</small>	吳茱萸 <small>八分湯 洗焙乾</small>
益智仁 <small>八分</small>	陳皮 <small>八分</small>
白姜 <small>錢一分</small>	甘草 <small>六分</small>
桃仁 <small>七分 去皮尖</small>	青皮 <small>六分</small>
澤瀉 <small>一分 數減半</small>	甘草 <small>六分</small>
黃芪 <small>八分</small>	半夏 <small>一錢 泡七分</small>
人參 <small>一分</small>	麥蘖 <small>一錢 半炒</small>
神麩 <small>四分</small>	姜黃 <small>四分</small>
當歸 <small>身六分</small>	柴胡 <small>四分</small>

右件十七味同為細末桃仁另研如泥再入一處研勻  
湯浸蒸餅為丸如桐子大每服三五十九白湯送下旋  
斟酌多少

神聖復氣湯治復氣乘冬足太陽寒氣足少陰腎水之旺

子能令母實手太陰肺實反來侮土火木受邪腰背胷膈  
 閉塞痛疼善噎口中涎目中泣鼻中流濁涕不止或有息  
 肉不聞香臭咳嗽痰沫上熱如火下寒如水頭作陣痛目  
 中流火視物眈眈耳鳴耳聾頭并口鼻或惡風寒喜日陽  
 夜臥不安常覺痰塞膈咽不通口無滋味兩脇縮急而痛  
 牙齒動搖不能嚼物腰膂間及尻髻膝足寒冷陰汗前陰  
 冷行步欹側起居艱難掌中寒風痺麻木小便數而晝多  
 夜頻而少氣短喘喝少氣不足以息卒遺矢無度婦人白  
 帶陰戶中大痛牽心而痛鰲黑失色男子控睪牽心陰陰  
 而痛面如赭色食少大小便不調煩心霍亂逆氣裏急而  
 腹皮色白後出餘氣腹不能努或腸鳴膝下筋急肩胛大  
 痛此皆寒水來復火土之讐也

乾姜炮三分 人參五分 半夏湯泡七分 柴胡錢一

藁本八分 防風五分 羌活錢一 甘草八分

升麻七分 白葵花五朶去心 歸身六分酒洗 黑附子三分炮去

皮臍 桃仁湯浸去皮五分研 郁李仁湯浸去皮五分

右作一服水五盞煎至二盞入

黃芪錢一 草薹錢一錢麵煨 陳皮五分

右件入在內再煎至一盞再入下項藥

黃柏酒浸五分 黃連酒浸三分 枳殼三分 生地酒洗二分

已上四味預一日另用新水浸又次入

細辛二分 川芎三分 蔓荊子三分

預一日用水半大盞分作二處浸此三味并黃柏等藥

前正藥作一大盞不去查入此浸藥再上火煎至一大

盞去查稍熱服空心又能治咬頰咬唇咬舌舌根強硬

等症如神忌肉湯及食肉使不助經絡中火邪也大抵

腎併膀胱經中有寒肺氣元氣不足者皆宜服之神驗  
於月生月滿時隔三五日一服如病急不拘時候  
益智和中丸季秋合治心腹中大痛煩躁冷汗自出

草薹仁錢四 益智仁錢三 砂仁錢七 甘草錢二

黃芪 當歸身 人參 乾姜

麥門冬 麩末 陳皮各五分 桂枝

桂花各一錢半 大麥蘖炒三錢半 黃連錢一 生地錢一

姜黃各三分 木香分二

右為細末湯浸蒸餅為丸如桐子大每服二三十九丸温  
水送下細嚼亦得

温胃湯治服寒藥多致脾胃虛弱胃脘痛

白荳蔻分三 益智 砂仁 甘草分二

姜黃各二分 陳皮分七 澤瀉分三 黃芪分七

乾姜分二 厚朴分二 人參分三

右為細末每服三錢水一盞煎至半盞食前温服

丹里成人年二十五歲肚痛二箇月食少面微寒

白朮 陳皮各半兩 川芎

白芍 半夏各三錢 蒼朮 官桂

歸身尾 甘草灸 木通各一錢

分七點姜二片煎下保和丸二十粒

一老人腹痛作隔不禁下者

川芎 蒼朮 香附 白芷

茯苓 乾姜 滑石

右八方皆治中寒虛寒腹痛也

垣木桂湯治寒濕所客身體沉 胃脘痛面色痞黃

麻黃錢一 桂枝分五 杏仁箇十 草薹仁

半夏

澤瀉

炒麴各五分

蒼朮三錢

陳皮一錢

白茯苓各一錢

猪苓五分

黃芪各五分

甘草二分

右咬咀水二大盞煎至一盞去查稍熱服食前

麻黃草豈薹丸季秋合治客寒犯胃心胃大痛不可忍

麻黃去節二錢

草豈薹

炒麴各一錢

益智八分

升麻

大麥麴

砂仁

黃芪

半夏湯泡

白朮

陳皮各五分

柴胡

甘草炙

吳茱萸

當歸身

青皮

木香

厚朴各二錢

萹澄茄

紅花

蘇木各五分

右為末湯浸蒸餅為丸如桐子大每服三五十九細嚼

溫水送下

厚朴湯治脾胃虛寒心腹滿及秋冬客寒犯胃時作痰

厚朴製

陳皮去白二兩

甘草炙

乾姜各五錢

茯苓去皮一兩

戊火已衰不能運化又加客氣聚為滿痛散以辛熱佐

以苦甘溫以淡泄之扶持胃氣以期平也

羅高良姜湯治心腹絞痛如刺兩脇支滿不可忍

高良姜五錢

厚朴製

當歸炒

桂心各二錢

右咬咀以水一升煮取四合分二服若一服痛止便停

不須更服若強人分二服劣人分三服增損之

本治心脾痛神效荔枝核為末每服一錢熱醋湯調下

仲四逆湯

真武湯

附子湯已上方並見傷寒

腹中寒氣雷鳴切痛胃膈逆滿嘔吐附子粳米湯主之

附子一箇

半夏五分

甘草兩

大棗十箇

臍腹痛  
屬少陰

粳米升半

右五味以水八升煮米熟用湯或去查溫服一升日三服

羅益智散治傷寒陰盛心腹痞滿嘔逆瀉利手足厥逆及一切冷氣攻心脇臍腹脹滿絞痛

川烏

炮去皮臍四兩益智皮去

乾姜炮

青皮去白各一兩

右為細末每服三錢水二盞生姜三片棗二枚劈破同煎至八分去查溫服食前

本又方治胸滿氣噎下部冷臍腹疔痛

半夏二兩制

生姜六兩

陳皮四兩去白

桂一兩

吳茱萸五十粒湯洗泡

右咬咀用水十升煮取四升分五服冷再服空心食前服予少年時曾患臍疔腹痛初不疑其虛遍服諸家

藥無効遂自診之覺是虛症合此藥一劑服未至半劑頓愈

少腹痛  
風厥陰

海正陽散

回陽丹

當歸四逆湯

已上三方方見傷寒

羅葱熨治驗 內經云寒氣客於小腸膜原之間絡血之中血泣而不得注於大經血氣稽留不得行故宿昔而成積矣又寒氣客於腸胃厥逆上出故痛而嘔也諸寒作痛得炷則痛立止真定一秀士年三十一肌體本弱左脇下有積氣不敢食冷物覺寒則痛或嘔吐清水眩運欲倒目不敢開惡人煩冗靜臥一二日及服辛熱之藥則病退延至至元甲戌秋初因勞役及食冷物其病大作腹痛不止冷汗自出四肢厥冷口鼻氣亦冷面色青黃不澤全不得臥扶几而坐咳嗽咽膈不利予與藥服之見藥則吐藥不得入無如之何遂以熟艾約半斤用白紙一張鋪於腹上

紙上攤艾令勻又以蔥蔥數枝批作兩半片鋪於熟艾上  
再用白紙一張覆之以慢火熨斗熨之冷則易之覺腹中  
熱腹皮暖不禁以帛三搭多縫帶繫之待冷方解初熨時  
得暖則痛減大暖則痛止至夜得睡翌日再與對証藥服  
之良愈故立此熨法以救將來之痛也

熱

海夏腹痛肌熱惡熱脉洪疾手太陰足陽明主之芍藥黃  
芩湯治腹痛脉洪數方見下

丹婦人肚墜痛不泄脉不數

陳皮 地黄 芍藥二錢 黃芩

木通 歸尾一錢 甘草些 桃仁二十箇

經卒患腹痛水研山荳根汁半盞服之

五靈脂湯治中暑肚腹疼不已

五靈脂 香附各等分 右為末白湯調服

腹痛或大便利或用手重按痛處不痛者為虛治法宜於

寒條選用之或無寒者如左方

芍藥甘草湯芍藥甘草治腹痛稼穡作甘甘者已也曲直

作酸酸者甲也甲已化上此仲景妙方也

芍藥二兩 甘草一兩

右咬咀每服五錢水煎服海藏云白收而赤散也酸以

收之甘以緩之

海肚腹痛者芍藥甘草湯主之

弦傷氣 芍藥

洪傷金 黃芩 加棗

脉緩傷水 加桂枝 生姜

澁傷血 當歸

遲傷火 乾姜

丹婦人痢後血少腹痛

白芍藥二錢

歸身尾半錢

陳皮二錢

川芎五分

調服六一散

仲痛而秘者厚朴三物湯主之

厚朴兩

大黃兩

枳實五箇

右三味以水一斗二升先煮二味取五升內大黃煮取二升溫服一升以利為度

丹一男子年十八歲自小面帶微黃五月間腹大痛醫者與小建中湯加丁香兩貼不効加嘔吐清汁又與十八味丁沉透膈湯兩貼食全不進痛無休止臥不能起如此工六日又與阿魏丸百餘粒至夜發躁不得睡口却不渴一脈之左三部沉弦而數關部尤甚右三部沉滑而數實處不可按遂與大柴胡湯四貼加甘草下之痛嘔雖合

猶未進遂與小柴胡湯去黃芩人參加芍藥陳皮黃連生甘草二十貼而愈 白雲許先生始因飲食作痰成脾疼後累因觸冒風雪腿骨作疼衆皆以脾疼骨疼為寒雜進黃牙瀝丹等藥雜治十餘年間艾灸數萬計或似有効及至病再作反覺加重至五十一歲時又冒雪乘船而病愈加至坐則不能起扶起亦不能行兩膝骨不能開合若脾疼作時則兩膝骨痛處似覺稍輕若飲食甘美脾疼不作則膝骨重痛增諸老袖手計無所出予謂此初因中脘有食積痰雜以胃寒濕抑遏經絡血氣津液不行痰飲注入骨節往來如潮其湧而上則為脾疼降而下則為膝痛非湧泄之法不足以治之時七月二十四日遂以甘遂末一錢入猪腰子內煨與食之連瀉七行至次日兩足便能行步至八月初三日嘔吐大作不能起牀顆粒不食但時煩

躁氣弱不能言語諸老皆歸罪於七月之瀉而又知累年  
熱補之悞皆不敢用藥予嘗記金匱云病人無寒熱而短  
氣不足以息者此實也其病多年鬱結一旦以刀圭之劑  
泄之徒動猖狂之勢他未有制禦之藥所以如此仍以吐  
劑達其上焦以次第治及中下二焦於初三日用瓜蒂吐  
不透初六日用梔子又吐不透初九日用附子尖三枚和  
漿水與之始得大吐其嘔噦終止前後所吐共得膏痰沫  
液一大水桶初十日遂以朴硝滑石黃芩石膏連翹等涼  
藥咬咀一斤蒸煎濃汁放井水中極冷飲之十一月十二  
日十三日十四日每日食上件藥一斤十五日腹微滿大  
小便皆秘悶予欲用大承氣下之諸老皆以爲不可十六  
日六脉皆歇至予診其脉獨歇至卯酉二時其餘時刻平  
勻如舊予曰卯酉爲手足陰陽之應此大腸與胃有積滯

不行所致當速瀉之爭論不已至十八日遂作紫雪半斤  
十九日早紫雪成每用一匙頭以新汲井水化下至二十  
日天未明已服紫雪五兩神思稍安腹滿亦減遂收起紫  
雪不與二十一日大爲小便閉作痛所苦遂飲以蘿蔔子  
汁半茶鍾隨手痛止小便立通廿二日小腹滿痛不可捫  
摸神思不佳遂以大黃牽牛作丸服至三百丸至二十三  
日巳時下大便併通如爛魚腸三碗許臭惡可畏是日神  
思稍安診其脉不歇至矣二十四日腹大絞痛殆不能勝  
者約一時許腰膝沉重且墜兩時不出聲不能言瀉下穢  
物如柏油條者一尺餘肚中如燒片時方定至廿五日神  
思漸安夜間得睡廿六日漸能出聲言語自初二日至此  
並顆粒不曾入口語言並不出聲至廿七日方啜半盞稀  
粥者四次似有生意至次月初四日方平安其脉自嘔吐

腹脹短  
氣收之

之  
汚血散

至病安日皆是平常弦大之脉唯有中間數日歇至少異  
耳至次年四月復行倒倉法方步履如初  
腸癰亦腹痛但小便數似淋脉滑數為異耳治法見腸  
癰本門  
肘治小腹俱脹痛短氣欲死或已絕用烏梅二七枚水五  
升煮一沸內大錢二七枚煮取二升半強人可頓服瘦人  
可分之再服

海當歸丸治三陰受邪於心膈少三腹疼痛氣風等症

四物湯各半 防風 獨活 全蝎各五

續斷兩 苦練 玄胡各七 木香

丁香各二 茴香一兩

右為細末酒糊丸桐子大空心温酒下三五十九大効

四物苦練湯

四物湯兩 玄胡索 苦練各一

雲治腹中攪痛不可忍

玄胡索 當歸 白芍 川芎

乾姜各等

右為末每服三錢温酒調下

又法治証同前

玄胡索 桂心各半 當歸一

右為細末熱酒調下

尖笑散治心腹痛欲死百藥不効服此頓愈方見  
心痛

經治脾寒氣發歇痛不可忍者茱萸一兩桃仁一兩和炒

今茱萸焦黑後去茱萸取桃仁去皮尖研細葱白三莖煨

熟以酒浸温分三服

腹痛脈滑者痰脈弦者食

清痰多作腹痛

濕痰

台芎

蒼朮

香附

白芷

積溫中丸治食積肚痛  
右為末生姜自然汁調入熱湯服之

白朮

香附童便浸

針砂各四兩醋浸炒紅

山查肉

神麴各八兩

苦參兩

川芎半兩春用夏去

吳茱萸

半兩湯浸冬用春去之

蒼朮米泔浸一宿二兩五錢

右為末醋調麵糊為丸如桐子大一方去山查神麴川芎加半夏青皮黃連

世蒼朮丸治失饑傷飽肚痛不食

蒼朮炒

橘紅等分為末

右生姜汁打炒神麴糊丸如桐子大每七十九米飲下

丹酒積腹痛用三稜蓬莪朮香附官桂蒼朮厚朴陳皮

甘草茯苓木香檳榔治之

楊淳三哥年六十食積痰作痛在心頭或在腹脇脈皆弦瀦食甚少大便秘實此濕積也宜生血行氣進食磨積補虛

白朮

炒麴

半夏各一錢半

郁李仁

歸身尾

芍藥

陳皮各五錢

山查五錢

川芎三錢

人參二錢

柴胡二錢

紅花五分

桃仁三箇

細末粥丸一日三次食前白湯下四五十九

羅七氣湯治虛冷上氣及寒氣怒氣思氣喜氣憂氣愁氣內結積聚堅牢如杯心腹絞痛不能飲食時發時止發即欲死此藥主之

半夏湯洗五兩

人參去苦

甘草炙

肉桂各一兩

右為粗末入半夏令勻服二錢水一大盞生姜三片

重

肝經

煎七分去查稍熱服食前  
腹痛有作止者有塊耕起往來者吐清水者皆是虫痛治  
法見心痛

井窈渠吳孺人年近四十得腹隱痛常以火燒磚瓦熨之  
面與胃襟間惡火之熱氣發時少煩食亦減六脈和皆微  
弦最苦夜間不得睡但世上凶惡之事并憂苦境像皆上  
念時作惡泣說離別囑付後事如此者一年眾作心痛治  
之自覺氣自下衝上雖久病人却不瘦予曰此肝受病遂  
與防風通聖散吐之時尚春寒於通聖中加桂入姜汁調  
之日三四次至初夏稍熱與當歸龍膽丸枳朮丸一月而  
愈

運氣

運氣腹痛有二

一曰土盛攻腎而痛經云歲土太過雨濕流行腎水受邪

雜方

民病腹痛清厥意不樂是也

二曰火鬱之發痛經云火鬱之發民病腹中暴痛是也

世鹽炒熱用布裹熨痛處神効

丹攪腸沙用台芎為末每一錢許入生姜自然汁半盞熱

湯內調服 又方樟木煎湯大吐之或用白礬末一錢清

湯調服探吐之或鹽湯探吐之亦可

世治發沙面青肚疼昏倒不省人事急以鼠屎一合研為

細末滾湯調令通口澄清服之一服而安神効宜預收下

刺灸腹痛有四法

其一取脾胃經云邪在脾胃陽氣不足陰氣有餘則寒中

腸鳴腹痛皆調于三里又云足太陰之别名曰公孫去本

節之後一寸實則腹中切痛取之所別也又云腹痛刺臍

左右動脈已刺按之立已不已刺氣衝已刺按之立已

針灸

也

其二取大腸經云大腸病者腸中切痛而鳴濯濯感于寒即泄當臍而痛取巨虛上廉是也

其三取督脈經云腎虛則胃中痛大腹小腹痛清厥意不樂取其經少陰太陽血者是也

其四取任脈經曰任脈之別名曰尾翳下鳩尾散于腹實則腹皮痛取之所別也

世治絞腸痧症手足厥冷腹痛不可忍者以手蘸溫水於病者膝灣內拍打有紫黑處以針刺去惡血即愈

玉腹痛并治氣塊 內關 支溝 照海

撮氣痛并治積痛食不化 氣海一寸半灸五十壯 中脘二寸半灸

隱白二分瀉之灸七壯

桑又法 巨闕 足三間 怪穴 腹痛腸鳴 氣衝在海旁

各一寸半針入二寸半灸五十壯

世臍腹痛 陰陵泉 太衝 三里 支溝不已取穴 中

腕 關元 天樞 繞臍痛 公孫 三陰交 陰谷

東胃腕暴痛臍中堅痛 石門 商丘 陰谷 大腸俞

膈俞

甲腹中寒疼外陵主之 大腸寒中千金作寒痲 大便乾腹中

切痛者盲輸主之 繞臍痛搶心 膝寒注利腹結主之

仲夫瘦人繞臍痛必有風冷穀氣不行而反下之其氣必

衝不衝者心下則痞也

脈若腹痛脈反浮大而長者死重痛脈浮大無妨

心腹痛痛不得息脈細小遲者生 堅大疾者死有積脈堅大無妨

胎前腹痛

仲婦人懷胎腹中諸疾痛當歸芍藥散主之

虛

診

當歸三兩

芍藥一斤

茯苓四兩

白朮四兩

澤瀉半斤

芎藭半斤一作三兩

右六味杵為散取方寸匕酒和三日服

潔地黃當歸湯治婦人有孕胎痛

當歸一兩

熟地二兩

右為末作一服水三升煎至一升半去查頓服之

仲婦人腹中痛小建中湯主之方見虛勞

雲芎歸湯治妊娠先患冷氣忽心腹痛如刀刺

川芎

人參

茯苓

桔梗

吳茱萸

當歸各一兩

厚朴制

芍藥各二兩

右咬咀以水九升煎取三升分三服氣下即安

丹孫院君因近喪冒惡氣傷胎肚痛手不可近發熱口中

不思食須安胎散滯氣

熱

寒

青皮三錢

黃芩

芍藥各二錢

歸尾半斤

川芎一錢

木香五分

甘草少

分二貼水三盞先煎芎根二大片至二盞去芎根入前

藥同煎至一盞熱服

大治妊娠腹痛用生地黃三斤搗汁酒一升合煎減半頓

服愈

診

脉師曰婦人有胎腹痛其人不安若胎病不動欲知生死令人摸之如覆杯者則男如肘頸參差起者女也冷在何面冷者為死温者為生

產後腹痛

敗血挾

大黑神散治產後惡露不盡心胃痞滿臍腹撮痛汚血諸

疾方見婦人產後

丹產後三日血塊痛發熱

挾熱

五靈脂炒

牡丹皮

沒藥

滑石

揆虛

右研細分五貼豆淋酒下之食前

馮宅產後發熱腹中痛有塊自汗惡寒曾服黑神散

白朮

芍藥三錢

滑石五錢

黃芩二錢半

牡丹皮二錢半

人參

川芎

歸尾

陳皮

荊芥各一錢

乾姜一錢

甘草些

汚血清之

雲捲荷散治產後血上衝心血刺血暈腹痛惡露不快

初出捲荷 紅花

當歸各二兩

蒲黃炒

牡丹皮各半兩

右為細末每服三錢空心溫酒調下一碗或用童便調

下妙

大治血瘕痛無定處

童便三升

生地汁

生藕汁各一升

生姜汁二升

右先煎三味約三分減二次下姜汁慢火煎如稀錫每取一合溫酒調下

治兒枕痛乃血瘕也用真蒲黃研細調服二錢如燥渴者用新汲水調下

重劑

丹治產後兒枕大痛黑白散

烏金石醋煨七次另研

寒水石煨存性為末

右各收之服時各抄一錢半米飲調下痛止勿服未止

再服

輕劑

海四物加玄胡沒藥白芷湯治產後敗血作痛方見婦人門

四物苦練湯方見腹痛一方治臍下痛不可忍四物湯加玄

胡索二錢半服之

大紫金丸治產後臍下痛即失笑散醋為丸是也五靈脂等分醋丸服

立効散治產枕痛不可忍用五靈脂慢火炒令乾為末二錢温酒下立瘥產枕即血枕也

丹產後惡露未盡小腹作痛

五靈脂 香附末 右合和醋為丸甚者入留尖桃仁一方加粉

大治產後血不盡血痛悶方取敗荷葉燒作灰暖水和服

煮汁服亦良 又方取亂髮如雞子大灰汁洗淨燒為末

酒調服二錢 治產後血瘦腹痛及喉痺熱因寒用鐵稱

錘煨令通赤焯酒中候温飲之丹溪法用焯醋中使臭聞其氣妙

仲產婦脇痛法當以枳實芍藥散假令不愈者此為腹中

有乾血着臍下宜下瘀血湯主之亦主經水不利

大黃兩 桃仁二十枚 蜚虫二十箇

右三味為末煉蜜和為四丸以酒一升煎一丸取八合

案刻

頓服之新血下如豚肝

雲又方療產後血結下不盡腹中絞痛不止

大黃另浸 生地 當歸各二兩半 川芎

芍藥 桂心各一兩 甘草 黃芩各二兩

桃仁四十九箇制

右切細以水七升煮取二升半大黃更煎一二沸分三

服

桂心丸治產後血氣不散積聚成塊上攻心腹或成寒熱

四肢羸瘦頭痛

青皮 乾漆炒烟尽 沒藥 檳榔

當歸 桂心 赤芍 牡丹皮各五錢

大黃 桃仁夫皮 鱉甲炙 厚朴制

三稜煨 玄胡索各一兩

右為細末煉蜜丸如桐子大每服三四十九溫酒下  
保治血暈血結或聚於胃中或偏於小腹或連於脇肋四  
物湯四兩倍當歸川芎加鬼箭紅花玄胡各一兩同為粗  
末加四物煎調沒藥散服之

蛭虫一錢去翅足炒水蛭一錢炒麝香少沒藥

右為末入前藥調服血下痛止只服一服

仲產後腹中疼痛當歸生姜羊肉湯主之方見產後血弱

虛寒

衍一婦人產當寒月寒氣入產門臍下脹滿手不得犯此  
寒疝也醫將治之以抵當湯調其有瘀血也予教之曰非  
其治也可服張仲景羊肉湯少減作二服遂愈  
仲內補當歸建中湯治婦人產後虛羸不足腹中刺痛不  
止吸吸少氣或苦少腹中急痛引腰背不能飲食產後一  
月日得服四五劑為善令人強壯

當歸兩四桂枝兩三芍藥兩六生姜兩三

甘草兩二大棗枚十二

右六味以水一斗煮取三升分溫三服一日令盡若大  
虛加飴糖六兩湯成內於火上煖令飴消若去血過多  
崩傷內衄不止加地黃六兩阿膠二兩合八味湯成內  
阿膠服之

雲產後六七日忽然臍腹痛皆因呼吸冷氣乘虛入客於  
血分宜服當歸建中湯上方見

大獨聖湯治產後腹痛當歸為末每服二錢水一盞煎至  
七分溫服

雲治產後惡物不盡腹內疼痛產後常服此妙  
生地當歸並畧炒各一兩生姜五錢細切新瓦炒令焦黑

右為細末姜酒調二錢服

大治產後血塊痛

熟地一斤 陳生姜半斤

右拌勻同炒乾為末每服一錢酒調產後以烏梅湯下之

實 仰產後腹痛滿不得便以枳實芍藥散主之

枳實燒令黑勿太過 芍藥研末

右二味杵為散服方寸七日三服并主癰膿以麥粥下之

產後腹痛服枳實芍藥散不愈者宜下瘀血湯主之方見條

仲產後七八日無太陽症少腹堅痛此惡露不盡不大便煩燥發熱日晡時煩燥者不食食則讞語至夜即愈宜大承湯主之熱在裏結在膀胱也大承氣湯方見傷寒

雜方 山兒枕痛用隔年蟹壳燒灰酒下

藥忌

丹局方五積散治產後餘血作痛以蒼朮為君麻黃為臣厚朴枳實為使雖有當歸芍藥之補血僅及蒼朮三分之一不思產後之婦有何寒邪血氣未充似難發汗借曰藥性溫和可以推陳致新豈可用麻黃之悍附以蒼朮枳朴之散乎虛而又虛禍不旋踵矣

針灸 產後血塊痛三陰交氣海宜灸之

腸鳴

寒熱

垣如胃寒泄瀉腸鳴於升陽除濕湯加益智仁五分半夏五分生姜棗子和煎升陽除濕湯方見泄瀉

虛實

丹腹中水鳴乃火擊動其水也二陳湯加苓連梔子腹中鳴者病本於胃也全文見水腫 腸鳴多屬脾胃虛一男子腸鳴食少臍下有塊耕動若得下氣多乃已已則復鳴醫

用踈氣藥與服半年不効予用參朮為君甘草連參枳乾  
姜為臣一貼腸鳴止食進又每服吞厚朴紅苧丸其氣耕  
亦平經云脾胃虛則腸鳴腹滿又云中氣不足腸為之苦  
鳴此之謂也

肺移寒於腎為涌水涌水者按之腹不堅水氣客於大腸  
疾行則鳴濯濯如囊裹水漿之聲也全文見疹

河葶藶丸治涌水疾行則腹鳴如囊裹水漿之聲

葶藶隔紙

澤瀉

椒目

桑白皮

杏仁

猪苓

去黑皮

右為末煉蜜丸桐子大每二十九葱白湯下不拘時以  
利為度

運氣  
運氣腸鳴有二

一曰土發經云土鬱之發腸鳴而為數後是也

二曰熱勝經云少陰在泉熱淫所勝病腹中腸鳴

胃治以鹹寒是也

針灸

針灸腸鳴有三法

其一補脾經云脾虛則腹滿腸鳴殮泄食不化取其經太  
陰陽明少陰血者是也

其二補足太陽經云中氣不足腸為之苦鳴補足外踝下  
留之五分申脉穴也

其三取太陽經云腸中雷鳴氣上衝胃邪在大腸刺盲之  
原巨虛上廉三里是也

甲腹中常鳴時上衝心灸臍下 腹中腸鳴盈盈然食不

化脇痛不得臥煩熱泄糜不嗜食胃脇痞滿喘息而衝鬲  
嘔心痛及傷飽身黃骨瘦羸章門主之 腸鳴相逐不可

傾倒承滿主之 腸鳴而痛温留主之 飲食不下腹中

雷鳴大便不節小便赤黃陽綱主之

嘔吐膈氣總論

大法  
焦吐分三  
潔論曰吐有三氣積寒也皆從三焦論之上焦在胃口上  
通天氣主內而不出中焦在中脘上通天氣下通地氣主  
腐熟水穀下焦在臍下下通地氣主出而不納是故上焦  
吐者皆從於氣氣者天之陽也其脈浮而洪其症食已暴  
吐渴欲飲水大便燥結氣上衝胃而發痛其治當降氣和  
中中焦吐者皆從於積有陰有陽食與氣相假為積而痛  
其脈浮而弦其症或先痛而後吐或先吐而後痛治法當  
以小毒藥去其積檳榔木香和其氣下焦吐者皆從于寒  
地道也其脈大而遲其症朝食暮吐暮食朝吐小便清利  
大便秘而不通治法宜毒藥通其閉塞溫其寒氣大便漸  
通復以中焦藥和之不令大腑結閉而自安也

右潔古論三焦吐其說蓋本於黃帝所謂氣為上膈食  
飲入而還出為下膈食晬時乃反出之其上焦食已暴  
吐者今世謂之嘔吐也中下二焦朝食暮吐暮食朝吐  
者今世謂之膈氣反胃也分嘔吐膈氣為二門

- 嘔吐 吐 乾嘔 惡心 嘔苦水 吐酸吞酸
- 嘔吐清水 嘔沫 嘔膿 嘔吐虫 吐利

關格

嘔吐噦  
分三陽

垣夫嘔吐噦者俱屬於胃胃者總司也以其氣血多少為  
異耳且如嘔者陽明也陽明多血多氣故有聲有物氣血  
俱病也仲景云嘔多雖有陽明症慎不可下孫真人云嘔  
家多服生姜乃嘔吐之聖藥也氣逆者必散之故以生姜  
為主吐者太陽也太陽多血少氣故有物無聲乃血病也  
有食入則吐有食已則吐以陳皮去白主之噦者少陽也

少陽多氣少血故有聲無物乃氣病也以姜製半夏為主故宋奉議治嘔吐噦以生姜半夏陳皮之類是也究其三者之源皆因其脾虛弱或因寒氣客胃加之飲食所傷而致也宜以丁香藿香半夏茯苓陳皮生姜之類主之按噦實指吃逆今先賢候釋為乾嘔者非也若但有內傷而有此疾宜察其虛實使內消之痰飲者必下之當分其經對證用藥不可亂也

嘔有物  
嘔有聲

表實者  
辛寫

仲諸嘔吐穀不得下者小半夏湯主之

嘔家本渴渴者為欲解今反不渴心下有支飲故也小半夏湯主之用半夏一升生姜半斤以水七升煮取一升半分溫再服

卒嘔吐心下痞腸閉有水眩悸者小半夏加茯苓湯主之

半夏升

生姜半斤

茯苓三兩  
法四兩

右三味以水七升煮取一升半分溫再服

陳皮湯治嘔方見乾嘔

孫治嘔吐以白檳榔一枚煨陳皮十分炙剉為末水一盞煎半盞服之

煎半盞服之

右姜半橘治嘔吐必用之聖藥然東垣云辛藥生姜之類治嘔吐但治上焦氣壅表實之病若胃虛穀氣不行

胃中閉塞而嘔者惟宜益胃推揚穀氣而已勿作表實用辛藥瀉之

胃反嘔吐者大半夏湯主之服前小半夏湯諸湯不愈者服此立愈

半夏二升洗人參三兩白蜜一升

完用

右三味以水一斗三升和蜜揚之二百四十遍煮藥取

三升溫服一升餘分再服

李絳療反胃嘔吐無常粥飲入口即吐困倦無力垂死者

胃虛者  
甘益

以上黨人參三大兩，破水一大升，煮取四合，熱頓服。  
丹久病嘔者，胃虛不納穀也。

生姜

人參

黃芪

白朮

香附

胃虛有寒嘔吐者，東垣丁香茱萸湯。仲景理中湯皆益胃推揚穀氣之劑也。方見寒條

大便不通者利之

垣若陰虛邪氣逆上，窒塞嘔噦不足之病，此地道不通也。

正當用生地黃、當歸、桃仁、紅花之類，和血涼血，潤血兼用。

甘草以補其氣，微加大黃、芒硝以通其閉，大便利，邪氣去，則氣逆嘔噦自不見矣。

穀氣久虛者，食飲和之

復有胃中虛熱，穀氣久虛發而為嘔噦者，但得五穀之陰以和之，則嘔噦自止。五穀皆屬

飲白湯或喜涼者，飲凉水皆能止嘔噦，不必用藥也。

仲嘔而腸鳴，心下痞者，半夏瀉心湯主之。方見傷寒

寒

垣加減二陳湯治痰飲為患，或嘔噦惡心，或頭眩心悸，或

中脘不快，或發為寒熱，或因食生冷，脾胃不和，並宜治之。

丁香兩

半夏兩

陳皮兩

茯苓兩

甘草兩

右咬咀，每服四錢水一盞，半生姜三片，烏梅一箇，同煎。

至七分，去渣，熱服。無時或治痰痞，加草薢、麩、裹煨熟。

一兩半

藿香安胃散治脾胃虛弱，不飲食嘔吐不時。

藿香錢

丁香錢

人參錢

橘紅錢

右件四味為細末，每服二錢水二盞，生姜三片，同煎至

一盞，去渣服食前。

垣丁香吳茱萸湯治嘔吐噦胃寒所致。

丁香分

吳茱萸

草薢

人參錢

甘草五分

黃芩錢一

柴胡五分

升麻七分

茯苓五分

當歸錢半

蒼木錢一

半夏五分

乾姜五分

右為細末每服半兩水二盞煎至一盞去查熱服食前

忌冷物

世藿香平胃散治嘔吐不止

藿香兩一

半夏兩二

陳皮去白兩二

厚朴製一兩

蒼木三兩

甘草兩二

右為粗末每服五錢水一盞半生姜三片棗三枚同煎

去查溫服

羅紅荳丸諸藥不愈者神效方見膈氣寒條

杜安業坊有閻氏家老婦人患嘔吐請石秀才醫曰胃冷

而嘔下理中丸至百餘丸其病不愈石疑此患乃杜至曰

藥病正相投何必多疑石曰何故藥相投而病不愈

寒氣甚藥力未及更進五十九丸必愈如其言果愈石於是

師法於杜

海理中湯加減例

理中湯方甘草人參白朮乾姜各等分

若為寒氣濕氣所中者附子一兩名附子理中湯 若

霍亂吐瀉者加橘紅青橘皮各一兩名治中湯 若乾

霍亂心腹作痛先吃鹽湯少許頓服嘔吐出令透即進

此藥 若嘔吐者於治中湯內加丁香半夏一兩生姜

十片 若泄瀉者加橘紅茯苓各一兩名補中湯 若

泄瀉不已者於補中湯內加附子一兩不喜飲食水穀

不化者再加炒砂仁一兩共成八味 若霍亂吐下心

腹作痛手足逆冷於本方中去白朮加熟附名四順湯

若傷寒結胸先以桔梗枳殼等分煎服不愈者及吐

利後胸痞欲絕心膈高起急痛手不可近者加枳實茯苓各一兩名枳實理中湯若渴者但於枳實理中湯內加瓜蒌根一兩若霍亂後轉筋者理中湯內加石膏一兩煨若臍下築者腎氣動也去朮加官桂一兩腎惡燥故去朮恐作奔豚故加官桂若悸多者加茯苓一兩若渴欲飲水者加朮半兩若苦寒者加乾姜五錢若腹滿者去白朮加附子一兩若飲酒過多及啖炙煖熱食發為鼻衄者加川芎一兩若傷胃吐血以此藥能理中脘分利陰陽安定血脈只用本方若中附子毒者亦用此方或止用甘草生姜等分煎服或以烏頭煎湯解之

仲嘔而胃滿者吳茱萸湯主之方見傷寒吐嘔而脈弱小便

復利身有微熱見厥逆者四逆湯主之方見傷寒下利

熱

杜士普侍郎病嘔飲食皆不得進召孫數日亦不愈後復召杜杜曰治嘔愈嘔此胃風也遂用川烏一兩淨洗去皮臍不去尖以漿水一碗煮乾每箇作兩片復用漿水一碗煮盡更作四片每細嚼一片以少溫水下少頃嘔遂止痛既少息杜遂問曰尋常好吃何物曰好吃甘甜味杜曰是甘甜味乃膏粱之物積久成熱因而生風非一朝一夕之故也王服其說

痛而嘔為寒經云寒氣客於腸胃厥逆上出故痛而嘔者是也

丹嘔吐胃中有熱膈上有痰二陳湯加炒梔子黃連生姜主之此方累試效

仲嘔而發熱者小柴胡湯主之方見往來寒熱潔用小柴胡湯加青黛以姜汁打糊為丸名青鎮丸治嘔

吐脈弦頭痛蓋本諸此  
本治胃熱嘔以竹茹湯

乾葛錢三 甘草錢二 半夏三錢姜汁半盞漿水一升黃芩半

右末每服五錢水一盞姜三片竹茹一彈大棗一枚同煎至一盞去渣溫服

有熱者手足心熱政和年有京人病傷寒得汗身涼數日忽嘔吐藥與飲食俱不下醫者皆進丁香藿香滑石等藥下咽即吐予曰此正汗後餘熱留胃腕孫兆竹茹湯正相當爾治藥與之即時愈良方中槐花散亦相應

定嘔吐利膈枇杷散

枇杷葉去毛味苦平下氣 人參各一錢 茯苓錢五

茅根兩二 半夏錢一

右細剉每服四錢水一盞半生姜七片慢火煎至七分

去渣入椀榔末五分和勻服之

仲嘔吐而病在膈上後思水解急與之思水者猪苓散主之

猪苓 茯苓 白朮各等分

右三味杵為散飲服方寸七日三服

仲景云嘔吐思水解者急與之予長男每嘔水三二碗諸藥不効但吃井花水一口即住用白朮茯苓湯服愈信知先賢不誣也

本治卒嘔吐不止不欲食煮枇杷葉汁飲之止渴偏理嘔

丹婦人月經時口渴吃水多心痛善嘔不食

白朮錢二 陳皮錢二 山梔炒 木通

黃芩各一錢 炙甘草些

汚血

分二貼水二盞煎小盞入姜汁熱飲之

丁香

辰砂另研各六分五靈脂錢一

右香脂先研末後入砂再研勻用狗膽或猪膽丸如雞

頭大每服一九生薑陳皮湯磨下

臟腑

諸痿喘嘔皆屬於上全文見診

素太陰所謂食則嘔者物盛滿而上溢故嘔脉解篇

辛散

辛散逆氣諸方用姜半橘之類並見上卷條

苦泄

廣治嘔逆不能食訶黎勒皮二兩去核搗為末煉蜜和丸

椀子大空心服二十九日二服

酸收

食木瓜主嘔哕風氣又吐而轉筋煮木瓜汁飲之甚良

吐脚氣

世若病人直患嘔吐而復脚弱或疼乃是脚氣當作脚氣治之

運氣

運氣嘔吐有四

一曰火熱經云少陰司天熱氣下臨嘔逆躁煩又云少陽所至為嘔涌又云少陽之復嘔逆又云火鬱之發嘔逆治以鹹寒甘寒是也

二曰風經云厥陰在泉風淫所勝病食則嘔又云厥陰司天風淫所勝食則嘔又云厥陰之勝甚則嘔又云厥陰之復嘔吐飲食不入入而復出甚則入脾食痺而吐治以辛涼甘清酸清是也

三曰風火經云少陽司天之政風熱參布民病嘔吐二之氣病熱鬱於上欬逆嘔吐三之氣民病嘔又云太陽司天之政初之氣病見熱頭痛嘔吐治以酸寒辛寒鹹寒是也  
四曰濕經云陽明司天之政初之氣其病嘔又云土鬱之發甚則心痛脚腫嘔吐是也

針灸

鍼灸嘔吐取法有二

其一取脾經云脾足太陰之脈是動則病食則嘔視盛虛熱寒陷下取之也

其二取肝經云肝足厥陰之脈所生病者胃滿嘔逆視盛虛熱寒陷下取之也

潔嘔盛無度并乾嘔 太陵 間使

扁嘔逆 中腕 尺澤

摘胃中痰飲霍亂驚悸腹脹暴痛恍惚吐逆不食 巨闕

六分三里愈

肝脈緩為善嘔 全文見診虛實法

禁忌

垣孫真人言生姜為嘔家聖藥調上焦氣壅表實之病而言非以瀉氣而言之也若脾胃虛弱穀氣不行榮衛下流是中氣不利清氣津液不上胃中閉塞氣道不開亦令人

歲惟宜益胃推揚穀氣而已勿作外實以辛藥生薑之瀉其壅滯及妄以瀉氣瀉血藥下之則轉增閉塞疼痛或變作結胸復下其膈由此致危者多矣蓋氣已虛而反瀉之是重瀉其氣必胸中如刀削之痛與正結胃無異可不慎哉

丹嘔吐煎藥忌瓜萹杏仁桃仁蘿蔔子山梔皆要作吐丸藥中帶香藥行散不妨 注船大吐渴飲水者即死童便最好

吐 有物無声

上焦熱

潔治上焦氣熱上衝食已暴吐脈浮而洪宜先降氣和中

桔梗湯

桔梗 半兩

白朮 半兩

半夏 二兩

陳皮 白去

枳實 炒

茯苓

厚朴 各一兩

右粗末每服一兩水一盞煎至七分取清溫調木香散二錢隔夜空腹服之三服後氣漸下吐漸去然後去木香散加芍藥二兩黃芪一兩半同煎服之病愈則止如大腑燥結食不盡下以大承氣湯去硝微下之少利為度再服前藥補之如大便復結又依前微下之

木香散 木香 檳榔等分

右為細末同煎藥調下

保治暴吐上焦氣熱所衝也經曰諸嘔吐酸暴注下迫皆屬于火脈洪而浮者荆黃湯主之

荆芥兩 人參五錢 甘草二錢 大黃二錢

右粗末作一服水二盞煎至一盞去查調檳榔散二錢空心服之

檳榔散

檳榔一錢 木香半錢 輕粉少許

右為細末同煎藥下如丸亦用水浸蒸餅為丸如小荳大每服二十九食後服

李絳獨參湯治嘔吐胃弱欲死方見嘔胃虛條

仲大黃甘草湯治食已即吐又治吐水

大黃兩 甘草一兩

右二味以水三升煮取一升分溫再服

肝葉脾 繫金花丸治吐食而脈弦者由肝勝于脾而吐乃由脾胃之虛宜治風安胃

半夏湯洗一兩 檳榔二錢 雄黃半錢

右細末姜汁浸蒸餅為丸如桐子大小兒另丸姜湯下從少至多漸次服之以吐止為度風痰羈絆于脾故飲食不下

治吐頭痛有汗脈弦青鎮丸主之

柴胡

黃芩

甘草

半夏

青黛

人參

右細末姜汁浸蒸餅丸桐子大每服五十九姜湯食後

下

仲胃反吐而渴欲飲水者茯苓澤瀉湯主之

茯苓

澤瀉

甘草

桂枝

白朮

生姜

右六味以水一斗煮取三升內澤瀉再煮取二升半温

服八合一日三服

本食即吐欲作反胃白朮散

澤瀉

白朮

茯苓

右為末每服一錢湯調温服

乃血

經治丈夫婦人吐逆連日不止粥食湯藥不能下者可以

五靈脂不夾土石揀精好者不計多少搗細末研狗膽汁

和為丸如雞頭大每服一丸煎熟生姜酒磨細更以少生

姜酒化下凡湯藥令極熱須是先做下粥温熱得所左手

與患人藥吃不得嗽口右手急將粥與患人吃不令太多

雜方

碧霞丸治吐逆立効黃丹四兩篩過用好米醋半升同藥

入銚內煎乾却用炭火三稱就銚內煨透紅冷取研細為

末用粟米飯丸如桐子大煎醇湯下七丸不嚼只一服

運氣

運氣吐皆屬風木經云厥陰之復甚則入脾食痺而吐又

云歲木太過風氣流行民病脇痛吐食治以酸清之類是

也

灸刺見前灸刺嘔吐條

脈陽緊陰數其人食已即吐陽浮而數亦為吐 寸緊尺

瀉其人胸滿不能食而吐寸口脈數其人則吐寸口脈細而數數則為熱細則為寒數為嘔吐仲問曰病人脈數數為熱當消穀引食而反吐者何也師曰以發其汗令陽微膈氣虛脈乃數數為客熱不能消穀胃中虛冷故吐也

乾嘔無物有走

仲乾嘔噦若手足厥者陳皮湯主之

陳皮兩四

生姜斤半

右二味以水七升煮取三升溫服一升下咽即愈

熱者日緩

肘主卒乾嘔不息取甘蕉汁溫服半升日三又以生姜汁一升服並瘥治卒乾嘔不息搗葛根絞取汁服一升瘥

本草云生葛根汁大寒

惡心欲吐不吐

濕痰

丹惡心有熱有痰皆用生姜隨証用藥

仲病人胃中似喘不喘似嘔不嘔似噦不噦徹心中憤懣然無奈者生姜半夏湯主之

半夏斤半

生姜升一

右二味以水三升煮半夏取二升內生姜汁煮取二升半少分四服日三夜一服止停後服

風痰

垣茯苓半夏湯治胃氣虛弱身重有痰惡心欲吐是邪氣羈絆於脾胃之間當先實其脾胃

炒麴錢三

大麥蘖半兩陳皮炒黃

天麻各二錢

白朮

白茯苓

半夏各一兩

右為粗末每服五錢水二盞生姜五片煎至一盞去查熱服

柴胡半夏湯治舊有風症不敢見風眼澁眼黑胷中有痰

惡心兀兀欲吐但遇風覺皮肉緊手足難舉動重如石若在暖室少出微汗其症隨減再遇風病復如是

半夏二錢

炒麴一錢

生姜三片

柴胡

升麻各五分

蒼木一錢

藁本五分

白茯苓七分

右為粗末只作一服水二盞煎至五沸去渣溫服

胃寒

張文仲治胃氣冷吃食即欲得吐以白荳蔻仁三枚搗篩更研細好酒一盞微溫調之併飲三兩盞佳

仲病人欲吐者不可下之

產後嘔

雲蒲黃散治產後三四日惡露不下嘔逆壯熱

芍藥二兩

知母二兩

生姜

當歸

蒲黃各二兩

紅花五錢

荷葉心中帶一箇

生地汁一盞

右咬咀水二升煎至一升去渣下蒲黃煎數沸空心分

三服

療產後嘔吐不止

橘紅一兩

半夏麴

甘草各五錢

藿香一兩

右為細末每服三錢姜三片水煎

大開胃散治產後胃氣不和嘔吐不止全不納飲食

訶子肉一兩

人參一兩

甘草半兩

右三味為細末別以半夏半分生姜一分葱白二七莖

水二大盞煎至六分去渣分為二服

嘔苦水

丹鄭宅如夫人清早嘔苦水脈濇而微起轉如常此胃弱

而上腕有濕也

黃芩七錢

滑石一兩

蒼木一兩

飛礬二兩

陳皮一兩

山查一兩

半夏一兩

桔梗五錢

針灸

炒芥五錢 姜水煎服

刺灸嘔苦獨取膽與胃經云善嘔嘔有苦長大息邪在膽逆在胃膽液泄則口苦胃氣逆則嘔苦故曰嘔取膽三里以下胃氣逆則刺少陽血絡以開膽逆卻調虛實以去其邪又云口苦嘔宿汁取陽陵泉是也

運氣

運氣嘔苦皆屬燥經云陽明在泉燥淫所勝病善嘔嘔有苦又云陽明之勝嘔苦治以苦溫辛溫是也

吐酸吞酸

丹溪治木之熱

丹或曰吞酸素問明以為熱東垣又以為寒何也予曰吐酸與吞酸不同吐酸是吐出酸水如醋平時津液隨上升之氣鬱積而成積成積既久濕中生熱故從木化遂作酸味非熱而何其有鬱積之久不能自涌而出伏於肺胃之間格不得上嚥不得下肌表得風寒則內熱愈鬱而酸味

刺心肌表溫暖腠理開發或得香熱湯九津液得行亦可暫解非寒而何素問言熱者言其本也東垣言寒者言其末也但東垣不言外得風寒而作收氣立說欲瀉肺金之實又謂寒藥不可治酸而用安胃湯加減二陳湯俱犯丁香且無治熱濕鬱積之法為未合經意予嘗治吞酸用黃連茱萸各製炒隨時令迭為佐使蒼朮茯苓為輔湯浸蒸餅為小丸吞之仍教以糲食蔬果自養則病易安 吞酸用吳茱萸順其性而折之此反佐之法也必須以炒黃連為君

咽醋丸

茱萸去枝梗半兩 煮曬乾 陳皮去白五錢 黃芩炒五錢  
蒼朮七錢 黃連一兩 細切用陳壁泥同炒  
右為細末麩糊丸桐子大

參萸丸可治吞酸不可治自利方見泄瀉

兵部手集治酸心每醋氣上攻如酸醋菜萸一合水三盞煎七分頓服總濃亦強服

梅治酸心枳榔四兩陳皮二兩細搗為末空心生蜜湯下方寸七

丹丈夫因外感涼氣與宿飲相搏心下酸感嘔清水後有紅

青皮錢三

黃芩錢半

人參錢二

紫蘇

木通

甘草

枳殼錢二

桔梗錢半

麻黃分五

東垣治未之寒

垣病機云諸嘔吐酸皆屬於熱辨云此上焦受外來客邪也胃氣不受外邪故嘔傷寒論云嘔家雖有陽明症不可攻之是未傳入裏三陰不受邪也亦可見此証在外也仲

以生姜半夏治之孫真人云嘔家多用生姜是嘔家聖

藥以禱病論之嘔吐酸水者甚則酸水浸其心不任其苦其次則吐出酸水令上下牙酸清不能相對以大辛熱劑

療之必減吐酸嘔出酸水也酸味者收氣也西方肺金旺也寒水乃金之子子能令母實故用大鹹熱之劑瀉其子

以辛熱為之佐以瀉肺之實以病機之法作熱攻之者悞矣蓋雜病醋心濁氣不降欲為中滿寒藥豈能治之乎

加減二陳湯 藿香安胃散二方並見前

濕飲

本予平生有二疾一則下血二則膈中停飲下血有時而止停飲則無時始因年少時夜坐為文左向伏几案是以

飲食多墜向左邊中夜以後稍困乏必飲酒二三盞既臥就枕又向左邊側睡氣壯盛時殊不覺三五年後覺酒止從左邊下漉漉有聲脇痛飲食外減十數日必嘔數升酸

水暑月止是右邊身有汗漿漿常潤左邊病處絕燥遍訪  
名醫及海上方服之少有驗者間或中病止得月餘復作  
其補如天雄附子礬石其利如牽牛甘遂大戟備嘗之矣  
予後揣度之已成癖囊如潦水之有科白不盈科不行水  
必盈科而行也清者可行濁者依前停蓄蓋下無路以出  
之也是以積之五七日必嘔而去稍寬數日復作脾土惡  
濕而水則流濕莫若燥脾以勝濕崇土以堆科白則疾當  
去矣於是悉屏諸藥一味服蒼朮三月而除自此後一向  
數年不吐不嘔胃膈寬飲啖如故暑月汗周體而身涼飲  
亦從中下前此飲漬其肝目亦多昏眩其後燈下能書細  
字皆蒼朮之力也其法蒼朮一斤去皮切末之用白芝蔴  
半兩水二盞研搗取汁大棗十五枚爛煮去皮核研以蔴  
汁勻研成稀膏搜和入相熟杵丸如桐子大乾之每日空

腹溫湯吞下五十丸加至一百丸二百丸忌桃李雀鴿初  
服時必膈微燥且以茅木製之覺燥甚再進山梔子散一  
服久之不燥也予服半年以後止用燥烈味極辛者削去  
皮不浸極有力亦自然不燥山梔散用山梔一味乾之爲  
末沸湯點服故知久坐不可伏向一邊時或運動亦調息  
之法

治酒癖停飲吐酸水乾姜丸 聖惠方

乾姜 葛根 枳殼 橘紅

前胡 各五錢 白朮 半夏 麩名一兩 茱萸

甘草 各一分

右細末煉蜜丸如桐子大每服三十丸用米飲服有効  
治中風痰涎飲眩暈嘔吐酸水頭痛惡心

半夏 二兩 南星 白附 各一兩

右並生為末滴水丸如桐子大以生麵裹衣陰乾每服十九至二十九生薑湯下

子和棠溪張鳳村一田叟姓楊其病嘔酸水十餘年本雷飲諸醫皆以燥劑治之中腕臍脘以火艾燔鍼刺之瘡未嘗合戴人以苦劑越之其涎如膠乃出二三升談笑而愈運氣吐酸皆屬於熱經云諸嘔吐酸皆屬於熱又云少陽之勝欲嘔嘔酸治以辛寒是也

針灸 東吐宿汁吞酸 章門 神元

嘔吐清水

濕飲 本一味蒼朮丸治嘔吐清水如神方見吐酸濕條

仲茯苓飲治心胃中有停痰宿水自吐出水後心胃間虛氣滿不能食消痰氣令能食

茯苓 人參 白朮各三兩 枳實二兩

陳皮五錢 生薑四兩

右六味水六升煮取一升八合分溫三服如人行八九里進之

丹盛兄兩手麻弦飲後嘔清水

神麴 蒼朮 香附各五錢 益元散兩

半夏七錢

右為末姜汁浸蒸餅為丸

仲渴欲飲水水入則吐者名曰水逆五苓散主之方見傷寒

丹施十年四十因灸艾火太多病腸內下血糞肚痛今痛

自止善嘔清水食不下宜清胃口之熱

黃芩五分 陳皮 地黃各一錢 白朮半錢

連翹半錢 升草 茯苓五分 生薑三片

子治痰飲水吐無時節者其源因冷飲過度遂令脾胃氣

運氣

羸不能消於飲食飲食入胃則皆變成冷水反吐不停皆赤石脂散主之赤石脂一斤搗篩服方寸匕酒飲時稍加至三七服盡一斤終身不吐痰水又不下痢補五臟令人肥健有人痰飲服藥不愈用此方愈

運氣嘔吐清水有二  
一曰濕經云太陰之復嘔而密默唾吐清液治以甘熱是也

二曰寒經云諸病水液澄澈清冷皆屬於寒是也

寒

嘔沫

仲乾嘔吐逆吐涎沫半夏乾姜散主之

半夏

乾姜各等分

右二味杵為散取方寸匕漿水一升半煎取七合頓服之

乾嘔吐涎沫頭痛者吳茱萸湯主之方別傷寒

婦人吐涎沫醫反下之心下即痞當先治其吐涎沫小青

針灸

龍湯主之涎沫止乃治痞瀉心湯主之

刺灸嘔沫獨取手太陰經云手太陰厥逆虛滿而欬善嘔

沫治主病者是也

診

脾脈微急為膈中食飲入而還出後沃沫全文見虛實法經云急者多寒

嘔膿

仲嘔家有癰膿不可治嘔膿盡自愈

嘔吐虫

雜方

丹吐虫黑錫炒成灰楝末米飲調下

仲虢厥者當吐虢今病者靜而復時煩此為臟寒虢上入

膈故煩須更復止得食而嘔又煩者虢聞食臭出其人當

自吐虢 虢厥者烏梅丸主之又主痢方見傷寒厥陰論

針灸

診

刺灸嘔虫獨取胃經云胃欬之狀欬而嘔嘔甚則長虫出取胃三里是也  
脈關上脈微浮積熱在胃中嘔吐或虫心健忘  
仲病人有寒復發汗胃中冷必吐或

吐利

寒

濕熱

成無已云若止嘔吐而利經云謂之吐利是也上吐下利躁擾煩亂乃謂之霍亂其與但稱吐利者有異也蓋暴於旦夕者為霍亂可數日久者為吐利今以暴為霍亂者寓於傷寒吐利門徐而日久者入此門  
海上吐下瀉不止當渴而反不渴脈微細而弱者理中湯主之傷寒方見  
丹泄瀉或嘔吐六一散生姜汁湯調  
丈夫因辛苦發熱腰腳痛吐瀉交作

白朮

柴胡半錢

人參錢一

甘草分五

水通

脈心乘肝必吐利

運氣吐利有二

一曰風水經云厥陰所至為嘔泄又云木太過曰發生發生之紀上徵則氣逆其病吐利是也

二曰寒水經云水太過曰流衍流衍之紀其動漂泄沃涌是也漂泄謂泄利沃涌謂吐沫也

欬嘔腹痛且發泄其脈絕是逆也全文見診生死

仲乾嘔而利者黃芩加半夏生姜湯主之

黃芩兩二

甘草兩一

芍藥兩三

半夏兩一

生姜兩四

大棗兩二十

右六味以水一斗煮取三升去滓溫服一升日再夜一

服

黃芩湯治乾嘔下利

黃芩二兩

人參

乾姜各三兩

桂枝一兩

大棗十二箇

半夏半兩

右六味以水七升煮取三升溫分三服

風痰

潔水煮金花丸治有痰而泄痢不止甚則嘔而欲吐利下而不能食由風痰羈絆脾胃之間

半夏一兩

天南星一兩

天麻半兩

寒水石一兩燒存性

雄黃半錢

白麵四兩

右為末滴水為丸桐子大每服百丸先煎漿水沸下藥

煮令浮為度漉出生姜湯下食前

關格

關者不得小便格者吐逆上下俱病者也

寒熱

難邪在六腑則陽脈不和陽脈不和則氣留之氣留之則

陽脈盛矣邪在五臟則陰脈不和陰脈不和則血留之血

留之則陰脈盛矣陰氣太盛則陽氣不得相營也故曰膈

陰盛陽不得營故寸口陽氣太盛則陰氣不得相營也故曰

關陽盛陰不得營故寸口陰陽俱盛不得相營也故曰關格

關格者不得盡其命而死矣三十

潔關則不得小便格則吐逆關者甚熱之氣格者甚寒之

氣是關無出之由故曰關也格無入之理故曰格也 寒

在胃中過絕不入熱在下焦填塞不便

雲陰陽易位病名關格胃膈上陽氣常在則熱為主病身

半已下陰氣常在則寒為主病寒反在胃中舌上白胎而

水漿不下故曰格格則吐逆熱在丹田小便不通故曰關

關則不得小便胃中有寒以熱藥治之丹田有熱以寒藥

治之若胃中寒熱兼有以主客之法治之治主當緩治客當急尺寸反者死陰陽交者死關格者不得盡其命而死矣

丹必用吐提其氣之橫格不必在出痰也 有痰以二陳湯吐之吐中便有降 一有中虛氣不運者補氣藥中升降之

孫奉職趙令儀女忽吐逆大小便不通煩亂四肢漸冷無脈凡一日半與大承氣湯一劑至夜半漸得大便通脈漸和翌日乃安此關格之病極為難治垂死而活者惟此一人耳

孫治大小便不通關格不利燒皂角細研粥飲下三錢立通

必關格脹滿大小便不通獨頭蒜燒熱去皮紙裹納下部

氣立通

仲寸口脈浮而大浮為虛大為實在尺為關在寸為格關則不得小便格則吐逆

脈下微本大者則為關格不通不得尿頭無汗者可治有汗者死成註云下微謂脈沉之而微也本大謂關後脈大也

膈氣 反胃 噎 咽喉噎塞 口開目瞪

辨惑

丹局方治氣一門有曰治一切氣冷氣滯氣逆氣上氣用安息香丸丁沉香丸大沉香丸蘇子丸勻氣散如神丸集香丸白沉香丸煨姜丸鹽煎散七氣散溫白丸生姜湯其治嘔吐膈噎也用五膈丸五膈寬中散膈氣散酒癥丸草荳蔻丸撞氣丸人參丁香散其治吞酸也用丁香煎丸小理中丸其治痰飲也用倍朮丸消飲丸溫中化痰丸五套丸

且於各方條下或曰口苦失味曰噫酸曰舌澁曰吐清水  
曰痞滿曰氣急曰脇下急痛曰五心中熱口爛生瘡皆是  
明言熱症何為悉用熱藥夫周流於人之一身以為主者  
氣也陽往則陰來陰往則陽來一升一降無有窮已苟內  
不傷於七情外不感於六淫其為氣也何病之有今日冷  
氣滯氣逆氣上氣皆是肺受火邪氣得炎上之化有升無  
降薰蒸清道甚而至於上焦不納中焦不化下焦不滲展  
轉變為嘔為吐為膈為噎為痰為飲為反胃為吞酸夫治  
寒以熱治熱以寒此正治之法也治熱用熱治寒用寒此  
反佐之法也許味前方既非正治又非反佐此愚之所以  
不能無疑也謹按原病式曰諸病嘔吐酸皆屬於熱諸積  
飲痞滿中膈皆屬於濕諸氣逆衝上嘔涌溢食不下皆屬  
於火諸堅痞腹滿急痛吐腥穢皆屬於寒深契仲景之意

金匱要畧曰胃痺病胃背痛括萆薢白湯主之胃痺心痛  
徹背背痛徹心瓜萆薢白半夏湯主之心下痞氣氣結在  
胃脇下上逆搶心者枳實薤白栝萆桂枝湯主之嘔而心  
下痞者半夏瀉心湯主之乾嘔而利者黃芩加半夏生姜  
湯主之諸嘔吐穀不得入者小半夏湯主之嘔吐病在膈  
上者猪苓湯主之胃反嘔吐者半夏參蜜湯主之食已即  
吐者大黃甘草湯主之胃反吐而渴者茯苓澤瀉湯主之  
吐後欲飲者文蛤湯主之病似嘔不嘔似噦不噦心中無  
奈者姜汁半夏湯主之乾嘔手足冷者陳皮湯主之噦逆  
者陳皮竹茹湯主之乾嘔下痢者黃芩湯主之氣衝上者  
皂莢丸主之上氣脈浮者厚朴麻黃湯主之上氣脈沉者  
澤瀉湯主之火逆上氣者麥門冬湯主之心下有痰飲胃  
脇支滿目眩茯苓桂朮湯主之短氣有微飲當從小便出

之宜茯苓桂朮甘草湯主之腎氣丸亦主之病者脈伏其人欲自利利者反快雖利心下續堅滿者此為留飲欲去故也甘遂半夏湯主之病懸飲者十棗湯主之病溢飲者當發其汗宜大青龍湯又宜小青龍湯主之心下有支飲其人苦冒眩澤瀉湯主之支飲胃滿者厚朴大黃湯主之支飲不得息葶藶大棗瀉肺湯主之嘔家本渴今反不渴心中有支飲故也小半夏湯主之卒嘔吐心下痞膈間有水眩悸者小半夏加茯苓湯主之假令瘦人臍下有悸者吐涎沫而頭眩此水也五苓散主之心胃有停痰宿水自吐出水後心胃間虛氣滿不能食消痰氣令能食茯苓飲主之先渴後嘔為水停心下此屬飲家半夏湯加茯苓主之觀其微意可表者汗之可下者利之滯者導之鬱者揚之熱者清之寒者溫之偏寒偏熱者反佐而行之挾濕者

淡以滲之挾虛者補而養之何嘗例用辛香燥熱之劑以火濟火實實虛虛咎將誰執或曰脈訣謂熱則生風冷生氣寒主收引今冷氣上衝矣氣逆矣氣滯矣非冷而何吾子引仲景之言而斥其非然則諸氣諸飲諸嘔吐反胃吞酸等病將無寒症耶予曰五臟各有火五志激之其火隨起若諸寒為病必須身犯寒氣口食寒物乃為病寒非若諸火病自內作所以氣之病寒者十無一二或曰其餘痰氣嘔吐吞酸噎膈反胃作熱作火論治於理可通若病人自言冷氣從下而上非冷而何予曰上升之氣自肝而出中挾相火自下而出其熱為甚自覺其冷非真冷也火極似水積熱之甚陽亢陰微故見此症冷生氣者出高陽生之謬言也若病果因於寒當以去寒之劑治之何至例用辛香燥熱為方不知權變寧不誤人或曰氣上升者皆用

黑錫丹養正丹養氣丹等藥以爲鎮墜然服之者隨手得  
効吾子以爲熱甚之病亦將有悞耶予曰相火之外又有  
臟腑厥陽之火五志之動各有火起相火者此經所謂一  
水不勝二火之火斯火也出於天造厥陽者此經所謂一  
水不勝五火之火出於人欲二者之火相扇而動氣之升  
也隨火炎上升而不降孰能禦之今借丹劑之重墜而降  
之氣鬱爲濕痰丹性熱燥濕痰被劫亦爲暫開所以清快  
丹毒積久偏助狂火陰血愈耗其升愈甚俗人喜溫迷而  
不悟被此禍者滔滔皆是或曰丹藥之重欲降而升然如  
之何則可予曰投以辛涼行以辛溫制伏肝邪治以鹹寒  
佐以甘溫收以苦甘和以甘淡補養陰血陽自相附陰陽  
比和何升之有先哲治法其則不遠吾不贅及或曰諸氣  
諸飲與夫嘔吐吞酸膈噎反胃等症局方未中肯綮我知

之矣然則要畧之方果足用乎抑猶有未發者乎予曰天  
地之氣化無窮人身之病亦變化無窮仲景之書載道者  
也醫之良者引例推類可謂無窮之用借令畧有加減修  
合終難踰越矩度夫氣之初病也其端甚微或因些小飲  
食不謹或外冒風雨寒暑或內感七情或食味過厚偏助  
陽氣積成膈熱或資稟素實表密無汗或性急易怒陰火  
炎上以致津液不行清濁相干氣爲之病或痞或痛或不  
思食或噎噫腐氣或吞酸或嘈雜或膨滿不求本原便認  
爲寒遽以辛香燥熱之劑投之數貼暫得快然以爲神方  
仍前厚味不節將理不謹舊疾被劫暫舒濁液易於攢聚  
或半月或一月前病復作如此延蔓自氣成積自積成痰  
此爲痰爲飲爲吞酸之由也良工未遇膠囊已行痰挾汚  
血遂成窠囊於是爲痞爲痛爲嘔爲噎反胃之次第諸

症隆起飲食湯液泥滯不行滲道寒瀆大便或秘或溏下  
失傳化中焦愈停醫者不察猶執爲冷翻思前藥隨手得  
快至此賓主皆恨藥欠燥熱顯俟久服脾可以溫胃可以  
壯以薰一旦豁然之効不思胃爲水穀之海多血多氣氣  
清和則能受脾爲消化之官氣清和則能運今得香熟之  
藥偏助氣血沸騰其始也胃液凝聚無所容受其久也脾  
氣耗散傳化漸遲其有胃熱易飢急於得食脾傷不磨鬱  
積成痛醫者猶曰虛而積寒非尋常草木可療妄以烏附  
助佐丹劑專意服餌積而久也血液俱耗胃脘乾槁其槁  
在上進咽之下水飲可行食物難入間或可入入亦不多  
名之曰噎其槁在下與胃爲近食雖可入難盡入胃良久  
復出名之曰膈亦曰反胃大便秘小若羊屎然名雖不同  
病出一軀要畧論飲有六曰痰飲懸飲溢飲支飲留飲伏

飲分別五臟諸證治法至矣盡矣第恨醫者不善處治病  
者不守禁忌遂使藥助病邪展轉深痼去生漸遠深可哀  
憫或曰千金諸方治膈噎反胃未嘗廢姜桂等劑何吾子  
之多言也予曰氣之鬱滯久留清道非借香熱不足以行  
然悉有大黃石膏竹茹芩硝澤瀉前胡枳殼茯苓黃芩蘆  
根瓜蒌等藥爲之佐使其始則同其終則異病邪易伏故  
易於安或曰胃脘乾槁者古方果可治乎將他有要捷之  
法或可補前人之未發者乎予曰古方用人參以補肺御  
米以解毒竹瀝以清痰乾姜以養血粟米以實胃蜜水以  
潤燥姜以去穢正是此意張雞峯亦曰噎當是神思間病  
惟內觀自養可以治之此言深中病情治法亦爲近理夫  
噎病主於血乾夫血者陰氣也陰主靜內外兩靜則臟腑  
之火不起而金水二氣有養陰血自生腸胃津液傳化合

宜何噎之有

翻胃

大法丹  
漢主潤

丹翻胃即膈噎大約有四血虛氣虛有熱有痰 治必用  
童便竹瀝韭汁牛羊乳姜汁氣虛入四君子湯血虛入四  
物湯加童便年少者四物湯清胃脘血血燥不潤故便瀯  
年高者不治治必用參朮茸關防氣虛胃虛 一中年婦  
人患反胃以四物湯加和白陳皮留尖桃仁生甘草酒紅  
花濃煎入驢尿以防其或生虫也與數十貼而安 台州  
一木匠年二十七勤於工作而性巧慧有一艾妻且喜酒  
病反胃者半載其面白其脉瀯而不勻重取則大而弱小  
便八九日方通一次糞皆燥結如羊屎甚羸之無力予謂  
精血耗竭也先與甘蔗汁煎六君子湯加附子大黃與之  
伺大便稍潤令謝去工作臥於牛家取新溫牛乳細飲之

每頓盡一盃一晝夜可五六次以漸而至七八次其餘

果粥飯皆不入口半月而大便潤月餘而安然或口乾蓋

酒毒未解間飲甘蔗汁少許近兩月而安矣 六君子湯謂  
人參茯苓白

米枳殼陳皮半夏  
各等分姜棗煎也 翻胃用韭汁二盞牛乳一盞生姜汁

半盞和勻溫服效 別有方  
見前

梅主反胃朝食暮吐旋旋吐者以甘蔗汁七升生姜汁一

升二味相和分為三服

丹杭州一男子四十餘歲患反胃兩月矣口乾而不喜飲

食有時不吐或吐則食物裹涎沫而出吐後胸膈方快其

脈俱瀯重則弦大蓋其壯年多服金石房中之藥所致時

正秋初尚熱遂令其多作竹瀝煮鶯粟米為粥代粥飯與

之每啜一二口而止卻帶溫頻頻與之自此不吐至旬日

稍涼以流水作稀粥入少竹瀝與之時間以四物湯加陳

皮益其血月餘而安

食主脾胃氣弱食不消化嘔逆反胃湯飲不下粟米半升

研粉水和丸如桐子大煮令熟點少鹽空心和汁吞下

世治番胃吞酸錫糖查六兩生姜四兩研細和為餅晒乾

每用餅十兩入甘草一兩為末湯調下陳彥正服得効

內經主瀉積

全文見陰陽

陽蓄積病苑而陽氣當隔隔者當瀉不亟正治粗乃敗之

寒積

隔則閉絕上下不通則暴憂之病也通評虛實論

半夏麴三錢

烏梅去核二錢

沉香一錢

杏仁去皮尖一錢

砂仁三錢

丁香二錢

檳榔二錢

木香一錢

陳皮五錢

白荳蔻五分

白木一錢

巴荳霜五分

右細末入巴荳霜令勻醋糊為丸如黍米大每服五

丸食後姜湯下愈則止小兒另丸 一法反胃吐食用

橘皮一箇浸少時去白裹生姜一塊麴裹帛封燒令熟

去外麵煎湯下紫沉丸一百丸一日二服後大便通至

不吐則止此主寒積氣病機有代礬石

垣厚朴丸主番胃吐逆飲食壹塞氣上衝心腹中諸疾其

藥味即與萬病紫苑丸同

厚朴

蜀椒去目微炒

川烏頭炮去皮各一兩半

紫苑去土

吳茱萸湯洗

葛蒲

柴胡去苗

桔梗

茯苓

官桂

皂角去皮

乾姜炮

人參各二兩

黃連二兩

巴荳霜半兩

右為細末入巴荳霜勻煉蜜為劑旋丸如桐子大每服三丸漸次加至五七丸以利為度生姜湯下食後而

臥此藥治効與局方溫白丸同及治處暑以後秋冬間  
下痢大効 春夏加黃連二兩 秋冬再加厚朴二兩 如  
治風於春秋所加黃連厚朴外更加菖蒲茯苓各一兩  
半 如治風痛不愈者依春秋加藥外更加人參菖蒲  
茯苓各一兩半 如心之積加菖蒲白茯苓為輔 如  
肝之積加柴胡蜀椒為輔 如肺之積加黃連人參為  
輔 如脾之積加茱萸乾姜為輔 秋冬久瀉不止加  
黃連茯苓

保反胃大便不通者是腸勝胃也服局方半硫丸三十九  
大府秘用後藥

附子錢五 巴豆仁二 硫磺一豆  
右末極細生薑糊丸菴荳大每服一丸白湯下  
治下焦吐食朝食暮吐暮食朝吐大便不通宜附子丸

附子炮五錢 砒研半錢 巴豆霜一錢  
右同研極細溶黃蠟為丸如桐子大每服一二丸冷水  
送下利為度利後更服紫菀丸常服一丸勿令再閉  
潔白木香散治寒積氣嘔吐腹中痛是無積也胃強而  
乾嘔有聲無物脾強而吐食持擊強是以腹中痛當以此  
藥和之

木香 <small>錢一</small>	白木 <small>兩半</small>	半夏 <small>麩兩</small>	檳榔 <small>錢二</small>
茯苓 <small>錢五</small>	甘草 <small>錢四</small>	丁香 <small>錢一</small>	

右為細末每服一二錢濃煎芍藥生薑湯調下有積者  
痛時手按之愈痛無積者按之不痛

白木散治胃中虛損及痰而吐者

半夏 <small>麩五分</small>	白木	木香	甘草 <small>各一兩</small>
檳榔 <small>半錢</small>	茯苓		

右為細末每服二錢食前姜湯下

羅十膈氣散專治十般膈氣冷膈風膈氣膈伏膈熱膈悲膈水膈食膈喜膈皆病源也並因憂驚冷熱不調又乖將息更於喜怒無時貪嗜飲食因而不化積滯在膈上腸鳴痰嗽歲月漸深心胃噎塞漸至羸瘦久若不除必成惡候

人參

白茯苓

官桂

枳殼

炙甘草

神麴炒

麥芽炒

廣茂炮

白朮

陳皮白

乾姜炮

京三稜煨

訶黎勒

煨去核已上各一兩

厚朴製

檳榔

木香

已上各五錢

右為極細末每服一錢鹽湯點服如覺脾胃不和腹脹心胃滿悶用水一盞生姜七片棗二枚鹽少許同煎至八分和查熱服空心食前

荳蔻散治五種膈氣

肉荳蔻

去皮五個

人參

厚朴製

赤茯苓

去皮

桂各半

甘草兩

檳榔五錢

訶黎勒

各半

陳皮

去白

郁李仁

湯泡

尖炒黃

半夏

湯洗了用生姜搗如泥堆新瓦上文武火焙黃五錢

右為極細末每服二錢入鹽少許如茶點服若人生姜棗同煎亦佳不拘時候能治氣補勞通血脈補脾胃去

痰實

熱積

本馱尿治反胃外臺載昔幼年經患此疾每食餅及羹粥等須臾吐出貞觀中許奉御兄弟及柴蔣等時稱名醫奉勅令治醫竭其術竟不能療漸至羸瘵死在朝夕忽有衛士云服馱小便極驗旦服二合後食唯吐一半晡時又服二合人定時食粥吐即便定後奏知大內中五六人患反

胃同服一時俱瘥此藥稍有毒服時不可過多盛取尿熱服二合病深者日服之良驗本草云馱尿治癩瘰反胃又云馱尿性冷味甘

世又方馱尿調平胃散平胃散見泄瀉

新瓦散治反胃用多年瓦一片燒紅入馱尿內焯廿一次

研為末倉米飯焦亦為末二分飯末一分瓦末蠟精和飯

丸以馱尿和平胃散服之吞下

丹番胃方

黃連細切姜汁煨炒三錢 山查肉錢一 保和末錢六

右粥丸桐子大人參湯入竹瀝再煎沸熱下六十丸

羅人參利膈丸治胃中不利痰嗽喘滿利脾胃壅滯便秘

推陳致新治膈氣之聖藥也

木香 檳榔七錢 人參 當歸

藿香 甘草 枳實 大黃酒浸

厚朴姜制各一兩

右為細末滴水為丸桐子大如劑丸少加宿蒸餅和丸

每服三五十九食後諸飲下

本大黃湯治冷涎番胃其候欲發時先流冷涎次則吐食

此乃勞証治不早死在旦夕用大黃一兩生姜自然汁半

茶盞灸大黃令燥又焯入姜汁中如此焯汁盡切焙為末

每服二錢陳米一撮葱白二莖水一大盞煎至七分先食

葱白次服其藥不十日去根

羅玄明粉朴硝不以多少煎過澄瀘五七遍晚於星月露

至明旦自然結成青白硝用一瓦礫按實炭火內煨從慢

至緊自然成汁煎至不響再加頂火一煨取出於淨地上

倒合盆去火毒至晚取出為細末每二斤入甘草末二兩

每用一錢二錢桃花湯或葱白湯調下治膈上氣壅滯五

飲積

臟秘塞邪熱忌魚及藕

丹番胃積飲通用益元散生姜自然汁澄清白脚丸小丸

子時時服益元散方見泄瀉 翻胃治用茱萸 貝母 瓜蒌

牛膝草

虫積

本治積聚停飲痰水生虫久則成反胃及變為胃癰其說在靈樞及巢氏病源芫花丸

芫花醋炒科 牛膝 狼牙根 桔梗炒

藜芦炒 檳榔各半 巴豆十粒炒黑

右為細末醋糊為丸如赤豆大每服二三丸加至五七

丸食前生姜湯下 此方常服化痰消堅殺虫予患飲

癖三十年暮年常多雜痰飲來潮遲即吐有時飲半杯

酒即止蓋合此症也因讀巢氏病源論酒痕云飲酒多

而食穀少積久漸瘦其病常欲思酒不得酒則吐多唾

不復能食是胃中有虫使然名為酒痕此藥治之要之

須禁酒即易治不禁無益也

海有楊時者因患風氣衝心飲食吐逆遍身枯瘦日服萬

病紫苑丸五丸至二十日瀉出肉塊蝦蟆五六枚白膿二

升愈又趙侍郎先食後吐目無所見耳無所聞服萬病紫

苑丸五丸至十日瀉出青蛇五七條下惡膿三升方愈紫苑丸

九即前治反胃厚朴丸加羌活獨活防風是也乃磨積之劑

世治番胃用蛔虫火煨為末肉汁調下

降火 諸逆衝上皆屬於火全文見診

世治番胃大田螺不拘多少用新水養之待吐出泥澄去

上清水後用米篩張地上却將皮紙鋪在灰上傾此泥於

紙上候乾稠丸如桐子大每服三十九藿香湯下立愈仍

將田螺放水中如食之其病不安 治反胃多年壁土和

香附子末米飲湯頻服之  
本治反胃吐食

白礬二兩 黃丹一兩

右為末入瓦礮內煨令和取出以淨紙盛放地上盆蓋一宿再為末蒸餅丸如桐子每服五丸至七丸空心溫酒下更量老少虛實與之

寒濕 羅紅荳丸治諸嘔逆膈氣反胃

丁香 胡椒 砂仁 紅荳各十個

右為細末姜汁糊為丸如皂角子大每服一丸以大棗一枚去核填藥麵裹燒熟去麵細嚼白湯下食前進三服神效

丁香附子散治膈氣吐食

丁香兩半 檳榔一個 黑附一個半兩重

硫黃石 胡椒各二錢

右先將前四味為末次入硫黃再研勻每服二錢用飛硫黃一箇去毛翅足腸肚填藥在內用濕紙五七重裹定置慢火內燒熟取出嚼吃後用溫酒送下一日三服不拘時候如不吃量酒溫粟粥飲調下飛硫黃或云編

世六丁丸治番胃如神即香靈丸方見

本附子散治反胃用附子一枚極天者生於磚上四面着火漸漸逼熟焯入生姜自然汁中再用火逼再焯約盡生姜汁半碗焙乾入丁香二錢每服二錢水一盞粟米少許同煎七分不過三服瘧斗門方用粟米飲調下一錢服之又方治男婦小兒唇青面黃肚裏冷疼引牽小腹以至番胃換食嘔吐口苦舌乾少寤多寐脚手牽掣不拘年日遠近一切脾冷病悉能除愈有一婦人年四十餘久患番胃

重劑

面目黃黑歷三十餘年醫不能効脾膈諸穴燒灸交遍其病愈甚服此藥七日頓然全愈服至一月遂去其根自是服之不三五服些小脾疾立便痊平保全胃氣能生肌肉進飲食順榮衛常服大有補益累試累驗幸毋忽焉

人參兩

茯苓白者二兩

附子七錢已上重者炮去皮臍

粉草兩

黃芪一兩

右為細末再服三大錢鹽湯煎服忌生冷油麪粘膩等毒物無不効者甚妙

羅桂香散治膈氣反胃諸藥難瘥朝食暮吐甚者食已輒出其効神速

水銀

黑錫各二錢

硫黃五錢

右三味銚內用柳木槌熬研微火上細研為灰取出後用丁香末二錢桂末二錢生姜末三錢都一處研令勻

汚血

每服三錢黃米粥飲調下一服効甚者再服  
右丁香附子例治番胃灼見臟腑有寒者服之丹溪云治反胃忌甚燥之劑犯之必死設用必與潤血藥相兼服又前瀉積條亦香燥劑用者謹之

本治男婦小兒遠年近日番胃吐食方用五靈脂一味不拘多少為細末用黃犬膽汁為丸如龍眼大每服一丸好酒半盞溫服不止再服不過三服即効行義云五靈脂行味甘溫療心腹冷氣通氣脈女子月閉

臟腑

食不能下者胃脘膈也全文見水腫一陽發病少氣善效善

泄其傳為膈全文見診病傳變○王註云三焦內結中熱故膈塞不便

素三陽結謂之膈王註云小腸結則血脈燥滯  
運氣膈食皆屬濕經云太陰所至為積飲痞膈是也  
世治番胃痛而吐諸氣不入者黃牛鼻繩各姓者七箇長

雜方

運氣

七寸燒存性為末作三服用好酒調下飯湯調亦得 鯽魚散大鯽魚一箇去腸留膽納綠礬末填滿縫口以炭火灸黃為末每服一錢陳米飲調下日三服 山番胃細炒棠梨葉去刺為末酒下 又方松木節為末酒下

針灸

靈黃帝曰氣為上膈者食飲入而還出余已知之矣虫為下膈下膈者食晬時乃出晬時遇余未得其意願卒聞之岐伯曰喜怒不適食飲不節寒溫不時則寒汁流於腸中流於腸中則虫寒虫寒則積聚守於下管則腸胃充郭衛氣不營邪氣居之腸胃充郭則衛氣不營人食則虫上食虫上食則下管虛下管虛則邪氣勝之積聚以留邪氣原而居下腕今虫上而下管虛則邪氣乘虛勝之而積聚以留也留則癰成癰成則下管約下管約故食入則痛其癰在管內者即內而痛深其癰在至晬時乃復出也

腕外者則癰外而痛浮癰 上皮膚熱黃帝曰刺之奈何岐伯曰微按其癰觀氣所行先淺刺其傍稍內益深還而刺之毋過三行察其沉浮以為深淺已刺必熨令熱入中目使熱內邪氣益衰詳此刺癰非所刺也但刺後熨之使熱大氣入于積所則邪免衰去積氣復盛也 癰乃潰伍以參禁以除其內恬憺無為乃能行氣後以醎苦化穀乃下矣

灸刺膈食有四

其一取胃經云虫為下膈按其癰刺之者是其一法也 其二取太陰經云太陰根于隱白結于太倉太陰為開開折則倉廩無所輸膈洞膈洞者取之太陰視有餘不足故開折者氣不足而生病者是也蓋膈洞者經謂之食不化下噎還出也 其三取胃經云胃病若膈咽不通飲食不下取之三里是

也又云飲食不下膈塞不通邪在胃脘在上腕則刺抑而

下之在下腕則散而去之是也

其四取手少陰經云手少陰之别名曰通里去腕一寸半

撮翻胃 勞宮分 中腕灸瀉 心膈一分沿皮向外

玉番胃吐食 中魁中指第三 中腕寸半 腕骨一分瀉

東吐食不化 上腕 中腕 下腕

中腕 中腕 天樞 又法 中腕 脾膈 中魁

三里 又法 腋聚毛下宛宛中五十 石關五十

東今日食明日吐 心膈沿皮寸半 膈膈沿皮寸半 胃堂七寸

中 巨闕 胃脘寸半各灸 又番胃 商丘 通谷

巨闕 然谷 隱白 陽陵泉 內庭 膈關

甲背痛惡寒脊強俯仰難食不下嘔吐多痰鬲關主之

丹切不可用香燥之藥服之必死宜薄滋味

脈寸口脈微而數微則無氣無氣則榮虛榮虛則血不足

血不足則胃中冷跌陽脈浮而濇浮則為虛濇則傷脾脾

傷則不磨朝食暮吐暮食朝吐完穀不化名曰胃反脈緊

而濇其病難治脈弦者虛也胃氣無餘朝食暮吐變為胃

診 忌

血稿

丹一男子年六十二歲平居不能頓食常喜頻食一日忽

覺咽膈壅塞大便結糞如羊矢三四日一見走動倦乏與

噎

脾脈微急為膈中食飲入而還出涎沫全文見虛實法

素胃脈奕而散者當病食痺脈要精微論○至真要論云食痺而吐

腎脈微緩為洞洞者食不化下噎還出全文見治虛實法

醫方類聚卷之三

瘧

補氣藥則作痛醫見食少則與快腸胃消導之藥予脈之  
兩手俱見瀦脈似真臟喜其人形瘦而色紫黑病見乎冬  
却有生意遂於四物湯加白朮陳皮煎取濃湯研桃仁十  
二粒再煎沸飲之多食諸般血以助藥力三十貼而知至  
五十貼而大便潤七十貼而食進百貼而愈  
浦江男子年六十自來好色虛甚去秋患吐病或有作時  
或有止時腹結微渴

地黃

人參

白朮

黃芩

川芎

芍藥

當歸

陳皮

枳殼

甘草

木通

楊淳三哥大便秘瀦咽塞不通人參散主之方見大便

積滯

厚朴丸治飲食噎塞方見番胃

汚血

東陽王仲延咽膈間常覺有物悶悶每食物必屈曲自

滯氣

膈而下且梗滯作微痛食亦減他無所苦予脈之右甚瀦  
而關甚沉左却和予曰汚血在胃腕之口氣因而鬱為痰  
此必食物所致明以告我彼不自覺予又曰汝去冬好食  
何物為多曰我每日必單飲點剝酒三兩盃逼寒氣為製  
一方用生薑汁半盞今細呷之每服半盞一日三次盡薑  
二斤而安

治膈噎馬剝兒即王瓜燒存性每一錢用棗肉平胃散二  
錢溫酒調服食即可下然後隨病源調理神效棗肉平胃散方見局

世治噎雞穀袋不問多少不可失包內物一粒用泥固濟  
火煨存性用姜汁炒香附每箇入半兩香附末神麴為丸  
姜湯送下  
治氣噎不下飲食

批杷葉去毛

青皮去穢

陳皮去穢

右等分爲末每服二錢水一盞生姜五片同煎至六七分溫服不計時候

治膈氣噎不下飲食用陳皮去白不拘多少用大蒜研細和丸如棗荳大每服二十九至三十九溫米飲下食後日三服

執滯

金匱玉函五噎心膈氣滯煩悶吐逆不下食蘆根五兩剉水三大盞煮二盞去查溫服

寒滯

羅漢防已散治五噎

漢防已五錢

官桂兩

細辛七錢

陳皮去白

羚羊角末

紫蘇各七錢半

杏仁湯洗去皮

右爲細末每服三錢生姜三片水煎日二

本治五種積氣及五噎胃膈不快停痰宿飲纏金丹

丁香

木香

沉香

檳榔

官桂

胡椒

礪砂研

白丁香各一

白荳蔻

飛礬各一錢研

馬兜鈴

南星

五靈脂

瓜蒌根

半夏各半兩

硃砂三錢留半爲衣

右爲細末入二味研藥和勻生姜汁煮糊丸如桐子大

每服三丸生姜湯下或乾嚼蘿蔔湯下

治氣食憂勞思慮五噎膈氣丸

麥門冬

甘草各五錢

人參四錢

桂心

細辛

川椒

遠志去心炒

附子各三錢

乾姜各二錢

右爲末煉蜜丸如雞豆大綿裹二丸含化食後日三夜

三服胸中當熱七日愈

治氣食憂勞思慮五噎膈氣丸

半夏

桔梗各一兩

肉桂

枳殼各兩

右細末姜汁麩糊丸如桐子大姜湯下三十九食後臥服

重脫

無擇廣五行記永徽中有僧惟則病噎不能食謂諸弟子曰吾死後便可開吾胃喉視有何物自經而卒弟子果開視胃中得一物形似魚而有兩頭遍躡皆肉鱗弟子置碗中跳躍不止戲以諸味皆隨化盡時夏中盛藍作殿適有一僧以澱置器中此虫遂遠器中走須臾化為水此乃虫瘕非五噎比後人因以藍治噎悞矣

子和沈丘王宰妻病智膈不利口流涎沫自言咽下胃中常有雷声心間時作微痛又復發昏智乳之間灸癰如某化痰利膈等藥服之三載病亦依然其家知戴人痰藥不損來求之一涌而出雪白虫一條長五六寸有口鼻牙齒

走於涎中病者惡而斷之中有白髮一莖此正與徐文伯

所止宮人髮瘕一同虫出立安

運氣

運氣噎皆屬燥經云陽明司天之政民病咳噎塞又云陽明之勝內餘噎塞胃中不便噎塞而欬又云陽明司天清復內餘噎塞者是也

右按運氣皆以噎塞生於燥噎塞者噎病也丹溪皆以噎病生於血槁血槁則燥矣得病情合經旨者丹溪一人也

雜方

禹錫頭垢治噎酸漿水煎膏用之立愈

聖治膈氣咽喉噎塞飲食不下用確齏上細糠蜜丸如彈子大不時含一丸嚥津下

孫治噎欲發時啣鷓鴣鳥嘴遂下外臺祕要同

聖治噎病用狼結喉骨曝乾杵末入半錢於飯飲內食之

妙

針灸摘五噎吞酸多唾嘔吐不止 天突五分留三呼得通關

在中腕旁各五分針入八分左撚能進飲食右撚能入

胃許氏云此穴一針四効九下針後良久覺脾胃食覺

動為一効次針破病根腹中作聲為二効次覺流入

勝眈為三効又次覺氣流行腰後骨空間為四効

撮治五噎置中 中魁中指大二節尖灸

甄權噎塞膈氣 通谷

明堂五噎分治 氣噎置中 憂噎心膈灸 食噎乳根

乳左下一 勞噎鬲膈灸 思噎天府灸

集五噎 勞宮 中魁 中腕 三里 太陰 支溝

上腕不巳再 取後穴 臍中 太白 下腕 右關 脾膈

胃膈

仲寸口脈浮大醫反下之此為大逆浮即無血大即為寒

寒氣相搏即為腸鳴醫不知而反與飲水令汗大出水得

診

寒氣冷必相搏其人即瘧

脈寸口脈緊而芤緊則為寒芤則為虛虛寒相搏脈為陰

結而遲其人則噎

咽喉噎塞口開目瞪

垣堵塞咽喉陽氣不得出者曰塞陰氣不得下降者曰噎

夫噎塞迎逆於咽喉膈之間令諸經不行則口開目瞪

氣欲絕當先用辛甘氣味俱陽之藥引胃氣以治其本加

堵塞之藥以瀉其標也寒月陰氣大助陰邪於外於正藥

內加吳茱萸大熟大辛苦之味以瀉陰寒之氣暑月陽盛

則於正藥中加青皮陳皮益智黃柏散寒氣泄陰火之上

逆或以消痞丸合滋腎丸滋腎丸者黃柏知母微加肉桂

三味是也或更加黃連別作丸二藥七八十九空約宿

食消盡服之待少時以美食壓之不令胃中停留也諸法

辛日治

冬加辛  
熱瀉標  
夏加苦  
寒瀉標

胃病

皆於補中益氣湯加減之

膈咽不通并四時換氣用藥法 黃帝針經曰胃病者腹  
膈脹胃脘當心而痛上支兩脇膈咽不通飲食不下取三  
里夫咽者嚥物之門戶也膈者上焦心肺之分野不通者  
升降之氣上不得下交通又云清氣在下則生飧泄飧泄  
者謂泄黃如糜米穀不化者是也濁氣在上則生腹脹腹  
中脹滿不得大便或大便難先結後溏皆是也濁氣在上  
當降而不降者乃腎肝吸入之陰氣不得入故食不得下  
也此皆氣衝之火逆胃之脈反上而作者也清氣在下則  
生飧泄者胃氣未病之日當上行心肺而榮經也因飲食  
失節勞役形躰心火乘于土位胃氣弱而下陷入陰中故  
米穀入而不得升反降而為飧泄也咽膈之間壅遏之甚  
不得交通者皆衝脈上行逆氣所作也蓋胃病者上衝

法  
冬月治

膈膈咽不通飲食不下取之三里者是也針經云清濁相  
干亂於胃中是為大悞大悞者惑也氣不交通最為急証  
不急去之諸變生矣聖人治此有要法陽氣不足陰氣有  
餘先補其陽後瀉其陰是先令陽氣升發於陽分而後瀉  
陰也春夏之月陽氣在經當益其經脈去其血絡秋冬陽  
氣降伏當先治其臟腑若有噎有塞塞者五臟之所主陰  
也血也噎者六腑之所主陽也氣也二者皆由陰中伏陽  
而作也今立四時用藥法并治法于後  
冬三月陰氣在外陽氣在內當外助陽氣不得發汗內消  
陰火勿令泄瀉此閉藏周密之大要也盛冬乃水旺之時  
水旺則金旺子能令母實肺者腎之母皮毛之陽元本虛  
弱更以冬月助其令故病者善嚏鼻流清涕寒甚則濁涕  
嚏不止比常人尤大惡風寒小便數而欠或上飲下便色

清而多大便不調常夜無寐甚則為痰為嗽為嘔為噦為吐唾白沫以至口開目瞪氣不交通欲絕者吳茱萸丸主之

吳茱萸丸治寒在膈上膈咽不通

吳茱萸 草薹各一分 益智仁八分 白姜蚕四分

陳皮 人參 黃芪 升麻各八分

麥牙一錢 甘草 歸身各六分 半夏一錢

木香二分 澤瀉 姜黃 柴胡各四分

青皮二分

右為末湯浸蒸餅為丸如菉苳大細嚼二十九白湯送下不拘時候勿多飲湯恐速走下則減藥力

夏月治法 夏三月大暑陽氣在外陰氣在內以此病值此時是天助正氣而對其邪氣不治而自愈矣然亦有當愈不愈者蓋

陰氣極盛正氣不能伸故耳且如膈咽不通咽中梗甚者前証俱作治法當從時用利膈丸瀉肺火以黃芪補中湯送下如兩足痿厥行步懼怯歌側欲倒臂肅如折及作痛而無力或氣短氣促而喘或不足以息以黃芪人參甘草白朮蒼朮澤瀉猪苓茯苓陳皮等作湯送下滋腎丸五六十丸六七月之間濕熱之令大行氣短不能言者加五味子麥門冬如心下痞悶食不下以上件白朮蒼朮等湯送下消痞丸七十九更審而用之

黃芪補中湯方見 利膈丸方見 滋腎丸方見

消痞丸方見

嘈雜

痰火 丹嘈雜只是痰因火而動梔子姜炒黃連不可無 此食鬱有熱山梔黃芩為君南星半夏陳皮為佐熱多加青黛

肥人嘈雜二陳湯少加蕪荳蒼朮白朮炒梔子心下  
嘈雜者導飲丸最妙方見內傷飲食

噦 產後噦

噦者成無已許學士謂之吃逆是也或曰成無已許學士  
固以噦為吃逆然東垣海藏又以噦為乾嘔陳無擇又以  
噦名欬逆諸論不同今予獨取成許二家之說何也荅曰  
噦義具在內經諸家察之不詳故論紛紛耳謹按靈樞雜  
病篇云噦以草刺鼻嚏嚏而已無息而疾迎引之立已大  
驚之亦可已詳此經文三法正乃治吃逆之法按吃逆用  
紙撚刺鼻便嚏則吃逆立止或閉口鼻氣使之無息亦  
立已或作冤盜賊大驚駭之亦已此予所以取成許一家  
之論噦為吃逆為得經旨也蓋噦吃之名雖二而病則一  
經名為之噦者噦即吃聲之重也俗名為之吃者吃即噦

噦辨

聲之輕也皆因病聲之輕重得此二名初非噦吃有二  
若以噦為乾嘔設使乾嘔之人或使之嚏或使之無息或  
使之大驚其乾嘔能立已乎噦非乾嘔也明矣若以噦名  
欬逆天噦者噦之病聲其聲發會厭下欬者欬之病聲其  
聲發會厭上故內經噦有噦之口問欬有欬之篇論病各  
不同噦不可名欬逆也明矣

丹吃逆論

吃病氣逆也氣自膈下直衝上出於口而作  
聲之名也書曰火炎上內經曰諸逆衝上皆屬於火東垣  
謂火與元氣不兩立又謂火元氣之賊也古方悉以胃弱  
言之而不及火且以丁香柿蒂竹茹陳皮等劑治之未審  
孰為降火孰為補虛人之陰氣依胃為養胃土傷損則木  
氣侮之矣此土敗木賊也陰為火所乘不得內守木挾相  
火乘之故直衝清道而上言胃弱者陰弱也虛之甚也病

降火補虛

人見此似爲危症然有實者不可不知敢陳其說趙立道  
年近五十質弱而多怒七月炎暑大飢索飯其家不能急  
具因大怒兩日後得滯下病口渴自以冷水調生蜜飲之  
甚快滯下亦漸緩如此五七日召予視脈稍大不數遂令  
止蜜水渴時且令以人參白朮煎湯調益元散與之滯下  
亦漸收七八日後覺倦甚發吃予知其因下久而陰虛也  
令其守前藥然滯下尙未止又以煉蜜飲之如此者三日  
吃尤未止衆皆尤藥之未當將以姜附飲之予曰補藥無  
速効附子非補陰者服之必死衆曰冷水飲多得無寒乎  
予曰炎暑如此飲涼非寒勿多疑待以日數藥力到當自  
止又四日而吃止滯下亦安 陳擇仁年近七十厚味之  
人也有久嗽病而作止不常新秋患滯下食大減至五七  
日後吃作召予視之脈皆大豁衆以爲難予曰形瘦者尙

可爲以人參白朮湯下大補丸以補血至七日而安此二  
人虛之調也 又一女子年踰笄性躁味厚炎月因大怒  
而吃作作則舉身跳動脈不可診神昏不知人問之乃知  
暴病視其形氣俱實遂以人參蘆二兩煎湯飲一碗大吐  
頑痰數碗大汗昏睡一日而安人參入手太陰補陰中之  
陽者也蘆則反是大瀉太陰之陽女子暴怒氣上肝主怒  
肺主氣經曰怒則氣逆因怒逆肝木乘火侮肺故吃大作  
而神昏參蘆善吐痰盡則氣降而火衰金氣復位胃氣得  
和而解麻黃發汗節能止汗穀屬金燥之性熱麥屬陽麩  
之性涼失儒謂物物具太極學者不可不觸類而長引而  
伸之也

無凡吐利後多作噦此由胃中虛膈上熱故噦或至八九  
聲相連於氣不回至於驚人者若傷寒久病得此甚惡內

經所謂壞府者是也

右吐利後噦即丹溪治趙立道與陳擇仁二人噦皆於  
滯下得之之類六脈大豁用參朮而愈是也予長兄九  
月得滯下每夜五十餘行嘔逆食不下五六日後加吃  
逆與丁香一粒喻之立止但少時又至遂用黃連瀉心  
湯加竹茹飲之吃雖少止滯下未安如此者十餘日遂  
空心用御米殼些少澁其滑日間用參朮陳皮之類補  
其虛自服御米殼之後吃聲漸輕滯下亦收而安

實者下之

仲噦而腹滿視其前後知何部不利利之即愈

小承氣湯治大便不通噦數譎語

方見下利中

丹超越陳氏二十餘歲因飽後奔走數里遂患噦病但食  
物則連噦百餘聲半日不止飲酒與湯則不作至晚發熱  
如此者二月脉濇數以血入氣中治之用桃仁承氣湯

紅花煎服下汚血數次即減再用木香和中丸加丁香服  
之十日而愈

痰鬱者吐之

無噦而心下堅痞眩悸者以膈間有痰水所為

丹洪孺人年廿六歲夏月因事為長上所阻怒氣折鬱不  
得舒須臾就浴湯熱不可近怒氣復增就悶絕昏倒乃以  
衣遮掩就房須臾欬逆大作每一聲必渾身為跳躍仍復  
昏悶凡三五息一作脈不可診予曰此膈上有痰逆為怒  
氣所鬱痰熱相搏氣不得降而逆非吐則不可是時夜半  
又事出倉卒適有人參蘆二兩在彼濃煎飲之大吐稠痰  
二升許通身得汗困睡半夜而安

此即前吃逆論所言者自此詳細故重出之

燥痰不出者用蜜水吐之

世噦聲頻密相連者為實可治若半時噦一聲者為虛難  
治多死在旦夕

滯氣

仲噦逆者陳皮竹茹湯主之

陳皮升二

竹茹升二

大棗三十枚

生姜升

甘草兩五

人參兩一

右六味以水一斗煮取三升溫服一升日五服

乾嘔噦若手足厥者陳皮湯主之方見嘔吐門

本又方

枳殼錢五

木香分一

右細末每服一錢白湯調下未可再與

孫治詒吃噦陳皮二兩湯浸去穢剉以水一升煎之五合

通口服頃刻更加枳殼一兩去穢炒同煎之

外治久患欬噦連欬一二十聲者取生姜汁半合蜜一匙

頭煎令熱溫服如此三服立効

汚血 超越陳氏噦用桃仁承氣湯下汚血數升而愈是汚血為

熱 噦也

丹溪用益元散大補丸治趙立道陳擇仁滯下而噦者或

用蜜水治噦者是熱噦也

寒 潔柿錢散治吃逆

柿錢

丁香

人參各等分

右為細末水煎食後服

羅丁香柿蒂散治諸種吃噦嘔逆痰涎

丁香

柿蒂

青皮

陳皮各一兩

右為粗末每服三錢水一盞半煎七分去渣溫服不拘

時候

羌活附子湯

羌活

附子炮

木香

茴香各五錢炒

乾姜兩一

臟腑 右為細末每服二錢益一撮煎二十沸熱服一服止

胃為噦全文見五臟虛實腹滿利而不噦者胃實也

運氣噦有三  
一曰熱經云少陰之復噦噫治以苦寒是也  
二曰寒經云太陽之復嘔出清水及為噦噫治以苦寒是也

三日燥經云陽明之復欬噦治以辛溫是也靈以草刺鼻傷寒將愈忽患吃逆予與古人治吃逆之藥殆遍皆不愈計出無藥遂用皂角末吹入鼻中得嚏而吃逆止少時又吃又與皂角末嚏而止者凡數百次其嚏時出痰涕漸多自是吃逆漸疎至三二日而止此是合經草刺鼻嚏之法故書之

針灸 黃帝曰人之噦者何氣使然岐伯曰穀入于胃胃氣上注于肺今有故寒氣與新穀氣俱還入于胃新故相亂真邪相攻氣并相逆復出于胃故為噦補手太陰瀉足少陰

補

世治吃逆於臍下關元穴灸七壯立愈累驗

羅又方男左女右乳下黑盡處一韭葉許灸三壯甚者二十七壯

集治氣逆發吃 亶中 中腕先補後瀉不巳再取下穴 三里 肺

俞 行間

診 心脈小甚為噦全文見治虛實法

產後噦

雜方 大產後欬逆三日不止欲死

肉桂五錢 姜汁三合

大右同煎服二合以火先灸手摩令背熱時時塗藥汁盡

產後咳逆乾柿一箇切碎以水一盞煎六分熱呷

28  
3708

產寶治產後咳逆經三五日不止欲死方煎壁鏡窠三五

箇呷瘥即蟬子窠

大噫吃服藥無効灸期門必愈

樹灸

大氣逆咳逆三日不止灸期門

以細小針深刺期門

期門在兩乳下陷中

羅反式與式文亦保不黑盡灸一韭葉指灸二

世台如並伏翻不關天穴灸十珠立愈

2

